



W. 2.

DE

PECCATO
IN SPIRITUM S.

IN HAC
ET ALTERA VITA
IRREMISSIBILI.

ACCEDIT

PARAPHRASIS

CUM NOTIS SELECTIS
IN EPISTOLAM
D. PAULI AD HEBRÆOS.

AUTHORE


MARTINO GERBERTO,

S. R. I. PRINC. & ABB. CONG. S. BLASII

O. S. B. IN SILVA NIGRA.

Typis San - Blasianis. 1766.

Videte fratres, ne forte sit in aliquo vestrum cor malum incredulitatis discedendi a DEO vivo: sed exhortamini vosmetipsos per singulos dies, donec Hodie cognominatur, ut non obduretur quis ex vobis fallacia peccati. Hebr. III. 12. &c.



PRÆFATIO.

Peccatorem non impune peccandi incessanter habenas laxare, atque divina gratiarum aspernari auxilia, & reiicere, non theologica solum, verum etiam e communi sensu repetita suadet ratio. Consequitur inde, esse modum & mensuram, quousque DEUS ferat proiectam peccandi libidinem, & in malo obstinationem animi, aut nimia de DEI misericordia conce-

(2 pta

P R Æ F A T I O.

pta fiducia, aut eiusdem abiecta spe, neglectaque. Istinc ego peccati in Spiritum Sanctum naturam veniæ expertem derivandam existimo, Iudæorum usus exemplo, qui huius peccati rei in Evangelio aguntur a Christo: quod ipsum eorum crimen non singulari aliquo delicto, sed omni illo blasphemiae spiritu circumscripsi, quo innumera erga se Divini Numinis beneficia & dona respuerunt. Tota in hoc argumento versatur D. P A U L I ad Hebræos epistola, cuius analyfin disquisitioni nostræ subnectimus; hic vero ad frontem sententiam præfiximus, quæ & primo obtutu omnem opinionis meæ rationem ob oculos poneret, & locis quibusdam eiusdem epistolæ facem accenderet, qui

P R Æ F A T I O.

qui multum interpretibus faceſſunt negotii; atque in cauſa fuerunt, ut ſerius, timidiusque communi Eccleſiarum aſſenſu in canone divinarum ſcripturarum cenſeretur: dum e. g. habet, impoſſibile eſſe eos, qui ſemel ſunt illuminati, guſtaverunt etiam bonum DEI verbum, virtutesque ſeculi venturi, & prolapſi ſunt, rurfus renovari ad pœnitentiam. Item voluntarie peccantibus nobis poſt acceptam notitiam veritatis iam non relinqui pro peccatis hoſtiam. Difficultas evaneſcet, ſi conſideretur ad Iudæos hæc eſſe dicta, quæ gens iamiam menſuram patrum ſuorum impletura eſſet, poſtrema oblata gratia Evangelii, quod perſpicuis ſignis & miraculis confirmatum tum prædicabatur. Hoc ſi ne-

P R Æ F A T I O.

gligerent, superesse nihil, quo ad pœnitentiam renoventur, nec aliam relinqui pro peccatis hostiam. Huc collimat ea epistola. Idcirco Iudæis, qui Christi fidem amplexi sunt, excellentiam novi præ veteri Testamento deprædicat, ut qui diffidant, exemplo gentilium suorum, salutem suam operari veteris Testamenti instituto, iam gratia novi id effectum ire nihil ambigant. Ostendit etiam cur, antiquato priore, novum sit institutum. *Nam, inquit *, si illud prius culpa vacasset: non utique secundi locus inquireretur. Vituperans enim eos, dicit: Ecce dies venient, dicit Dominus, & consummabo super domum Israel, & super domum Iuda testamentum novum; non secundum testamentum, quod feci patribus eo-*

* Hebr. VIII. 7. &c.

rum

P R Æ F A T I O.

rum in die, qua apprehendi manum eorum, ut educerem illos de terra Ægypti, quoniam ipsi non permanserunt in testamento meo, & ego neglexi eos. Habes hic testimonium perfidiæ Iudæorum, eorumque desertionis. Et certe pauci nomen Christo dederunt, quod ipse PAULUS ad calcem innuit: Etenim, inquit, perpaucis scripsi vobis. Iam gens illa prope interitum erat, impleta mensura patrum suorum. Huius rei prima adumbratio præcesserat in egressu ex Ægypto ad promissam terram, consummatio in Christi adventu, eos ad æternam vocantis requiem. Hinc S. PAULUS Quibus, inquit**, iuravit, non introire in requiem ipsius, nisi illis, qui incre-*

)(4 duli

* Hebr. XIII. 22.

** c. III. 18.

P R Æ F A T I O.

*duli fuerunt. Et videmus, quia non potuerunt introire propter incredulitatem. Ne enim universi de sua desperarent salute, spem facit iis, qui incredulitatem abiecerunt, atque in Christum crediderunt, exemplo eorum, qui ex Ægypto sunt egressi, ex quibus etiam fuerunt, qui meruerint terram promissam, nec DEI offensam incurrerint. Quidam, inquit *, audientes exacerbaverunt, sed non universi, qui profecti sunt ex Ægypto per Moysen. Quibus autem infensus est quadraginta annis? Nonne illis, qui peccaverunt, quorum cadavera prostrata sunt in deserto. Ut maiores ad fidem tenendam addat stimulos, longa serie recenset **, quidquid per fidem boni aliquando nacti, operatique sint homines: superesse, ut*

* c. III. 16. &c. ** c. XI.

in

P R Æ F A T I O.

in Christum credentes præsentī, quæ per eum mundo illata est utantur gratia, & salutis spe. *Habentes itaque*, inquit *, *fratres, fiduciam in introitu Sanctorum in sanguine Christi, quam initiavit nobis viam novam.. Accedamus cum vero corde in plenitudine fidei, aspersi corda a conscientia mala, & abluti corpus aqua munda, teneamus spei nostræ confessionem indeclinabilem . . . non deferentes collectionem nostram, sicut consuetudinis est quibusdam, sed consolantes, & tanto magis, quantum videritis appropinquantem diem. Quibus si non utantur in Christi fide subsidiis, aut iterum ea abiiciant, post acceptam veritatis notitiam, iam non relinqui, addit, pro peccatis hostiam : sed portionem eos accepturos cum reliqua*

* c. X. 19. &c.

P R Æ F A T I O.

gente perfida : scilicet hic desertione, illic æterna damnatione : quod dona Spiritus Sancti respuerint, quæ a Christo in Sacramentis novi Testamenti recondita sint. Ne vero de his ritibus Sacramentorum, quæ externa specie aliquid cum antiquatis commune habent, minus digne iudicent, eoquod in externis cærimoniis consistunt, ut fuerunt umbræ veteris Testamenti, & figuræ, huius rei ignorantiam tollit. *Etenim, inquit *, cum deberetis magistri esse propter tempus, rursum indigetis, ut vos doceamini, quæ sint elementa exordii sermonum DEI: & facti estis, quibus lacte opus sit, non solido cibo... Quapropter intermittentes inchoationis Christi sermonem ad perfectiora feramur, non rursum iacentes fundamentum pœnitentiae*

* c. V. 12.

P R Æ F A T I O.

tentiæ ab operibus mortuis, & fidei ad DEUM, baptismatum doctrinæ, impositionis quoque manuum. Ne enim Iudæos hos, qui iam fide Christi initiati erant, cogitatio incesse-
ret, libere se gratiam Sacramentorum proiicere posse, atque repetere iterum, ut erat quotidianus lotio-
num, impositionis manuum &c. in veteri lege usus, & consuetudo, mo-
net, hortaturque, præsentī uti gra-
tia, ne & ipsi ex eorum numero sint,
qui mensuram patrum suorum com-
pleverunt, & gratia exciderunt *.
Multa accumulāt verba ad divino-
rum donorum largitatem ostenden-
dam, quibus nihil proficientibus im-
possibile est renovari ad pœniten-
tiam : novis sine fructu gratiæ mu-
neribus imbui, quando ad ea animus

* c. VI. 4. &c.

clau-

P R Æ F A T I O.

clauditur, & obfirmatur. Pulchro hanc rem mox illustrat argumento ab imbre repetito, qui in terra fructus ferace germen proferat, secus non. *Terra enim, ait *, sæpe venientem super se bibens imbrem, & generans herbam opportunam illis, a quibus colitur, accipit benedictionem a DEO. Proferens autem spinas, ac tribulos, reprobata est, & maledicto proxima: cuius consummatio in combustionem.* Hic obstinatum Iudaicum petit gentem. Cum autem ad eos loquatur, qui a fæce se Iudaica exemerunt, Christi suscepta fide, adiungit: *Confidimus autem de vobis, dilectissimi, meliora & viciniora saluti, tametsi ita loquimur. Non enim iniustus DEUS, ut obliviscatur operis vestri, & dilectionis, quam ostendistis in no-*

* c. VI. 7. &c.

mine

P R Æ F A T I O.

*mine ipsius , qui ministrastis Sanctis,
 & ministratis. Cupimus autem unum-
 quemquemque vestrum eandem osten-
 tare sollicitudinem ad expletionem
 spei usque in finem &c. Referta est
 epistola monitis, crebra simul terro-
 ris incussione ; * ne tantam negli-
 gant salutem : ne forte relicta pol-
 licitatione introeundi in requiem Dei
 existimetur aliquis deesse. Ne quis
 desit gratiæ Dei. Ne in idipsum
 quis incidat incredulitatis exem-
 plum, ut cætera nempe Iudaica gens.
 Etenim, inquit **, & nobis annuncia-
 tum est, quemadmodum & illis, sed
 non profuit illis sermo auditus, non
 admistus fidei ex iis, quæ audierunt.
 Tum paucis interpositis: Quoniam,
 inquit, superest introire quosdam in
 illam,*

* c. II. 3. IV. I. II. XII. 15. ** IV. 2.

P R Æ F A T I O.

*illam, & ii, quibus prioribus annunciatum est, non introierunt propter incredulitatem. Iterum terminat diem quendam Hodie, in David dicendo, post tantum temporis, sicut supra dictum est: hodie, si vocem eius audieritis, nolite obdurare corda vestra. Nimirum: * donec hodie cognominatur, ut non obduretur quis fallacia peccati. Quo ostenditur, utendum tempore ac momentis poenitentiae, & gratiarum, ne forte pereffluamus. Optime metaphora παραρρυσῶμεν sic explicatur: dum ob peccatum in Spiritum S. gratia excidimus, dilabitur, effluitque nobis salus, nec amplius continemus gratiam. Quæ enim intereunt, alibi etiam in scripturis aquæ diffuenti comparantur. Est apud MATTHÆUM,*

* c. III. 13.

MAR-

P R Æ F A T I O.

MARCUM & LUCAM parœmia de vino novo misso in uteres veteres, unde rumpantur uteres, & vinum diffluat. Alibi in scripturis eadem phrasis recurrit: De peccatoribus DAVID *Ad nihilum*, inquit, *devenient, tanquam aqua decurrens*. Adiungit ceræ diffluentis exemplum: *Sicut cera, quæ fluit, auferentur*. Alibi mitiore metaphora dicit: *Tanquam aqua effusus sum, & dispersa sunt omnia ossa mea*. Quam membrorum dissolutorum rationem PAULUS hac ipsa in epistola adhibet: *Propter quod*, inquit*, *remissas manus, & soluta genua erigite, & gressus rectos facite pedibus vestris &c.* Ubi ei similis est monitio, quam explicamus. Cuius sensus clarissime ad
men-

* c. XII. 12. 13.

P R Æ F A T I O.

mentem nostram apud IRENÆUM
 * exposituræ adv. hæres. *Ne forte post
 agnitionem Christi agentes aliquid,
 quod non placeat DEO, remissionem
 non habeamus ultra delictorum, sed
 excludamur a regno eius. Iam cum
 D. PAULO concludamus: Adeamus
 cum fiducia ad thronum gratiæ: ut
 misericordiam consequamur, & gra-
 tiam inveniamus, auxilium tem-
 pore opportuno. Hæc nobis præ-
 fanda sunt visa, ut lucem sententiæ
 Paulinianæ, disputationi nostræ præ-
 fixæ, afferremus, in eam opinio-
 nem, quam deinceps stabiliemus de
 peccato in Spiritum S. quo se uti-
 nam sola Iudaica contaminasset na-
 tio, nec in hoc seculo, nec in al-
 tero remittendo.*

DISQUI-

* L. IV. c. 45.



DISQUISITIO
DE PECCATO
IN SPIRITUM S.

Ad MATTH. XII. 31. &c.

CAPUT I.

*Variae sententiæ referuntur,
& examinantur.*

I.

Ea constantia, & auctoritate pri-
mis statim seculis contra Mon-
tanistas, & Novatianos remis-
sionis peccatorum divinum donum sibi
relictum Ecclesia tuita est, & vindicavit,
quæ illius adversus portas inferi poten-
tiam,

Quæritur;
an sit pec-
catum in
Spiritum
S. irremis-
sibile?

A tiam,

2 DISQUISITIO DE PECCATO

tiam, & firmitatem decuit. Nihil tamen, quod magis veritatis catholicæ propugnatoribus negotium facesseret, erat, illis scripturæ sacræ testimoniis, quibus aperte certis peccatis remissio denegata videbatur. Cujusmodi tres sententiæ ex tribus Evangelistis MATTHÆO, MARCO, & LUCA de peccato, seu blasphemia in Spiritum Sanctum proferri solebant, quæ nunquam, neque in hoc seculo, neque in futuro remitterentur. Quod peccatum in Scripturis blasphemia in Spiritum, seu Spiritus, verbum contra Spiritum, apud Latinos Patres peccatum sine venia, irremissibile, non remittendum &c. apud Græcos peccatum indelebile ἀναπόνητον, ἀναπότριπτον, ἀψυκτον ἁμαρτία, a CYRILL. Alex. a) A BASILIO b): ἀναπολόγητον ἁμάρτημα, indeprecabile peccatum, ἀσυγχώρητον ἢ εἰς τὸ πνεῦμα τὸ ἅγιον βλασφημία, blasphemia in Spiritum S. expers venia a S. CHRYSOSTOMO: ἀσυγχώρητον ἁμαρτία vocatum. Igitur quaestio pulsat, sitne eiusmodi aliquod peccatum irremissibile? Item quidnam blasphem-

a) Ad V. 4. C. I. IES.

b) De Spir. S: Id ad Mon. LAPSUM.

phemiae, peccatique in Spiritum S. apud tres Evangelistas nomine veniat?

II. Qua in re illud primo observandum, non de omni blasphemia esse hic sermonem. *Cum enim*, ut recte ait S. ATHANASIUS a), *qui blasphemat in ipsam Deitatem, impie agat*, quando speciatim blasphemia in Spiritum dicitur, non quaecunque intelligenda venit. *Admoneo*, inquit S. AUGUSTINUS b), *non dixisse Dominum omnis blasphemia Spiritus non remittetur: neque dixisse, qui dixerit quodcunque verbum contra Spiritum S. non remittetur ei: sed qui dixerit verbum.* Quod saepius inculcat S. Doctor. Tum unam aliquam talem existere statuit: *Necesse est plane*, ait, c) *ut sit aliqua blasphemia, & aliquod verbum, quod si dicatur contra Spiritum S. nullam unquam veniam, remissionemque mereatur; quia si omne acceperimus, quisnam*

Non de omni blasphemia hic fermo, sed de singulari aliqua.

a

b

c

A 2 poterit

a) Ep. IV. ad SERAP. T. I. Nov. Ed. Paris. 1689. Ὁ βλασφημῶν εἰς αὐτὴν ἀσεβεῖ τὴν θεότητα.

b) Serm. LXXI. de verb. Domini n. 9. T. V. Op. Ed. Par. 1683.

c) lb. n. 10.

4 DISQUISITIO DE PECCATO

poterit salvari? si autem rursus nullum putaverimus, contradicimus Salvatori. Aperte igitur S. AUGUSTINUS aliquod peccatum veniæ expers agnoscit, cuiusmodi vero mox dicemus.

Non præcise gravium aliquorum peccatorum circumstantia peccatum in Spiritum S.

III. MORINUS cum (*lib. IX. de pœnit. c. 28.*) aliquod peccatum agnitum a Patribus scripsisset, cui nunquam a DEO, aut Ecclesia venia tribueretur in recognitione operis non de certa aliqua peccati specie, sed nonnullis gravium peccatorum circumstantiis vult intelligi; quæ de re quid sentiendum, suus erit dicendi locus; solummodo ea, quæ mox ex S. AUGUSTINO adduximus, MORINO opponimus, communemque Ecclesiæ mentem certam quandam speciem peccati in Spiritum S. constituentis. Veri tamen aliquid in hac MORINI sententia deprehendere nobis videmur, quod in nostræ opinionis explicatione discutimus.

Non quodvis peccatum ex malitia, contemptu peccatum

IV. Ad hunc censum pertinent, qui generatim delinquere ex certa malitia, contemptu, aut obstinatione, peccatum in Spiritum S. volunt esse, ea usi ratione,

ne, quod desperatio, obstinatio, im- in Spiritum S. est.
 poenitentia &c. ad omne genus peccati
 pertinere, atque sese effundere possit.
 Istos nec rem acu tangere, nec toto
 cœlo aberrare reor. Non enim quodvis
 malitiæ genus contra Spiritum S. comi-
 nus pugnat, sed illud tantum, quod eius-
 dem donis, & beneficiis opponitur:
 cum nempe peccatur in eo, quod a
 peccando retrahere hominum studia
 aptum natura sua esset, illudque con-
 temnitur. Quod dum fit, impedi-
 mentum remissioni peccatorum directe obici-
 tur, quæ Spiritus S. beneficium est. Sic
 e. c. qui spem veniæ abiicit, atque
 desperatione vitiorum libidini habenas
 laxat, aut de remissione peccatorum
 suorum consequenda desperat, Spiritus
 S. dono directe repugnat, obicemque
 ponit. Item, qui vitam æternam con-
 temnit, quam summopere cupere debe-
 mus, pœnæ æternæ timorem excutit,
 libere sese peccatis committit, in Spiritum
 S. peccat; siquidem harum rerum
 fidem penitus non abiiciat, tum enim
 ad peccatum infidelitatis pertineret metus
 & spei abiectio. Ubi advertendum, non

peccata, ad quæ incentivum contemptus ille fuerat, peccatum in Spiritum S. denominari, sed ipsum contemptum, atque abiectiorem eorum subsidiorum, quibus aut ad poenitentiam, remissionemque criminum pertingimus, aut a peccando retrahimur, atque in divina gratia consolidamur. Nobis hæc aliquando lucis aliquid foenerabuntur.

Peccata
omnia
christiano-
rum non
sunt in
Spiritem
S. crimen.

a

V. Inter eos, qui nimis ample peccatum in Spiritum Sanctum protenderunt, quorundam sententiam profert S. AUGUSTINUS a), neque tamen auctores nominat: *Nonnullis, inquit, videtur eos tantummodo peccare in Spiritum S. qui lavacro regenerationis abluti in Ecclesia, & accepto Spiritu S. velut tanto postea dono Salvatoris ingrati mortifero aliquo peccato se immerferint: qualia sunt vel adulteria, vel homicidia, vel ipsa discessio sive omni modo a nomine christiano, sive a catholica Ecclesia.* An hic S. AUGUSTINUS mortiferi peccati nomine tria recensita tantum intellexerit, certo statuere non licet, cum ex multis antiquitatis christi-
næ

a) Serm. LXXI. de verb. D. Matth. XII.
n. 7. p. 387. T. V. D.

næ monumentis clareat, de horum criminum remissione acrius fuisse disceptatum. S. ATHANASIUS ORIGENI, & THEOGNOSTO opinionem tribuere videtur, qua quævis christianorum peccata, qui Sacramentis fidei initiati sunt, si relabantur, remissione careant. *Cum ii*, verba sunt S. ATHANASII a), quibus in baptisinate Donum Spiritus S. tribuitur, ad peccata recidunt: ideo remissionem peccatorum non sunt consecuturi. Qua in re oppido illi falluntur, qui THEOGNOSTO aliam quam ORIGENI sententiam animo sedisse putant, decepti voce Græca: τελειῶσθαι, unde participium τελειωσμένον perfectus; interpretati sunt, atque in eum sensum sumserunt, ac si THEOGNOSTUS solis perfectis, si in peccata relabantur, veniæ remissionem occludat: Cum ea voce Sacramentorum initiatio non solum ad christianam religionem, sed etiam ad ethnica sacra passim apud Christianos, & ethnicos auctores de-

A 4

no-

- a) Ep. IV. ad SERAP. T. I. p. 702. D. n. 9.
 Όταν οἱ καταζωθέντες ἐν τῷ βαπτίσματι
 τῆς δωρεᾶς τῆς ἁγίας πνεύματος, παλω-
 δρομήσωσιν εἰς τὸ ἁμαρτάνειν, διὰ τὸτο
 γὰρ μὴδὲ ἀφῇσιν αὐτοὺς λήψεσθαι.

8 DISQUISITIO DE PECCATO

notetur, ut satis mirari non possim hunc errorem etiam græce doctum errare potuisse. Ut ad propositum redeam, non hic disputo, ORIGENINE iure an iniuria hæc adscribatur opinio, qui remissionis peccatorum in Ecclesia potestatem non semel agnoscit, quam ista sententia penitus destruit, itemque poenitentiae sæpius cum laude meminit: absurdissima sane hæc est opinio. *Certe enim*, ut

a) verbis utar S. ATHANASII a), *si ii, quos ille (CHRISTUS) alloquebatur, Pharisei nempe, lavacrum regenerationis acceperint, & doni Spiritus S. iam participes fuissent, verisimilis esset eiusmodi interpretatio, illi quippe a iustitia descivissent, & in Spiritum S. deliquissent, sed cum lavacrum non acceperint, sed etiam baptisma Ioannis vilipenderint, cur illos accusabat, quod blasphemassent in Spiritum S. cuius nondum participes effecti fuerant?*

b) Eadem ratione S. HIERONYMUS b) NOVATIANUM impugnatur, remittendi potestatem inter Christianos negantem, quod in Spiritum Sanctum peccet, *qui factus Chri-*

a) L. c. n. 12. p. 704. A.

b) Ep. CXLIX. ad MARCELLAM T. I. Ed. Plant. 1579. p. 414.

Christianus, postea negaverit: Novatianus, inquit, affirmat, non posse peccare in Spiritum S. nisi eum, qui christianus sit, & postea negaverit: manifestum est, Iudæos, qui eo tempore blasphemabant, peccato blasphemiae non teneri, quippe qui impii coloni interfectis prophetis de nece Domini cogitabant. Sic iisdem argumentis & error Novatianus, ORIGENISQUE refutatur, cum, si quod res est, dicendum sit, uniusmodi etiam sit, nec consistere possit ecclesiastica remittendi peccata potestas, si omnia Christianorum peccata blasphemiae in Spiritum S. sint veniae expertia. Cur vero, inquit S. ATHANASIUS a), Novatum culpamus a
pœnitentiam tollentem, ac dicentem, nullam superesse iis veniam, qui post lavacrum peccaverint, si hæc verba de illis, qui post lavacrum peccarint, dicta fuere? Atque hi sunt fere, qui generalius, universaliusque peccatum in Spiritum S. sunt interpretati, ad nullam certam peccati speciem destinando; adversus quos iterum D. AUGUSTINI b) testimo- b

A 5 nio,

a) L. c. n. 13. E.

b) Serm. LXXI. de verb. Evang. Matth. XII. T. V. p. 389. n. 11. F.

nio, dictoque, quod ille sæpius repetit, præscribimus. *Cum audimus*, verba sunt S. Doctoris, *Spiritus blasphemia non remittetur, non omnem blasphemiam, sed quandam: Et cum audimus, qui dicit verbum contra Spiritum S. non remittitur ei; non omne verbum, sed quoddam intelligere debemus.*

Blasphemia in Spiritum S. ab illa in Filium hominis non præcise distinguitur, quod hæc humanitatem, illa Deitatem Christi lacessat.

VI. Quod isti nimis ample, & latius de blasphemia, peccatoque in Spiritum S. differunt, alii extreme oppositi, strictius, præcisiusque exposuere; cumque a MATTHÆO discrimen in blasphemia contra Filium, & illa contra Spiritum S. viderent positum, blasphemiam in Filium peccatum Phariseorum in humanam Christi naturam, conversationemque sunt interpretati, ut cum Christum potatorem vini, peccatorum amicum dicerent. Blasphemiam vero in Spiritum, eorum adversus divinam naturam, divinaque opera, blasphema verba intellexerunt; quod haud respuendum foret, nisi plerique nimis exiliter hæc stringerent. Huiusmodi interpretatione usus est *Alphonfus TOSTATUS*, vulgo *Abulensis* a) dictus,

a) In C. XII. Matth. q. 67. f. 19.

dictus, quod esset Abulensis Episcopus: Accipitur, inquit, *Spiritus S. pro tota natura divina, & Filius hominis pro Christo quantum ad humanitatem solum, vel solum in quantum cognoscitur esse homo, & tunc peccatum vel blasphemia esset contra Filium hominis, si quis vocuisset CHRISTO eo tempore, quo nondum cognoscebatur, sicut illi, qui dixerunt: hic est vorax, & potator vini, precedenti capite. Ista enim fiebant contra Filium hominis, quia fiebant contra eum, qui non putabatur esse Deus. Verbum vel blasphemia contra Spiritum S. est, quidquid dicitur contra Deitatem aperte, ut si quis dicat, quod Deus non remittit peccata &c Ex SS. Patribus, quorum potissimum vestigia legimus, huius opinionis complures sunt Patroni. S. ATHANASIO a) verbum contra Filium, & Spiritum S. contra duplicem in Christo naturam, duplicisque naturæ opera intelligit. Ipsa, inquit, lectionis observatio videtur mihi talem quandam sententiam exhibere, & indicare utramque blasphemiam ad ipsum pertinere, & de se-*

a

a) Ep. IV. ad SERAP. T. I. p. 709. n. 19. D.

se ipso illum dixisse: Filius hominis, & Spiritus; ut ex illo, quæ corpus suum spectarent: ex Spiritu vero spirituales suam, & intelligibilem verissimamque Divinitatem declararet. Siquidem id, de quo venia obtineri potest, ad Filium hominis retulit, ut corporea sua significaret: blasphemiam autem non remittendam ad Spiritum pertingere declaravit: ut dum ad differentiam sui corporis hæc diceret, suam Divinitatem commonstraret. Idem & loco citato, & alibi, tum potissimum libro de communi essentia Patris &c. sæpius repetit: a) Deitatem ergo Verbi ipse Christus Spiritum sanctum appellat, quemadmodum ad Samaritanam locutus est: Spiritus, inquit, Deus est. Humanitatem vero suam Filium hominis nominavit. Eadem S. HILARIUS b) sentit; caret, inquit, commentans in MATTHÆI de peccato in Spiritum S. locum, Misericordia, si Deus in Christo negetur. CYRILLUS c) dum quispiam in hominem peccavit, Deum pro se potest invocare, cum vero in Deum blasphemias pro-

a) S. ATHAN. de Com. essent. Patris &c. c. 49. T. II. p. 26. B.

b) In Matth. XII.

c) Caten. in Matth. T. II. p. 436.

protulerit, non licet invocare pro se. Cum itaque homo videretur Dei Filius, etsi natura Deus esset, non admodum sine intellectu existentibus innotescebat, veniam itaque ex ignorantia in sese peccantibus largitur; eos vero, qui in Spiritum S. peccant, perpetuum dicit manere supplicium, Spiritum dicens totam Deitatem Trinitatis. Catena in MARCUM a) duos
huius sententiæ auctores collegit, VICTOREM Antiochenum, & PHOTIUM. Quorum prior blasphemiam, inquit, in DEUM
(Deum enim designat nomine Spiritus) extra omnem spem veniæ dicit. PHOTIUS:
b) Dum blasphemiam in Spiritum expertem veniæ pronunciat, Deum intelligit nomine Spiritus. Ait igitur, contumelias, quæ irrogabantur Christo, quatenus occurrebat sensibus, & merus homo censebatur, quasi veniales videri posse, præ inexpiabili furore earum, quæ Christus pro DEO agnitum violare nihilominus pergebant. S. AUGUSTINUS quorundam opinionem refert, & reiicit, qui blasphemiam in Filium a blasphemiam

a) III. f. 73.

b) Ib. f. 74.

14 DISQUISITIO DE PECCATO

a blasphemiam in Spiritum S. venia, & remissione distingui asserunt, ut hæc irremissibilis, remissibilis illa pronuncietur, quatenus CHRISTUS ut Filius hominis minor est Spiritu S. *Nec illud, inquit, a) sentiendum est, quod quidam putant, ideo remitti verbum, quod dicitur contra Filium hominis; non remitti autem quod dicitur contra Spiritum S. quia propter susceptam carnem factus est Filius hominis CHRISTUS, qua carne utique maior est Spiritus Sanctus, qui substantia propria aequalis est Patri, & unigenito Filio secundum eius Divinitatem, secundum quam & ipse unigenitus Filius aequalis est Patri, & Spiritui S. Huius opinionis assertorem S. CHRYSOSTOMUM citant: & S. ATHANASIUS quædam haud absone profert. Nihil vero interest, an, qui blasphemiam in humanam naturam, a blasphemiam in Deitatem distinguunt, seu Filii, seu Spiritus Divinitatem intelligant, cum sit una, eademque, par igitur, ac per omnia similis horum sententia.*

VII.

a) S. AUG. serm. LXXI. de verb. Evang. Matth. XII. n. 24. f. 396. A.

VII. Ita vero complures, quos citavimus, blasphemiam in Spiritum Deitati tribuunt, ut ex operibus, seu miraculis CHRISTI conicere Divinitatem, aut saltem divinam quandam in CHRISTO vim agnoscere debuissent Phariseos asserant.

Quod recentiores complures, inter quos *Abulensis*, aperte faciunt, ut opera, & virtutem divinam CHRISTI Deitatis indicem agnoscendam a Phariseis pronuncient. Et S. ATHANASIUS a) hoc perspicue Phariseorum peccatum sapius constituit, unum locum adduxisse sufficiat.

Si enim, inquit, *comestio, speciesque corporis, etiam hominem esse declarabat, quare non ex operibus perspiciebant, ipsum in Patre esse, & Patrem in ipso? Atqui id nolebant illi, imo potius ipsum Beelzebubem habebant in se loquentem, ut ex humanis eum hominem duntaxat vocarent; ex operibus autem, quæ DEI propria erant, non itidem illum esse DEUM confiterentur.* Solum vero ex miraculis DEUM in CHRISTO agnoscere nescio num jure a Iudæis expeteretur. Quippe qui miracula plurima ab hominibus

Ob virtutem divinitatem ex miraculis resplendentem.

a

a) Ep. IV. ad SERAP. p. 709. C.

16 DISQUISITIO DE PECCATO

nibus divina virtute instructis, noscerent a MOYSE, & Prophetis, quæ quotidie in Scripturis legerent: neque Christus ordiente suæ prædicationis officio Divinitatis suæ agnitionem tam expresse flagitabat, præterquam ab illis, qui sibi arctius addicti erant. Deinde si quævis in Divinitatem blasphemia remissione caret, cur Ecclesia hæreticis de Divinitate Christi, & Spiritus S. errantibus veniam semper indulget, indulgetque? Quæ
a secum reputans S. AUGUSTINUS a) loco sæpius citato, hanc reiicit sententiam: *Manifestum est, ait, & a Paganis, & a Iudæis, & ab hæreticis blasphemari Spiritum S. nunquid nam ergo deserendi sunt, & sine ulla spe deputandi &c.*

Peccatum in Spiritum S. non solum modo circumscribitur, si opera Spiritus S. dæmoni tribuantur.

VIII. Alii vero, ii que non pauci præcise in eo peccatum Phariseorum in Spiritum Sanctum posuerunt, quod opera a Christo divina virtute, digito, Spirituque DEI patrata dæmoni tribuerent. Inter quos PACIANUS b), *Hæc cæcitas, inquit, est, non videre quod videas, & Sancti Spiritus opera diabolo deputare, eam-*

a) Serm. LXXI. in Matth. 12. p. 387. n. 6. B.

b) T. IV. Bibl. Max. PP. p. 312. F.

eamque gloriam Domini, qua diabolus ipse superatur, diaboli appellare virtutem. Hoc est ergo, quod non dimittetur; reliqua bonis pœnitentibus donantur. Ubi advertendum, peccati enormitatem in eo potissimum fisti, quod aperta Spiritus S. opera, & agnita pro talibus, si dæmoni sola malitia tribuantur, peccatum in Spiritum Sanctum sint, quo se contaminarint Iudæi. S. AMBROSIIUS a) itidem peccatum in Spiritum Sanctum asserit, quo opera Spiritus S. Beelzebub adscriberentur: De iis utique expressum videmus, qui Dominum IESUM in Beelzebub eiicere demonia loquebantur, quibus sic respondet Dominus, quod satanæ hereditas in illis esset, qui satanæ compararent Salvatorem omnium, & in regno diaboli constituerent Christi gratiam. Paria habet in libro de Spiritu S. quamvis variet sua in opinione, & quandoque cum S. HILARIO, & aliis Divinitatem in Christo negatam pro hoc peccato recenseat, quandoque hæresin: de qua eius sententia postea dicendi locus

B erit.

a) L. II. de Pœnit. c. IV. T. IV. Edit. Par. 1586. p. 371. H.

erit. S. HIERONYMUS quodam loco adve-
 fus Novatianos tuetur, non quamvis Chri-
 sti abnegationem blasphemiam in Spritu
 tum S. esse, atque venia carens peccatum;
 tum; pro tali tamen agnoscit, si opera
 divina per apertam calumniam demoni
 a auctori attribuantur. Unde, inquit
de toto ipsius scripturae ordine convincen-
du est (NOVATIANUS) non iis irremissibili-
 s *lem esse dictam blasphemiam, qui tormen-*
tis compulsi, & variis eviscerati cruci-
tibus Dominum denegassent, sed iis, qui
cum in virtutibus videant opera demonis
calumniantur, & clamitant demonis
virtutem, & omnia signa, quae fuerunt
sunt, non ad Divinam magnificentiam
sed ad diabolum pertinere. Ne venia
 cuiusquam dubium esse possit, HIERONY-
 MUM eiusmodi peccatum vere veniae o-
 nis, & remissionis expers iudicare, qui
 post pauca citato in loco addit, in me-
 dium proferam. Probet, verba sunt
 Doctoris, Novatianus aliquem de iis, qui
 sacrificare compulsi sunt ante tribuna
 iudicis, respondisse omnia, quae in Evan-
 gelio

a) S. HIER. Ep. 149. ad MARCELLAM T.
 p. 414. b.

lio scripta sunt, non a Filio Dei, sed a Beelzebub principe demoniorum fuisse perfecta: & tunc poterit approbare irremissibilem in Spiritum S. esse blasphemiam. Et ne cui in mentem veniat S. Doctorem largiri solum hoc NOVATIANO, non secundum propriam animi sententiam loqui, quibusdam interiectis satis declarat, se manifeste peccatum, quod non possit dimitti, statuere: Ut cum in virtutibus Deum, Beelzebub calumnieris in factis. Ut Græcos etiam proferamus Patres, qui blasphemiam in Spiritum S. operum divinorum calumniam constituunt, primo S. BASILIUM a) audiamus. Ex ea, inquit, quæ tunc facta est, blasphemia, quam protulerunt Pharisei, ob quos etiam hoc iudicium positum est, manifestum est illum etiam nunc blasphemare in Spiritum S., qui actiones, & fructus Sancti Spiritus adversario defert, quod multi patimur, probum quidem inanis gloriæ cupidum periculose appellantes: eius vero, qui bonum zelum ostendit, viam ementientes, multaque huiusmodi pravis suis

B 2 spicio-

a) Cat. Nicetæ Ep. T. I. Cat. in Matth. p. 440.

spicionibus falso producentes. Ubi probe notandum, & observatione singulari dignum, blasphemiam in Spiritum S. committi, si etiam in hominibus opera, & fructus Spiritus S. quis calumniatur. Cuiusmodi blasphemiam **Pharisæorum** fuisse ex recentioribus GROTIUS statuiffe videtur commentans S. MATTHÆI locum, qui potissimum præsentî disquisitioni locum dedit. S. CHRYSOSTOMUS a), ut ad græcos Patres redeam, similiter blasphemiam in Spiritum S. protervam, lubentemque, ut ita dicam, & prudentem operum Spiritus S. abnegationem vult esse. *Speâtoribus, inquit, miraculorum Christi contra propriorum sensuum experientiam contumacia nitentibus ad non credendum, quod palam erat, auctorem esse Spiritum S. talium operum, quomodo æquum sit ignosci? &c.* Ad eundem sensum locum MATTHÆI eleganti paraphrasi circumscribit, eo solum excepto, quod, cum hic videatur crimen istud venia expers innuere, ibi ideo irremissibile asserat, quo significaretur, multo minus hoc esse ignoscibile, ac veniale. Cum
reliqui

a) Cat. græc. Pat. in Matth. T. I. p. 175.

reliqui fere, quos modo retulimus, SS. PACIANUS, AMBROSIVS, HIERONYMVS prorsus veniam tali peccato negare videantur; & in *Catena* NICETÆ CHRYSOSTOMI referuntur verba, quæ aperte talem blasphemiam irremissibilem habeant: certe stare hæc opinio nequit, cum nunquam Ecclesia consueverit talis calumniæ reis veniam aliquando negare, ut neque de venia tali peccato neganda quæstio unquam mota sit, cum de aliis criminibus idololatria, homicidio, adulterio frequenter disceptaretur. Praxin hic intelligo Ecclesiæ, non verba scriptorum attendo: nec praxin solum, sed sententiam constantem universæ Ecclesiæ, quæ nullius sibi peccati remittendi potestatem restrictam satis declarat, si sincera poenitentia comite clavibus peccatores illud committunt. Et quoniam semel apud animum constituimus, apertæ insistere litteræ, neque placet, quod scriptura clarissime dicit, non fore remittendum de sola veniæ difficultate interpretari, aliquid aliud hic est statuendum. Quid? quod Ecclesia constituat plures peccati in Spiritum S. species, ista autem

sententia unius illius meminerit, cuius Iudæi erant rei.

Qui im-
pœniten-
tiam fina-
lem pro
peccato
irremissi-
bili statu-
erunt.

IX. Sunt, qui unum aliquod peccatum, impœnitentiam, hæresin, pro peccato in Spiritum S. habent. S. AUGUSTINUS præcipue impœnitentiam peccato in Spiritum S. ponit, cumque quodam in loco invidentiam fraternæ charitatis pro peccato irremissibili venditasset, facti pœnitens libro retractationum addendum duxit: tunc peccatum non fore remittendum, cum ad finem usque vitæ tali cordis habitudine persisteretur. Eandem opinionem etiam in locis stabilit, præsertim in sermone quodam in MATTHÆI locum de peccato irremissibili. *Ipsa impœnitentia, sunt eius verba, est Spiritus blasphemia, quæ non remittetur neque in hoc seculo, neque in futuro a), quæ pluribus ibi prosequitur. Et alio loco, Huc peccatum, inquit b), est duritia cordis usque ad finem vitæ. Idem vero S. Doctor nulli alii peccato remissionem deesse, & veniam aperte dicit: Omne prorsus*

a) S. Aug. serm. LXXI. in Matth. 12. p. 394. n. 20. A.

b) Ep. 85. n. 20.

prorsus peccatum, & blasphemia remittetur hominibus, quia ubi hoc peccatum non fuerit cordis impœnitentis contra Spiritum S. quo in Ecclesia peccata solvuntur, cuncta alia dimittuntur. Hanc sententiam brevi aliquo tractatu stabilit Odo Cameracensis inserto Bibliothecæ maximæ Patrum Lugdun. (Sec. XII. Part. II. p. 245.) putatque tam Evangelistas de blasphemia Spiritus, quam IOANNEM de peccato ad mortem differentes, hanc finalem spectare impœnitentiam. Hoc, inquit, a) *Evangelista vocat peccatum usque ad mortem, ut qui in peccato claudit extremum diem, culpam habeat irremissibilem, pro qua nullum Deus admittit orantem. Hæc est blasphemia Spiritus, quæ non remittitur, cum quis usque ad finem peccato tenetur, ut illum excipiat æterna pœna, quem cum voluntate peccandi deserit hæc vita; talis peccator in hoc seculo non absolvitur, quia in voluntate permansit peccandi, neque in futuro, quia cum voluntate peccandi transiit. Recte hoc peccatum ad Spiritum S. pertinere vult,*

B 4

quod

a) Pag. 246. F.

quod Spiritus S. proprie peccata dimittat: dicitque se contra Spiritum S. talem constanter erigere, quod remissionem peccatorum excludit: qualis certe impoenitentia finalis est. In hanc sententiam adductum se declarat Odo, quod ex una parte aperta sit Evangelii de peccato aliquo non remittendo sententia; ex altera parte in hac vita nulli poenitenti clausa remissionis janua, Ecclesiaeque sibi omnis peccati remittendi arroget auctoritatem, potestatemque. Verum recte advertit S. THOMAS, & BELLARMINUS, de hoc non loqui Christum cum Iudæis: nondum enim erant finaliter impoenitentes; & est sermo de peccato, quod in hac etiam adhuc vita poena erat luendum, cum impoenitentia finalis huius vitæ nullam vindictam habeat. Neque solum impoenitentiam communis Ecclesiæ doctrina pro peccato in Spiritum S. habet, quin & aliæ sint eiusdem peccati species, atqui, si, quodnam sit genus peccati in Spiritum S. definire mens sit, tale aliquod statuendum, quod singulas complectatur species. Deinde cum apud MATTHEUM

THEUM

THÆUM comparatio instituat peccatum inter in Filium hominis, & Spiritum S. atque prius remittendum, posterius non remittendum pronuncietur, de impœnitentia finali Evangelii contextus intelligi nequit: neque enim peccati in Filium, si quis eius haud pœnitens moreretur, remissionem facilius quis consequeretur, quam peccati in Spiritum S.

X. BELLARMINUS a) cum aliis non paucis pro peccato in Spiritum S. habet veritatem cognitam, & manifestatam ex malitia improbare, & tanquam dæmoniacam, & detestabilem calumniari. Pro confirmatione suæ opinionis profert magnum SS. PP. numerum, qui peccatum in Spiritum S. in eo posuerunt, quod Iudæi aperta Spiritus S. opera dæmoni attribuerint, quæ est veritatis agnitæ impugnatio. Profecto ex SS. PP. haud exiguo numero pro hac sententia faciunt, qui hæreticorum obstinam veritatis christianæ impugnationem pro peccato in Spiritum statuunt, aut apostasiam a vera religione. Inter quos

Aut impugnationem cognitæ veritatis, e. g. in hæreticis.

a

B §

S.

a) De pœnit. L. II. c. XVI.

- a S. ATHANASIUS a) peccatum hæreticorum cum Iudæorum peccato confert: *Judæi*, inquit, *Patris opera per Filium videntes*, *Beelzebubi ea adscripsere*, *Ariani vero hæc ipsa cum cernunt opera*, *Dominum ea edentem creatis rebus annumerant*, aiuntque ex non exstantibus ipsum esse, & non fuisse antequam fieret &c. subdit: b) tam illis, quam istis nullam fore supplicii huic flagitio debiti remissionem Dominus declaravit. S. etiam AMBROSIIUS hæreticos, & schismaticos in numero peccantium in Spiritum S. collocat: c) *Eos quoque*, inquit c), *asserit* (Christus) *diabolico uti Spiritu*, qui *separant Ecclesiam Dei ut omnium temporum hæreticos*, & *schismaticos comprehenderet*, quibus indulgendum negat. S. AUGUSTINUS itidem hæreticos inter peccantes in Spiritum S. collocat, quo loco impœnitentiam peccatum hoc statuit, ut adeo tunc eos tale peccatum consummare credere putandus sit, quando ad mortem usque sua in perversitate sistunt. Quomodo etiam S. MAXIMUS incre-

a) Ep. IV. ad SERAP. T. I. p. 713. C.

b) N. 23.

c) L. II. de Pœnit. c. 4.

incredulitatem peccatū in Spiritum S. constituit, ut in Catena Nicetæ refertur. *Blasphemia in Spiritum*, verba illius sunt, *est incredulitas non habens aliam pro remissione excusationem, nisi fidelis fiat, neque hic, neque in futuro incredulitatis, & infidelitatis peccatum remittitur.* Haud equidem abnuimus, crimen, si veritas agnoscatur, nec suscipiatur, ad peccata in Spiritum S. revocari, atque adeo & ipsam incredulitatem, fideique impugnationem quodammodo huc reduci: cum Ecclesia etiam in numero peccatorum in Spiritum S. veritatis agnitæ impugnationem colloquet, sed non solam (quinque etenim alias singulares peccatorum species addit) a sensu autem, & doctrina communi Ecclesiæ recedere piaculum sit non ferendum, quare miror BELLARMINUM solam veritatis agnitæ, & manifestatæ impugnationem peccatum in Spiritum S. constituere, ceteris exclusis.

XI. Quamobrem nobis religioni duceremus ab eorum opinione recedere, qui cum D. THOMÆ peccatum in Spiritum S. ex certa malitia, atque ut auctor con-

Cum sint
sex species
peccati in
Spiritum
S. ex
doctrina
Ecclesiæ,

ex senten-
tia Chri-
sti irremis-
sibilis.

Constitutionum apostolicarum habet, CYRILLUS, CEDRENUS, & *Georgius HAMARTOLUS* ἐκ παραθέσεως, *dedita opera, & obstinatione factum*, statuunt: non quidem malitia quadam generali, sed tali, qua divina Spiritus S. in homine operantis beneficia, & fructus eluduntur, depellunturque: unde sex in catechismis distincta emergunt peccati in Spiritum S. genera: Impœnitentia, desperatio, obfirmatio animi in malo, exploratæ veritati contradictio, de bonitate DEI præsumptio, qua in peccatum animamur, invidentia charitatis. Quoniam vero omnia ista, si ut facta quædam singularia spectentur, quando ab hominibus perpetrantur, pœnitentibus ab Ecclesia remitti solent, nos vero eam vim scripturæ inferre reformidemus, ut, quæ prorsus non fore remittenda pronunciat, ea ad solam remissionis difficultatem redigamus; circumspiciendum, satagendumque, ut ab Ecclesia agnitæ peccati in Spiritum S. species retineantur, demonstretur vero ratio, quando eæ veniæ expertes reddantur. Antequam tamen **hoc** aggrediamur, quem remissionis modum

dum Theologi quique in his peccatis stabiliverint, indagandum est, ne temere aliquid suscepisse videamur, & ordine singula prosequamur.

C A P U T II.

Sententiæ variae de modo remissionis peccati in Spiritum S. discutiuntur.

I.

Sunt, qui respiciendo præcise ad Iudæorum facta, dictaque contra Christum hominem non pro DEO agnitionem, ita venialia censent, ut de eo nulla poena repetenda sit, secus de blasphemia illa, qua opera Spiritus S. in Christo dæmoni tribuebant. Hanc opinionem sequitur ex posterioris ætatis interpretibus *Alphonsus TOSTATUS*. Debet ergo intelligi, inquit a), quod blasphemia dicta contra Christum, in quantum putabatur purus homo, remittitur, scilicet etiam sine pœnitentia, eoquod non reputatur peccatum, quia potest esse ex ignorantia, illa tamen, quæ erat contra Spiritum

Quidam peccatum in Filium hominis veniale, in Spiritum S. mortiferum statuunt.

a) *Alph. Tost.* in *Matth.* 21. q. 67.

Spiritum S. id est contra Deitatem non remittitur, scilicet sine pœnitentia. Ad ipsum auctorem graviter ea tractantem.

- a S. ATHANASIUS a) eandem remissibilis, irremissibilisque peccati notionem stabilit, si revera sit auctor libri de communi Patris, Filii, & Spiritus S. essentia. *Judæi, inquit, qui semper in DEUM offendunt, duplicis adversus Christum blasphemie rei sunt: quorum alii in carnem impingunt, hoc est in Filium hominis, eum prophetam non DEUM existimantes, quibus veniam dedit, id enim initium erat prædicationis, cum nondum capax erat mundus, ut DEUM illum esse crederet, qui homo apparebat. Idem velle videtur*
- b PHOTIUS b) *contumelias, quæ irrogabantur Christo, quatenus occurrebat sensibus, & merus homo censebatur, quasi veniales videri posse præ inexpiabili furore earum, quæ Christum pro DEO agnitum violare nihilominus pergebant. Nisi comparisonem tantum veniæ impetrandæ instituere videatur, & veniale irremissibili opponere. Sed nemo distinctius,*

a) De comm. ess. Patris &c. T. II. p. 26. B.

b) Cat. in Marc. p. 74.

stinctius, magisque perspicue veniale peccatum Iudæorum in Filium constituit quam THEOPHILACTUS a). Quando, inquit, *Iudæi Dominum viderunt edentem, & bibentem, ac versantem cum publicanis, & meretricibus, aliaque omnia more Filii hominum facientem, eumque postea calumniati sunt tanquam edacem, & vini potorem: in hoc erant venia digni, neque pœnitentia super hoc ab eis exigetur: videntur enim non sine ratione offendi.* Eadem repetit in caput XII. LUCÆ. Quam sententiam periculosam, atque blasphemix proximam pronunciat SUICERUS suo in *Thesauro ecclesiastico*; quæ omnium optime, difficultatibus quibusvis satisfacit, sed illud incommodum habet, quod receptæ omnium temporum opinioni contrarietur, ut ipse ABULENSIS b) eius assertor haud diffitetur. Nec satis cum MATTHÆI textu componi potest, quo omnis blasphemia, & peccatum remittendum dicitur, in Spiritum autem blasphemia non. Quo in loco ceteræ blasphemix,

a

b

a) In cap. XII. Matth. apud Suic. 640.

b) Matth. XII. 31.

miæ, & peccata ex adverso blasphemiæ Spiritus ponuntur, illa non hæc remittenda asseritur; neque omnis blasphemia, & peccatum veniale est, nisi velis hæc ad solum Iudæorum peccatum referre, quo se contra Christum obstrinxerunt. Probe autem est distinguendus significatus, quem veteres & recentiores voci *venialis* attribuunt. Probe etiam notandum, quomodo in præsentī materia veniale peccatum non veniali opponant: an non pro eodem habeatur, ac remissibile, & irremissibile in hoc adhuc seculo. Quo sensu ad litteram, & ad rigorem Christi de blasphemia in Spiritum S. sententiam præferat.

Plurimi
facilioris,
difficilio-
risque.
tantum
veniæ di-
scrimen
ponant.

II. Communissima eorum est opinatio, qui inter blasphemiam in Filium, & Spiritum S. facilioris, difficiliorisque remissionis discrimen ponunt. GROTIUS a) cum aliis in MATTH. hebraismum esse contendit, *Hoc fiet, & istud non fiet, non, ut ait, quod prius membrum affirmet, sed quod ostendere velint, quod posterius ponitur, multo esse difficilius.* Sensum ergo esse vult: facilius esse quidquid

cri-

a) GROTI. Annot. in cap. XII. v. 31.

criminum unquam patrari possit, atque adeo calumnias etiam omnes, quæ in criminibus primum facile locum obtinent, remitti, quam ut ea remittatur calumnia, quæ adversus Spiritum DEI committitur. Sed locus, quem GROTIUS citat ad hebraismum talem hic loci demonstrandum, pari difficultate laborat: est autem ex primo Regum, ubi HELI, *Si peccaverit, inquit a), vir in virum, placari ei poterit DEUS; si autem in Dominum peccaverit, quis orabit pro eo?* S. CHRYSOSTOMUS nullum aliud remissionis discrimen agnoscit inter utramque blasphemiam, dicique asserit, crimen istud irremissibile, quo significaretur, multo minus hoc esse ignoscibile, ac veniale. VICTOR Antiochenus similem limitationem huius loci fingit, ut solum difficiliorem Spiritus blasphemiam voluerit innuere Christus, quam ea fit in Filium hominis. *Hic sic loquitur, inquit (b), non quasi aut contumeliam sibi irrogatam condonari iam, & impunitam fore pronunciet, aut blasphemantibus in*

C Spi-

a) 1. Reg. II. 25.

b) Cat. in Marc. C. III. p. 74.

Spiritum S. locum pœnitentiæ, si voluerint, nullum relinquat. Verum hoc tantum significat, si fiat comparatio inter contumeliam sibi ut homini mero, qualis tunc apparebat, illatam: & blasphemiam in S. Spiritum; hanc longo intervallo esse graviolem. S. THOMAS a), cum sibi locum MATTHÆI obiecisset de non remittenda Spiritus S. blasphemia, aut intelligi debere pertendit impœnitentiam finalem, *Vel si intelligatur, inquit in responsione ad tertium, per blasphemiam Spiritus S. peccatum, quod fit ex certa malitia, vel etiam ipsa blasphemia Spiritus S. dicitur non remitti, scilicet de facili.* Veluti tamen diffidens huic suæ responsioni, alias addit: *Quod tale peccatum non habet in se causam excusationis, vel quia pro tali peccato puniatur aliquis, & in hoc seculo, & in futuro.* Verum sine aperta verborum detorsione hæc explicatio admitti nequit, & cum tres Evangelistæ eodem modo de hac re pronuncient, ut tale peccatum veniæ, & remissionis expers sit, nescio an non invita sententia talis effingatur explicatio-
nis

a) 3. p q. 86. art. 2.

nis accommodatio. Nobis certe place-
re nequit, quamdiu res aliter transigi
potest: citiusque priori explicationi de
una veniali, altera damnabili culpa ac-
quiescerem, quam isti, cui littera repu-
gnat, nec invicta evincit aliqua auctori-
tas.

III. Aliis conditionem adiacere pla-
cet, tunc non fore remittendum pecca-
tum in Spiritum S. quando poenitentia
de eo non agatur, cum nullum sit
peccatum, quod poenitentia expiari ne-
queat, *Et*, ut inquit S. HILARIUS a), *om-
nium omnino peccaminum veniam nobis
Dominus largiatur*. Neque secundum
S. ATHANASIUM b) ullum est peccatum
irremissibile apud DEUM illis, qui vere
ex animo, & ut par est, poenitentiam
agunt. S. etiam AMBROSIIUS c) dicit:
*evidentissime Domini prædicatione man-
datum esse gravissimi criminis reis, si ex
toto corde, & manifesta confessione pec-
cati poenitentiam gerant, sacramenti cœ-
lestis refundendam gratiam*. Similem

Sunt qui
poeniten-
tiæ condi-
tionem re-
quirunt,
ut pecca-
tum in
Spiritu
S. remit-
tatur.

a

b

c

C 2

con-

a) In Matth. 18. n. 10.

b) De comm. ess. &c. q. 49.

c) L. II. de poenit. c. 3.

a

conditionem poenitentiae ad remissionem peccati in Spiritum S. Anonymus Tolosan. adductus in Catena in MARCUM ponit a): *Qui prodigiosa, inquit, perpetrantes opera cernentes, qualia Prophetarum, aut Patriarcharum ab ullo facta nunquam essent, adversus eum blasphemaverint, quomodo veniam consequentur, nisi poenitentiam egerint, cum nec causam, nec excusationem blasphemiae in Salvatorem ullam idoneam, aut utcunque tolerabilem possint prae texere. Atqui haec neglectae poenitentiae ratio haud minus in aliis quibusvis peccatis gravibus locum habet, quam in eis, quae in Spiritum S. committuntur: nisi aliquid statuatur, quo singulariter in hoc peccati genere veniae fons obstruatur. Non, ut inquit D. THOMAS, quod nullo modo remittatur, sed quia, quantum est de se, habet meritum ut non remittatur. Et hoc dupliciter: uno modo quantum ad poenam; qui enim ex ignorantia, vel infirmitate peccat, minorem poenam meretur: qui autem ex certa malitia peccat, non habet aliquam excusationem. ...*
alio

a) Cat. in Marc. p. 74.

alio modo potest intelligi quoad culpam: sicut aliquis dicitur morbus incurabilis secundum naturam morbi, per quem tollitur id, per quod morbus potest curari. . . . Ita etiam peccatum in Spiritum S. dicitur irremissibile secundum suam naturam in quantum excludit ea, per quæ fit remissio peccatorum; per hoc tamen non præcluditur via remittendi, & sanandi omnipotentia, & misericordia DEI: per quam aliquando tales quasi miraculose spiritualiter sanantur. Similia D. AMBROSIIUS a) habet: Potens, inquit, est Deus, quando vult, donare nobis peccata, etiam quæ putamus non posse concedi: & ideo, quod nobis impossibile impetratu videtur, DEO donare possibile est. Enimvero hoc difficultatem non tollit, quodsi enim peccata in Spiritum S. suapte natura pœnitentiam excludunt, & DEUS remissionis donum prorsus negat, ut expressis verbis habetur, non remittetur neque in hoc seculo, neque in futuro: futurum est, ut qui se peccato alicui in Spiritum S. immerferit, de venia sit desperatus: commisisset enim

C 3 pecca-

a) L. II. de pœnit. c. 2.

peccatum non solum natura sua irremissibile, sed cui etiam DEUS clausis verbis veniam negavit, *non remittetur* &c. quæ verba remissionem non ex parte peccati, sed ex parte vindicis DEI impeditam declarant. Quæ causa per-
 a movit S. AUGUSTINUM a), ut solam impenitentiam ad finem usque vitæ per-
 durantem peccatum in Spiritum S. constituerit. *De nullo enim, inquit, desperandum est, quamdiu patientia DEI ad penitentiam adducit, nec de hac vita rapit impium, qui non vult mortem impii, quantum ut revertatur, & vivat.*
Quid si isti, quos in quocunque genere erroris notos, & tanquam desperatissime damnas, antequam finiant istam vitam penitentiam agant, & inveniant veram vitam in futuro? Profecto constantissimum est contra Montanistas Ecclesiæ doctrinam, nullum peccatum esse, si penitentia de eo agatur, quod remissionis gratia careat. Et tamen Christus peccatum poenit, quod non sit remittendum, nec conditionem de poenitentia addit, frustra etiam addidisset, cum nec alia quæ-

a) Serm. LXXI. in Matth. XII n. 21.

quævis peccata sine pœnitentia dimittantur. Principii igitur petitio est conditionem ponere.

IV. Iam vero ii etiam auctores, qui pœnitentia omnia peccata remitti asserunt, alias vero peccatum aliquod admittere reperiuntur, quod veniæ expers sit, nisi contradictionis crimen eis impingere velimus, nescio, an non pœnitentiæ fontem quandoque clausum iri, aut hominis, obstinatione, aut iusti divini iudicii decreto, dicere debeant. Quade re cum pluribus inferius agendum sit, nunc, quæ huic loco necessaria sunt, solum prælibabimus. Quantum enim antiqui pœnitentiæ humanæ diffiderint, potest intelligi imprimis ex longa temporis mora, quibus veræ delinquentium pœnitentiæ experimentum capiendum sibi duxerunt, ut non solum pluribus criminibus ad finem usque vitæ producta, sed neque in fine omnibus, aut ægre saltem indulta sit, iis singillatim, qui dum sani essent, pœnitentiam neglexerunt, quæ praxis ex concilio Eliberitano, & S. CYPRIANO, aliisque elucet.

C 4

Neque

Remissio-
nem qui,
& quomo-
do prorsus exclu-
dant La-
tini.

- Neque unquam veteres indulserunt, ut publica pœnitentia aliquis sæpius fungeretur. Qua vero de causa? nisi quod sanctissimi, sapientissimique viri satis perspicerent humanæ indolis perversitatem, quæ cor facile ad impœnitentiam obduraret. *Namque sæpe*, ut inquit S. GREGORIUS
- a) *a), nonnulli exire a pravis actibus cupiunt: & quia eorundem actuum pondere premuntur in malæ consuetudinis carcere inclusi, a semetipsis exire non possunt.* Quod præsertim iis contingit, qui ad mortis articulum pœnitentiam distulerunt.
- b) *Percutitur*, ut inquit auctor b) ferm. III. de Innocentibus, quæ verba etiam in Cæsario reperiuntur, *hac animadversione peccator, ut moriens obliviscatur sui, qui, dum viveret, DEI oblitus est.* Quæ causa est, quod quidam peccatum irremissibile in eo posuerint, si pœnitentia in feram ætatem differatur c).
- c) Neque enim putandum est Deum refragantibus nobis, & in adversa ruentibus semper pœnitentiæ donum largitum.

a) Moral.

b) Int. op. S. AUG. T. V. app.

c) Vid. Constit. Ap. L. II. unacum notis Co-

TELERII.

turum. Ecclesia autem remissionis munus tribuere nemini potest, nisi qui sincere, & serio poenituerit. Unde ratio suppetit, quomodo SS. Patres peccatum esse, quod venia plane careat, edixerint, & tamen quibusvis poenitentibus remissionem promiserint. In hunc modum S. PACIANUS a) interpretandus est, qui satis clare peccatum irremissibile agnoscere videtur, si opera divina diabolo tribuantur. *Hæc, inquit, cæcitas est, non videre quod videas, & Spiritus S. opera diabolo deputare, eamque gloriam Domini, qua diabolus ipse superatur, diaboli appellare virtutem; hoc est ergo, quod non dimittetur: reliqua bonis poenitentibus donantur.* S. HILARIUS b) haud absimiliter effatur: *Cum cetera, inquit, dicta, gestaque liberali venia relaxentur, caret misericordia DEI, & in quo sine venia peccatur, benevolentiam iteratæ admonitionis impendit: omnino peccata cuiusque generis remittenda, blasphemiam in Spiritum S. non remittendam.* S. AMBROSIIUS c) ad hunc sen-

C

5

fum

a) Bibl. PP. P. IV. f. 312. F.

b) In cap. 12.

c) In Luc. L. 10.

sum loquitur: *Siquis, inquit, Spiritus S. dignitatem, & potestatem abneget sempiternam, & putet non in Spiritu DEI eici demonia, sed in Beelzebub, non potest ibi exoratio esse veniæ, ubi sacrilegii plenitudo est.* S. HIERONYMUS non obscurius idem peccatum veniæ expers pronunciat, eius verba iam superius retulimus. Hi itaque auctores, cum alibi plenam Ecclesiæ potestatem stabiliant omnium remittendorum peccatorum, nisi sibi ipsis contrariari dicendi sint, aut minus catholice sentire; de illis interpretandi sunt, qui fontem pœnitentiæ obstruunt, & cor obdurant, aut indignos se, quibus DEUS pœnitentiam præbeat, redhibent. Difficultate vero verborum Christi apud tres Evangelistas præsertim MATTHÆUM inducti ita loquebantur, & a Novatianis adigebantur. Hinc S. AMBROSIIUS a) *Si unum tantum crimen, inquit, exciperent sacrilegii, cui veniam negarent, dure quidem, sed tamen divinis tantum redarguerentur sententiis, assertionibus tamen suis convenirent.* Istic AMBROSIIUS NO-

va-

a) C. I. L. I. de Pœnit.

vatianis tantum indulget, quod ex mente sua non largiretur. S. vero AUGUSTINO a) verba Christi de peccato veniæ experte tam perspicua sunt visa, ut qui nullum peccatum tale agnosceret, eum Salvatori contradicere putet. *Necesse est, inquit, plane, ut sit aliqua blasphemia, & aliquod verbum, quod si dicatur contra Spiritum S. nullam unquam veniam, remissionemque mereatur . . . quia si nullum putaverimus, contradicimus Salvatori. Est ergo sine dubio aliqua blasphemia, & aliquod verbum, quod si dictum fuerit contra Spiritum S. non remittetur.* Quæ ratio AUGUSTINUM induxit, ut impœnitentiam finalem pro tali peccato statueret, cum sibi de nullo desperandum duceret, qui præsentem adhuc vitam viveret. S. ANSELMUS liberius, duriusque de hac re edixit commentans locum MATTHÆI 12. *Tales, inquit, in diabolicum peccatum cadunt, & DEUS deserit eos, sicut Judam, ita quod non possunt pœnitere, nec humiliare se, sed per obstinationem detenti sunt, & illud peccatum est irremissibile.*

&

a) Serm. LXXI. in Matth. 12. n. 10.

a *Et hoc vocatur peccare in Spiritum S. S. THOMAS a), ut superius etiam non-nihil meminimus, peccatum in Spiritum S. irremissibile statuit, aut impoenitentiam finalem, aut quod de se mereatur tale peccatum non remitti. Et difficultatibus occurrit. Primo dicit: Considerata misericordia DEI de nemine esse desperandum: sed considerata conditione peccati, dici aliquos filios diffidentiae. Deinde alteri occurrit difficultati de libero arbitrio, atque sic solvit, ut dicat, Remanere quidem semper in hac vita vertibile arbitrium: tamen abiicere quandoque hominem a se, per quod verti potest ad bonum, quantum in ipso est. Unde ex parte sua est irremissibile, licet DEUS remittere possit. Apud Patres sistimus, nec ulterius proferimus pedem ad Theologos sequioris ævi.*

Et Græci
SS. Patres.

V. Græci haud minus in hac re progressi sunt: initio statim varia nomina retulimus, quibus peccatum in Spiritum S. insigniunt, quæ singula remissionem excludere videntur. Antiquissimus S.

a) 2, 2. q. 14. art. 3.

S. HERMÆ a) Pastor genus quoddam a
 peccatorum constituit, quibus nullus ad
 resipiscentiam regressus sit. *Audi, in-*
quit, quacunque pecora vidisti valde læ-
ta, & exultantia: ii sunt, qui in perpe-
tuum a DEO discesserunt, & tradiderunt
se desideriis huius seculi. Iis ergo non
est per pœnitentiam regressus ad vitam;
quoniam quidem adiecerunt ad reliqua
delicta sua, & nomen Domini nefandis
insectati sunt verbis. Et auctor Constit.
 Apost. Si quis, inquit b), *instructa vel-* b
uti acie rebellis delinquat, tentans Deum
quasi malos non insectantem, huiusmodi
venia carebit. Sæpe laudatus S. ATHA-
 NASIUS c) peccatum a Phariseis non fe- c
 mel remissionis expers pronunciat. *Cum*
autem illos, ait (Iudæos) de multis cri-
minibus prius accusaret . . . attamen
hortabatur eos, ut pœnitentiam agerent.
Verum ubi ipsum dicerent in Beelzebube
eiicere damonia, non hoc ultra peccatum
simpliciter, sed blasphemiam dixit esse
tantam, ut qui talia proferre ausi essent,
nec

a) P. P. Apost. Vol. II. Pastor. L. III. lin. 6.
 p. 108.

b) L. II. c. 23.

c) Ep. IV. ad SERAP. n. 12. Item n. 14. &c.

nec pœnam effugere, nec veniam obtinere possent. Cum igitur aliquando addit, si perseveretur in-blasphemia, tunc fore eam irremissibilem, eo sensu, quem supra asseruimus, intelligendus venit, ut sibi sua constet sententia. S. CHRYSOSTOMUS a) cum, ut supra retulimus, difficultatem solum remissionis in peccato Spiritus S. admittat, eius tamen nomine Catena in MATTHÆUM sententiam exhibet, quæ prorsus omnem veniam præcludere videatur. *Qui, inquit, conspectu ipso mirabilium operum vinci non potuerunt, ut agnoscerent, utique non nisi virtuti divini Spiritus adscribenda esse illa: quin potius contra ipsum, & contra Divinitatem blasphemaverunt, indigni sunt, qui veniam tanti sceleris ullam unquam consequantur.*

Magnam esse opinionum perplexitatem, & timide nos quidpiam in hac causa moliri.

VI. Hactenus eorum sententias, & verba descripsimus, qui videntur peccatum aliquod agnoscere, cui nulla venia relinquatur, quod certe Christi verba omnino velle vix dubitandum censeo, nimis enim aperta sunt, nec semel tan-

a) Cat. in Matth. T. I. p. 173.

tantum prolata. Quare illud S. AUGUSTINI firmiter animo inhæret: *si nullum putaverimus, contradicimus Salvatori.* Atqui hic Rhodus, hic saltus. Plane S. AUGUSTINO in eo etiam lubens assentior: forte in omnibus sacris scripturis nullam maiorem, difficilioremque nullam quæstionem inveniri. Una parte dogma catholicum invictum consistit, nullum esse peccatum, cui veniam non tribuat Ecclesia, si pœnitens quispiam eam pulset: solam impœnitentiam finalem statuere rem nec exhaustire, nec satis ad propositum esse, aut vim verborum Christi assequi, iam superius prodidimus. Peccato enim in Spiritum S. etiam in hoc seculo venia negatur, impœnitentia autem solum ad futurum seculum spectare potest. Quod S. AUGUSTINUS dicit, illud, *neque in hoc seculo, neque in futuro idem significare quod in æternum*; non abnuo, sed aio cum MALDONATO a): *Æternum illud duas habere partes, hoc seculum, & futurum, & quod Marcus universe dixit, id Matthæum per partes distribute dixisse.*

a) In Matth. XII. 32.

se. Reliquæ omnes sententiæ, quæ singulare aliquod peccatum, aut plures peccatorum species, quæ tamen uno aliquo consummentur actu, statuunt, si revera talia velint, quibus nulla reliqua sit remissio, hoc ipso in Spiritum S. peccant, propterea quod potestatem ecclesiasticam remittendi peccata non ea, qua par est, amplitudine profiteantur. Quid in hac perplexitate opinionum agendum? Si audendum est aliquid, nostrisque nonnihil coniecturis, opinionibusque indulgendum, dicam, quid sentiam, sed cum ea præfatione veniæ, deprecationeque, qua S. ATHANASIUS a) huius ipsius difficultatis resolutionem est aggressus. *Vereor, inquit, id vel ulla-
tenus aggredi, ne si in dictum illud men-
tem quasi demersero, scrutarique cepero,
non valeam profundum eius intellectum
exhaurire. Tacere igitur de illo omni-
no statueram his prioribus contentus scri-
ptis. At... vim mihi ipse intuli, ut
vel mediocrem, quam de illo didici, sen-
tentiam perscriberem: quod sperem, si
scopum attingamus, docentis gratia rem
tibi,*

a) Ep. IV. ad SERAP. n. 8. T. I. f. 701.

tibi, quicumque hæc legere dignaris, probatam fore: sin aberremus, non reprehensurum te.

CAPUT III.

Nostra de peccato in Spiritum

S. opinio exponitur, ac primum quidem in causa Iudæorum ex scripturæ testimoniis.

I.

Hac Theologica nostra exercitatione Necessario de Iudæorum in Spiritum S. peccato primo indagandum. non solum ea, quæ ad dogma catholicum de peccatis in Spiritum S. expendenda sunt: verum etiam præcipue de eo peccato singulatim in Spiritum S. de quo actionem Iudæis intendit Christus apud tres Evangelistas, tractandum.

Non enim, opportune ait S. ATHANASIUS a), simpliciter docendo Dominus hæc loquebatur, neque iis, qui futuri erant, supplicium interminabatur; sed in præsentia vere Phariseos incusans, utpote tanta blasphemiam iam reos illud dicebat Dominus. Atque hoc tanto studiosius est

D fatagen-

a) Ep. IV. ad SERAP. B. 12. f. 704.

fatagendum, quod hoc semel constituto, reliquum ad dogma pertinens magna difficultatis parte levetur: cum enim dogma de peccato hoc illis ex scripturæ locis, quæ modo præ manibus sunt, Ecclesia depromserit, Scripturæ momentum si extricatum fuerit, de reliquo facilis erit persuasio.

Christum
reos egisse
omnium
eorum,
quibus do-
na Spiri-
tus S. ali-
quando
pessumde-
derint,
peccato-
rum.

II. Quod optimi quique observarunt interpretes, & ipsa ratio requirit, ita ad Iudæos sermonem fecit Christus, ut intelligi potuerit. Itemque quæ ratione rei fuerant Iudæi peccati tum in Filium hominis, tum in Spiritum Sanctum, eatenus redarguti sunt de his peccatis a Christo. Ea notione Christus, Filii hominis, ac Spiritus S. nomen usurpavit certe ad Iudæos verba faciens, qua illi imbuti fuerant, per Filium hominis autem Christum semetipsum indigitare solitum ignorare non potuerant, cum sæpius ita se vocantem Christum audiissent. Spiritus Sancti nomen ignotum haud fuerat, sed passim vim, & virtutem quandam operatricem mirorum, & naturæ vires excedentium effectuum, in Prophetis loquentem, & futura prædicentem

nove-

noverant. Hoc omnes perspexerunt. Nec dubium esse potest, Christum ad Iudæos esse locutum, prout præsens eorum fuerat status, non solum eorum, qui tum aderant, verum etiam qualis Iudæorum erat conditio a prima in peculium DEI, populumque electum segregatione: a quo tempore tanto numero, tamque magna mensura deliquerint, ut iam se venia indignos reddiderint, poenæque afficiendi sint a DEO iustissimo vindice, & in hoc, & in futuro seculo. Itaque peccatum in Spiritum S. neque singulare aliquod semel tantum commissum, & consummatum peccatum statuimus, cui nec in hoc, nec altero seculo reliqua sit venia, neque perseverantiam in peccato ad finem usque vitæ, sed mensuram aliquam peccatorum in Spiritum S. id est donorum divini Spiritus contemptum, & neglectum, certo numero soli DEO noto, quo expleto, tametsi etiam plena desertio non contingat, ut nulla amplius divini Numinis aura spiret, quo possit homo e peccati statu sese erigere, & ad meliorem frugem redire, tamen ob torporem, obdurationem cordis, mentis

D 2

cæci-

cæcitatem non surget. Quare non dictum a Christo, *non remitti potest*, sed *non remittetur*, nec proprie irremissibile dicitur singulare aliquod peccatum, sed tale genus peccati, quod non remittetur. Talis tum erat Iudaicæ gentis conditio. Multa in Christum ceu Filium hominis deliquerant, iam tum, & adhuc delicturi erant, sed ob hoc non deferendi, quod ignorance videri potuerint ista perpetrasse. Quæ vero in Spiritum S. eiusque aperta opera commisissent, quod excæcatam mentem, obduratum animum præseferrent, inextinguibile erat crimen. *Quid est*, inquit S. CHRYSOST. a) *super omnia peccata hoc esse absque remissione? Ecquid tandem? quia videlicet ipsum, quis deum esset, ignorabant, Spiritus autem sufficiens acceperant experimentum: omnia enim Prophetæ per eum erant elocuti, omnes autem in antiqua lege maximam de eo habuerunt opinionem. Quod igitur ait, huiusmodi est: esto, in me impingitis ob carnem, quæ me circumdat, at de Spiritu S. dicere non potestis, ignoramus eum: propterea expers remissionis vobis*

a) Cæt. Nicetæ in Matth. XII. 437.

vobis est blasphemia, & hic, & ibi pœnas dabit: quasunque igitur in me effuderitis blasphemias ante crucem, remitto, etiam illud ipsum atrox crucis facinus: de sola autem incredulitate condemnabimini. Quæ autem de Spiritu dixistis, veniam non consequentur, quæ de causa? Quia cum ille vobis notus esse debeat, etiam quæ manifesta sunt, impugnatis: etsi enim dicatis vos me ignorare, illum utique non ignoratis, & demones expellere, & curationes perficere Spiritus S. opus esse: non mihi itaque tantum infertis iniuriam, verum etiam Spiritui Sancto, ideoque neque hic, neque ibi ultio a vobis poterit auferri. Hæc prorsus ad rem, ut mirer non constanter his vestigiis inhæsisse, qui de peccato in Spiritum S. aliquid statuerunt, ipsum præsertim S. CHRYSOSTOMUM, si hæc tamen illius sunt. Blasphemia igitur Iudæorum in Filium hominis fuerat, quidquid in Christum Filium hominis eum præcisè calumniando, peccarant: blasphemia autem Spiritus designabat munera Spiritus S., ad quæ tum gens Iudaica universim, tum illi, qui præsen-

tes aderant, adversus tot, ac tanta divinæ benevolentiae dona, ac munera in miraculis, prophetiis, tum a Christo, cum ante Christum, refragarii, mentem obdurant, ob quæ ipsos supplicium in hoc, & altero seculo maneret. Hæc rudius delineata explananda sunt, ac demonstranda illis ex fontibus, quibus nullus refragari audeat, ea perspicacitate, quæ quemvis, ni oppido fallor, percellat.

Ex toto
sermonis
contextu
apud
Evangelistas
peccatum
ludæorum in
Filium, &
Spiritus
S. eruitur.

III. Tres illi Evangelistæ, qui de peccato in Spiritum S. scripserunt, MATTHEUS, MARCUS, & LUCAS, quo loco de eo tractarunt, ita antecedentem, subsequenterque sermonem aptarunt, ut locos communes de hac re colligere videri queant. In id vero eorum dicta conspirare videntur, quod nos paullo ante indicavimus: discrimen peccati in Filium, & Spiritum S. in eo versari, quæ Iudæi in Christum peccarent, qua ratione humana eius cernebatur conversatio, remissum iri, quas vero in eius opera, divinæ cuiusdam potestatis indicia, calumnias evomerent, mensuram eam complere, qua inde a prima eorum electione reos se, & rebelles divinis monitionibus,

&

& donis redhibebant. Occasionem dicendi præbebat dæmonium mutum a Christo a) eiectum, quod Iudæi calumniabantur Christum b) non divina, sed Beelzebubi virtute præstitisse. MATTHÆUS, qui XII. Evangelii sui capite de præfenti materia loquitur, capite priore XI. c) refert de nunciis ad IOANNEM missis miraculorum Christi testibus. Comparat ibi Iudæos d) pueris sedentibus in foro, qui clamantes coequalibus dicunt: *Cecinimus vobis, & non saltastis: lamentavimus, & non luxistis.* Quod ad suum, & IOANNIS Baptiste evangelicum munus refert, calumnias, quas in se, & IOANNEM ructarant, commemorans: *Venit enim, inquit e), Ioannes neque manducans, neque bibens, & dicunt: dæmonium habet. Venit Filius hominis manducans, & bibens, & dicunt: Ecce homo vorax, & potator vini, publicanorum, & peccatorum amicus.* En blasphemiam Iudæorum in Filium,

D 4

&

a) Matth. XII. 22. Luc. XI. 14.

b) Matth. XII. 24. Marc. III. 22. Luc. XI. 15.

c) Matth. XI. 4. &c.

d) Ib. vers. 16.

e) Matth. XI. 18.

a & hæc remissionis non expers forte in sequentibus videri possit declarari, addit enim a) *Et iustificata est sapientia in filiis suis.* Sed hoc divinamus solum, nihil certi habemus: *Tunc*, pergit MATTHÆUS, *cœpit exprobrare civitatibus, in quibus factæ sunt plurimæ virtutes eius, quia non egissent pœnitentiam.* En peccatum in Spiritum Sanctum, cuius veniam non essent consecuturæ civitates illæ: habe hoc ex ipsis Christi verbis. *Væ tibi*, inquit, *Corozain, væ tibi Bethsaida:* utque magnitudinem supplicii ostenderet, quod tot & tantis contemtis DEI vocantis muneribus mereantur, Tyrios, & Sidonios in exemplum adducit, quibus tantæ gratiæ factæ non sint, hinc illis remissius fore. Capharnaitis etiam Sodomitas præponit, quos DEUS tantis gratiis ad pœnitentiam non cumularit. His MATTHÆUS veluti facem accendit illis, quæ consequenter de peccato in Filium hominis, & Spiritum S. dicturus fuerat. S. LUCAS iam capite X. eandem comminationem præmittit iis, quæ initio XII. de peccato Iudæorum in
Filium

a) Ib. v. 19.

Filium hominis , & Spiritum S. dicere cogitabat. Multa etiam præmittit capite XI. sermoni de blasphemia, quæ MATTHÆUS statim eidem sermoni subdit: ut illud de immundo Spiritu ad desertum antea hominem revertente a) *assumtis aliis septem nequioribus se*, unde accidat, ut fiant *novissima hominis illius peiora prioribus*. Addit parabolæ huic S. MATTHÆUS: *sic erit & generationi huic pessimæ*. Quod haud obscure innuit Iudæos, quando divino munere a peccato fuerint exempti, & a dæmonis veluti obsessione liberati, si ei rursus locum dent, ad desperatiorem statum redigi, & semper in peius ruere, quo minus iam poenitentiae locum relinquant. Quod quid aliud quam spretarum gratiarum, commissorum peccatorum pondus semper gravius, & mensura plenior, quam mentis obduratio, & desperatio consequatur? Lucas item antevertit, quæ MATTHÆUS b) statim subiungit: Iudæos post tot prodigia signum quærere, & unum eis reliquum fore signum IONÆ.

D 5

En

a) Matth. XII. 43. Luc. XI. 24. &c.

b) Matth. XII. 39. Luc. XI. 29.

En numerum certum, & finem divinorum erga Iudæos munerum. Uterque & MATTHÆUS, & LUCAS mox addunt, sed hic anticipatione, ille consequenter post sermonem de blasphemia Iudæorum in Filium, & Spiritum S. de regina Austri a), & Ninivitis surrecturis in iudicio contra Iudaicam gentem, & eam condemnaturis, qui se promptissimos exhibuerunt: illa ad conveniendum, audiendumque SALOMONEM, hi ad poenitendum nullis signis, & prodigiis incitati, sola voce, & rumore adducti; cum Iudæi tot singularia divinæ erga se clementiæ portenta fusque deque habuerint, nec locum poenitentiae dederint.

Iudæorum
peccatum
in Spiritum
Sanctum.

b

c

IV. Enimvero illud palmare, quod præmittit S. LUCAS b), atque etiam *cap. XIII.* postea repetit S. MATTHÆUS c) alio loco habet, atq; non sententiæ solum, verum etiam verborum convenientia fat superque declarat, ad idem sermonis filum pertinere. Væ itaque apud utrumque Evangelistam comminatur, apud

MAT-

a) Matth. XII. 41. Luc. XI. 31.

b) Luc. XI. 47. XIII. 34.

c) Matth. XXIII. 29.

MATTHÆUM Scribis, & Pharifæis, apud LUCAM, nemine nominato, Iudæis, qui ædificent monumenta, & sepulchra Prophetarum, quos eorum patres occiderint, unde testimonio sint, se eorum filios esse, qui Prophetas occiderunt: *Ut inquiratur*, loquitur sacer textus a), sanguis omnium Prophetarum, qui effusus est a constitutione mundi a generatione ista, a sanguine Abel usque ad sanguinem Zachariæ, qui periit inter altare, & ædem. Ita, dico vobis, requiretur ab hac generatione. Quæso quid apertius dici potuit de ea mensura, qua completa blasphemiam illam, & malitiam in Spiritum S. consummaturi Iudæi sint, remissionis veniam neque in hoc seculo, neque in futuro consecuturi? Quod, ne ulli dubium esse possit, apud MATTHÆUM b) expresse est additum: *Et vos implete mensuram patrum vestrorum*: mox subdito sermone de occidendis, occisisque a Iudæis Prophetis, & sapientibus, & repetendo eorum ab ipsis sanguine. Quo vero adhuc evidentior res evadat, MATTHÆUS

a) Luc. XI. 50.

b) Matth. XXIII. 32.

a.

b

a THEUS his omnibus addit Christi verba
 (quæ iisdem fere syllabis apud LUCAM
 a) reperiuntur proximo ab eo capite,
 quo de peccato Iudaico in Spiritum S.
 fermo est) quibus omnia ea continen-
 tur, quæ hætenus particulatim profe-
 cuti sumus. Amen, inquit b), dico vo-
 bis, *venient hæc omnia super generatio-
 nem istam. Ierusalem, Ierusalem, quæ
 occidis Prophetas, & lapidas eos, qui ad te
 missi sunt, quoties volui congregare filios
 tuos, quemadmodum gallina congregat
 pullos suos sub alas, & noluisti? Ecce re-
 linquetur vobis domus vestra deserta.* His
 verbis peccatum Iudæorum non unum
 aliquod, sed certo numero, certa men-
 sura, innuitur, ob quod sunt reiecti a
 DEO: illudque peccatum in eo consti-
 tuitur, quod Prophetas, & alios a DEO
 missos nuncios non susceperint, qui
 divino Numine acti opera S. Spiritus ex-
 ercebant, quæ respuere peccatum in Spi-
 ritum S. est. Huc spectat parabola de
 vinea, in quam diversis temporibus mi-
 serit, quem male tractarunt cultores vi-
 neæ,

a) Luc. XIII.

b) Matth. XXIII. 36.

næ, novissime vero missum Filium oc-
 ciderunt: post quæ tandem veniens Do-
 minus perdiderit colonos istos, & vineam
 aliis locarit. Hæc parabola non solum
 a tribus Evangelistis a) commemorata
 est, verum etiam longe ante ab ISAIA, &
 IEREMIA Prophetis usurpata. *Quid est,*
ait ISAIAS b), quod debui ultra facere vi-
neæ meæ, & non feci? an quod expecta-
vi, ut faceret uvæ, & fecit labruscas? &
nunc ostendam vobis, quid ego faciam vineæ
meæ, auferam sepem eius, & erit in dire-
ptionem: diruam maceriam eius, & erit
in conculcationem. Et per IEREMIAM
 c) Spiritus S. *Ego autem plantavi te, in-*
quit, vineam electam, omne semen verum:
quomodo ergo conversa es mihi in pra-
vum vinea aliena? Si laveris te nitro,
& multiplicaveris tibi herbam borith,
maculata es in iniquitate tua coram me,
dicit Dominus DEUS. Hæc Christum
 in Prophetis locutum, quæ suo deinde
 ore ad Iudæos protulit, nemo non vi-
 det. Ubi sole clarius, quod nos conten-
 dimus, habetur: Iudæos, postquam diu
 in-

a) Matth. XXI. 33. Marc. XII. 11. Luc. XX. 9.

b) Isa. V. 4.

c) Ier. II. 21.

ingratos se erga divina munera, & dona, quæ Spiritui S. tribuuntur, ab eoque dispensantur, exhibuerint, tandem iusto DEI iudicio reiectos non solum terra ipsis tradita, hæreditaque terrestri, sed etiam coelesti: atque hoc est, *non remittetur in hoc seculo, neque in futuro.* Infinitus essem, si ex veteri testamento omnia, quæ huc facerent, adducere vellem testimonia: solummodo lectorem moneo, MALACHIAM postremum Prophetarum ut legat, qui Iudaicæ genti veluti nuncium mittendi, & repudium dandi divinam auctoritatem accepit: post quem longe rarissimum apud Iudæos propheticum munus, neque ullum aliud ad communem Iudaicæ gentis causam est concessum: quo vel solo patet, DEUM paulatim ubertatem donorum, & gratiarum cohibuisse. Qui collecta huius rei plura ex sacris scripturis documenta nosse cupit, vel unum S. CYPRIANI librum I. testimoniorum adversus Iudæos primis sectionibus legat.

Iudæi ipsi
desertio-
nis, & ob-
durationis
causa.

V. Ergo summa æquitate, & iure DEUS fecit, ut ab iis, qui divinæ beneficentiæ munera aspernarentur, & negli-
gerent,

gerent, illa subtraherentur. Quod Christus apud MARCUM proximo statim sermone post eum, quem de blasphemia Iudæorum in Filium hominis, & Spiritum S. habuit, edixit: *Qui enim, ait a), habet, dabit illi, & qui non habet, etiam quod habet, auferetur ab eo.* Eodem loco eandem sententiam MATTHÆUS b) expressit: nec semel tantum ea usus est, quemadmodum etiam S. LUCAS c) bis eam repetiit. Unde in parabolis cum Iudæis loqui Christum consuevisse his ipsis locis MATTHÆUS, & MARCUS d) referunt: *Quia videntes non vident, & audientes non audiunt, neque intelligunt. Et adimpletur in eis prophetia Isaïæ e) dicentis: Auditum audietis, & non intelligetis: & videntes videbitis, & non videbitis. Ingrassatum est enim cor populi huius, & auribus graviter audierunt, & oculos suos clauserunt: ne quando videant oculis, & auribus audiant, & corde intelligant, & convertantur, & sanem eos.* Quo

a) Marc. IV. 25.

b) Matth. XIII. 12. XXV. 29.

c) Luc. VIII. 18. XIX. 26.

d) Matth. XIII. 13. Marc. IV. 12.

e) Isa. VI. 9.

64 DISQUISITIO DE PECCATO

Quo loco illud observandum, ipsos Iudæos graviter audiisse, & oculos suos clausisse; ne quem cogitatio subeat, DEUM hæc effecisse, & non permisisse solum: sed cœlestes gratiarum fontes indignis clausit, sine quibus futurum non sit, ut convertantur. Hæc autem ita se habere, declarat parabola seminis, & seminantis, quam MATTHÆUS, & MARCUS a) huic ipsi sermoni innectunt, ubi quædam secus viam, alia in petrosa, alia rursus in spinas ceciderunt: neque semen fuit in causa, sed spinæ, petra, via, quod fructus non sequatur. Unde eorum verborum sensus patet, quæ MATTHÆUS b) mox illis verbis de blasphemia, & peccato in Filium hominis connectit, quod argumento est, ad eandem spectare materiam: *Aut facite arborem bonam, & fructum eius bonum: aut facite arborem malam, & fructum eius malum: sicuti ex fructu arbor agnoscitur.* Ut autem innotesceret Iudæos hæc petere: *Progenies viperarum, invehitur adversus eos Christus, quomodo potestis bona loqui,*

a) Matth. XII. 3. Marc. IV. 3.

b) Matth. XII. 33.

qui, cum sitis mali? Bonus homo de bono thesauro profert bona: & malus homo de malo thesauro profert mala.

VI. Hactenus collato inter se trium Evangelistarum contextu, coniunctis etiam antecedentibus, & consequentibus sensum verborum de blasphemia Iudæorum in Filium hominis, & Spiritum S. qui crucem, & commentatoribus, & Theologis figit, eruere studuimus in eam sententiam, quam paulo ante exposuimus, ut nempe integer Iudæorum status spectetur, quo divinis Spiritus S. donis, prophetiis, miraculis &c. ingrati extiterunt, cæci, & obstinati ad manifesta, & aperta digiti DEI opera. Non itaque unicum tantum illud peccatum, quo eiectionem dæmonis invirtute Beelzebubî factam blasphemabant, peccatum Iudæorum in Spiritum S. absolvebat; sed alia eius generis multa, tum gentis Iudaicæ inde a prima eius electione, tum eorum Iudæorum, qui præsentibus aderant, ob quæ deferri tandem meruerint, atque in hoc seculo, & futuro puniri. Peccatum autem eorum in Filium hominis erat, quidquid in Christum, ut homo appa-

E rebat,

Iudæorum
peccata in
Filiū ho-
minis, &
Spiritus
S. ex Actis
Apostolo-
rum osten-
duntur.

rebat, perpetrarant, quamdiu inter Iudæos fuerat conversatus: sicut peccatum eorum in Spiritum S. omne illud, quod in divinas virtutes usque ad eorum reiectionem criminati sunt, & perfricta fronte, obcæcataque mente deliquerunt. Huius rei exempla in Actis Apostolorum habemus. Actorum enim secundo, postquam iam Apostoli Spiritu S. pleni linguis diversis loquerentur, admirantibus Iudæis, PETRUS sermone ad eos habito, quid in Christum male egerant, obiectat. *His autem, inquit sacer textus a), compuncti sunt corde, & dixerunt ad Petrum, & ad reliquos Apostolos: quid faciemus, viri fratres? Petrus vero ad illos: pœnitentiam, inquit, agite, & baptizetur unusquisque vestrum in nomine IESU Christi in remissionem peccatorum vestrorum.* En peccatum Iudæorum in Filium, ad quod pœnitentia eluendum PETRUS hortatur. Act. VII. S. STEPHANUS Iudæis in memoriam reducit beneficia, & gratias, quibus Patres eorum, ipsique a DEO affecti sint, quæ susque deque habentes, sua malitia ob-

a) Act. II. 37.

obduruerint, sole clarioribus prodigiis nihil attenderint, in deterius semper prolapsi: post quæ auscultemus quid dicat. *Dura*, ait a), *cervice*, & *in-circumcisis cordibus*, & *auribus vos semper Spiritui S. resistitis, sicut patres vestri, ita & vos. Quem Prophetarum non sunt persecuti patres vestri? & occiderunt eos, qui præmuniabant de adventu iusti, cuius vos proditores, & homicidæ fuistis.* Dic sodes, quid similis, quid convenientius esse possit, quam ista, iis, quæ non ita multo ante ex Evangeliiis protulimus de peccato Iudæorum Prophetas persequentium, & interimentium, qui Spiritu Sancto afflati, & ad eos missi aut futura prædixerint, aut mira patrarint, ut istis evidentibus signis, & portentis fidem facerent, & dignos pœnitentiæ fructus prolicerent, atque ad frugem revocarent, quibus omnibus spre-tis, peiores redditi sint: cuius delicti mensura nimium accumulata, iustissime deserti, & in hoc, & altero seculo pœnas dederunt. Quare nihil in hoc STEPHANI sermone memoratur de pœnitentiæ fructu, ut in

E 2

superio-

a) Act. VII. 51.

superiore PETRI sermone: quod ibi de peccato in Filium hominis, hic de peccato in Spiritum S. agatur irremissibili: non quod veniam obtinere non potuissent, sed quod pœnitere nollent, DEO impleta mensura gratiarum obstruente fontem, ipsisque gratiæ resistentibus, & contra illam animum obfirmantibus.

Pœna in
hac, & al-
tera vita.

VII. Neque vero dixerim solummodo Christi sermonem intelligendum de generali Iudaicæ gentis derelictione; quæ utique singulariter pertinuit ad eos omnes, qui aut visis externis signis, & miraculis, aut internis Spiritus S. suggestionibus animum claudentes, non crediderunt in Christum. Hoc solum aio, præcipue Christum universalem Iudæorum desertionem spectasse, quæ tam in præsentī, quam altera vita, pœnam apertissime habuit: *Et ideo*, ait S. THOMAS a), *dicitur secundum expositionem Chrysostomi, hoc peccatum Iudæis non remitti neque in hoc seculo, neque in futuro: quia pro eo passi sunt pœnam, & in præsentī vita per Romanos, & in futura*

a) 2, 2. q. 14. art. 3. in ☉.

futura vita in pœna inferni. Locum ex CHRYSOSTOMO a) refert catena in MATTHÆUM, quem haud dubie præ oculis habuit S. THOMAS, est enim huic similimus, ut conferenti patebit. Desertio igitur in hac vita fuit pœna Iudæorum, tam exterior illa desertio, & excisio, quam interna gratiæ derelictio: in altera vero vita infernus, quæ sic erit communis genti Iudaicæ, ut singulariter eos contigerit, qui animum ad dona Spiritus S. tam interiora, quam exteriora clauferint. Quod, qui certo numero, & mensura fecerunt, supernaturali auxilio privari digni fuerunt: non quod converti non potuerint, sed quod futurum non sit, ut converterentur ob obstinatum, & in malo obfirmatum animum. Quæ fuit pœna peccatorum priorum, & contemptus operum Spiritus S. ex propria animi malitia, & perversitate, iure merito gratia subtracta, ante sæpius reiecta, secundum numerum, & mensuram soli DEO cognitam. Quæ res est terrore plena, & cuiusvis animum concutere debet timore iudiciorum DEI in-

E 3

com-

a) T. II. p. 439.

comprehensibilem, quia quotidie hoc contingere valet, & contingit, ut DEUS post reiecta ab homine, certa mensura, gratiæ dona, eius ubertatem contineat, & homo animum obduret, ut deinceps nunquam ad veram poenitentiam perveniat.

Obiectio
diluatur.

VIII. Huic nostræ interpretationi verba Christi adversari videntur, quæ unicum singulare peccatum aliquod, & blasphemiam præferunt. D. AUGUSTINI sententia, quæ impoenitentiam finalem pro peccato irremissibili in Spiritum S. constituit, huic obiectioni adhuc magis obnoxia est, qui eam difficultatem non ignoravit, & solidissime diluit. Eius igitur verbis eam proponendam, dissolvendamque consultissimum est. Est autem eiusmodi difficultas: „ Quia, ut verba
a „ AUGUSTINI a) habent, cum homo
„ usque in finem huius vitæ in dura im-
„ poenitentia perseverans (iuxta nostram
explicationem certo numero, & certa
mensura Spiritus Sancti dona repellens)
„ diu multumque loquatur adversus
„ hanc gratiam Spiritus Sancti, Evange-
lium

a) Serm. LXXI. in Matth. XII.

„ lium tamen tam longam contradic-
 „ nem cordis impœnitentis, quasi breve
 „ aliquod verbum appellavit, dicens:
 „ *quicumque dixerit verbum* &c. Hæc
 „ enim quamvis prolixa sit, & pluri-
 „ mis verbis contexta, & producta blas-
 „ phemia, solet tamen scriptura etiã
 „ multa verba verbum appellare. Ne-
 „ que enim unicum verbum locutus est,
 „ quicumque Propheta, & tamen sic le-
 „ gitur: Verbum quod factum est ad
 „ illum, vel illum Prophetam. Et Apo-
 „ stolus: *Presbyteri*, inquit, *duplici*
 „ *honore honorantur*, maxime qui la-
 „ *borant in verbo, & doctrina*. Non
 „ ait in verbis, sed in verbo. Et S.
 „ IACOBUS: *Estote*, inquit, *factores ver-*
 „ *bi, & non auditores tantum*. Non
 „ ait & ipse verborum, sed verbi: quam-
 „ vis tam multa verba de Scripturis
 „ Sanctis in Ecclesia celebriter, &
 „ solemniter legantur, dicantur, audian-
 „ tur: sicut ergo, quantocunque tem-
 „ pore quisquis nostrum in prædicando
 „ laboraverit, non verborum, sed ver-
 „ bi dicitur prædicator, & quantocun-
 „ que tempore quisquis vestrum nostram

„ prædicationem diligenter atque instan-
 „ ter audierit, non verborum, sed verbi
 „ audiendi studiosissimus nuncupatur:
 „ ita eo more, quo scripturæ loquuntur,
 „ & quam novit ecclesiastica consuetu-
 „ do, quisquis universa sua vita, qua
 „ istam gerit carnem, quantalibet longi-
 „ tudine protendatur, quæcunque ver-
 „ ba vel ore, vel sola cogitatione locu-
 „ tus fuerit corde impœnitenti contra
 „ remissionem peccatorum, quæ fit in
 „ Ecclesia, verbum dicit contra Spiri-
 „ tum S., Quanto potiori iure verbum
 contra Spiritum S. certus aliquis nume-
 rus, & mensura peccatorum in dona
 Spiritus S. dici potest, quæ forte apud
 hunc paucioribus peccatis completur,
 apud alium pluribus, nemini nisi DEO
 noto numero, cum etiam ad finem usque
 vitæ mensuram non plenam esse nihil
 referat. Hæc obiectio, cum tam ad
 Scripturæ expositionem, quam dogma
 catholicum pertineat, hic media collo-
 cari debuit, & veluti nexus utrumque
 inter esse. Quare iam ad dogma pro-
 grediendum.

CA-

CAPUT IV.

Ostenditur Ecclesiae de peccato in Spiritum S. sensui, & doctrinae congrua nostra explicandi ratio.

I.

Posse accidere post Iudæorum casum, & accidere, ut se homines simili peccato in Spiritum Sanctum contaminent, nemini dubium esse debet: cum ipsa verba, quibus Christus peccatum in Spiritum S. exprelit, aliquid, quod non Iudæos tantum spectet, satis innuant, & Ecclesia semper inter varia peccatorum genera illud etiam de Spiritu S. numerarit. Quare videndum, num ea explicatio, & systema de hoc peccato, quod ad Iudæorum in Spiritum S. peccatum exponendum adhibuimus, ad dogma etiam commune, & generale quadret. In eum autem sensum explicuimus, est enim sæpius repetendum, ut certam mensuram soli DEO cognitam donorum Spiritus S. Iudæi habuerint, qua completa, nec aliquid proficiente,

E s addenti-

Peccato in Spiritum S. sicuti Iudæi, sic alii etiam se contaminant, nec clavium potestati aliquid inde detrabitur.

74 DISQUISITIO DE PECCATO

addentibus illis etiam cumulum peccatorum, si non equidem iam prorsus derelicti, ut resipiscere amplius non possent, modus tamen saltem donis & gratiis positus sit, atque de abundantia remissum, ut ad frugem non amplius fuerint redituri, destinata in utroque seculo poena, hic derelictione, illic æterna damnatione. Non deesse enimvero etiamnum inter homines, *qui divitias bonitatis DEI, & patientie, & longanimitatis contemnunt... Secundum autem duritiam suam, & impœnitens cor thesaurizant sibi iram,* nimis pro dolor certa multorum constat experientia, qui cum oblatis a DEO donis, & gratiis minus respondent, atque in vitiis contabescunt, merentur a DEO etiam in hac adhuc vita largis illis gratiæ muneribus privari, suisque relinqui desideriiis, eoquod Spiritum S. abiecerint, atque in se extinxerint, eius donis cominus sese opposuerint. Hi peccati in Spiritum Sanctum reos se faciunt, quod neque in hac vita remittendum sit, neque in altera vita; postquam divitias bonitatis DEI ultra modum, & mensuram contemserunt. Accidit autem non
divi-

divina operatione, sed permissione secundum duritiam, & impœnitens cor hominis fores sibi veniæ occludentis, & divinæ misericordiæ obicem opposentis. Quamvis autem hoc peccatum neque in hoc seculo remittendum sit, nihil tamen inde clavium potestati in Ecclesia relictæ quidquam detractum est: Fatemur enim nullum esse peccatum, quod Ecclesia non remittat, si modo pœnitenti corde eidem subiiciatur, sed hi, de quibus sermo est, pœnitentiæ dono se indignos reddiderunt, & adversus eam animum obfirmarunt, eiusmodi autem frustra remittit Ecclesia peccatum, quando præclusus pœnitentiæ, & animi contritioni aditus, quæ est necessario requisita ad remissionem peccatorum conditio.

II. Non autem uno modo homo cor suum obdurat adversus divinum pœnitentiæ in se suscipiendum donum: sed secundum sex illas peccati in Spiritum S. species, quas ecclesiastica catechesis distinguit, & explicat. Primum hoc contingit, cum nimia usi in divinam bonitatem fiducia, subsidia salutis fusque deque habemus, abiicimusque omnem iustitiæ, & timoris

Recensio-
ne specie-
rum pec-
cati in Spi-
ritum S.
aliqua
perseve-
rans in il-
lis malitia
ostenditur,
primo
præsum-
tione.

DEI

2 DEI rationem. Talem nobis auctor Constitutionum apostolicarum a) describit AMMONEM, filium MANASSIS. *Si quis, inquit, instructa veluti acie rebellis delinquat, tentans DEUM quasi malos non insectantem: huiusmodi venia carebit, licet secum ipse dicat: Bene mihi sit, ambulo in consuetudine cordis mei pravi, qualis exsistit Amon, Manassis filius. At enim scriptura: Et decepit se Amon mala cogitatione transgressionis, Et dixit: Pater meus a puero multa inique egit, Et in senectute pœnitentia ductus est: Et nunc ego ambulabo, prout desiderat anima mea, Et postea ad Dominum me convertam. Hunc vero in hoc, & in altero seculo pœnas dedisse, hic morte temporanea, quæ ei tempus pœnitendi etiam abstulit, illic æterna, mox subdit scriptura: Et cito delevit eum Dominus DEUS ex terra eius bona, Et irruerunt in eum servi eius, Et interfecerunt eum in domo ipsius, Et duos tantum annos regnavit. Vide ad hunc locum COTELERII notam plura afferentem testimonia.*

III.

a) Constit. Apost. L. II. c. 23. f. 236. T. I. Pat. Apost.

III. Altero modo præcedenti plane Desperatio: contrario cor adversus poenitentiam alii claudunt desperatione, vel veniæ consequendæ, vel in via salutis progrediendi, & ad optatum exitum producendæ vitæ christianæ. Hoc peccati genere CAIN poenitentiam a se arcebat: itemque proditor IUDAS. De CAIN S. GREGORIUS a): *An non, inquit, in Spiritum S. Cain peccavit, quando dixit: Maior est iniquitas mea, quam ut veniam merear? Et quia de venia desperavit, ideo dixit: Ecce eiicies me a facie tua. De quo & postea subditur, quod egressus sit a facie Domini. Vides quemadmodum ille, qui in desperationis foveam labitur, a facie DEI proiiciatur. Et Spiritum S. tuum ne auferas a me. Attende qualiter postulat, ne spem veniæ post peccatum amittat.* Quis non videt, GREGORIUM agnoscere desperationem CAIN in hac etiam vita projectionem a facie DEI poenæ loco habuisse. Auctor tamen libri *de Pœnitentiâ* inter opera S. AMBROSII b) hoc non sine cumulo, & mensura peccatorum factum aperte dicit: *Fidelem,* inquit,

a) T. III. op. f. 502. Ed. Par. 1705.

b) Cap. VI. & VII. p. 394.

inquit, *venia locum tenet non infida confessio, & in tuto est pœnitens conscientia, si indulgentia remissionem non dubitet. At e contrario peccati cumulus erigitur, si, quod committitur, id negatur: quod in facto Cain supra memoravimus, qui dum putavit auctori suo facinus abnegare, seipsum pœnæ non est permissus eximere, ut conscientia in facti atrocitate publicum frustraret ei ex negatione fructum pœnitentia.* Recenset deinde numerum peccatorum CAINI, quo veniæ se indignum fecit. Proditorem IUDAM verus & genuinus AMBROSIIUS a) de pœnitentia a DEI miseratione non excludit, si facti sui pœnitens fuisset. *Arbitror, inquit, quod etiam Iudas potuisset tanta DEI miseratione non excludi a venia, si pœnitentiam non apud Iudæos, sed apud Christum egisset.* Ultro hoc largior, sed aio: desperatione sua IUDAM pœnitentiæ obstruxisse locum, ut licet remitti potuerit, remittendum tamen non fuerit. Si enim venia non indignus fuisset IUDAS, divina iustitia, & æquitas ea utique non fraudasset: unde idem S. AMBROSIIUS,

&

a) L. II. c. V.

& alii verba illa Christi ad IUDAM : *quod facis, fac citius*, sic sumunt, ut velint, Christum, quæ etiam CYRILLI sunt verba, quod iam inemendabilis tunc esset, eum dimisisse. *Ubi satanas*, verba sunt S. AMBROSII a) *immisit in cor Iudæ, Christus recessit ab eo : momentoque eo, quo illum recepit, hunc amisit ; denique sic scriptum est : Et post buccellam introivit in eum satanas : dixit ergo illi IESUS : quod facis, fac celerius. Quid illud, ut, quia introierat in illum satanas, ipse abiret a Christo. Eiicitur itaque, & excluditur, eoquod iam cum Domino IESU esse non possit &c.* Et THEOPHILACTUS Cum, inquit, neque data buccella emendaretur, tunc plane factus est satanæ, & traditus ei ut inemendabilis. Quid clarius, quid expressius dici potuit in nostram sententiam ? Quod lucem accendit similis sententiæ S. CHRYSOSTOMI b) verbis. *Tunc satanas in illum intravit eius deridens impudentiam ; donec in choro fuit, non ausus est ingredi, sed extrinsecus oppugnabat : postquam*
vero

a) L. II. de ABEL. c. 4. T. I. 199. K.

b) Hom. LXXII. in Ioan. T. VIII. p. 423. E.

vero ipsum Christus palam fecit, & segregavit, libere demum in illum infiluit. Neque enim, talis cum esset sine spe emendationis, decebat adhuc illum intus manere &c.

Aper-
tæ
veritatis
impugna-
tione :

IV. Tertio in Spiritum S. peccant, qui apertæ, & manifestæ veritati, fidei, & religionis catholicæ, aut præcipue doctorum Spiritus S. repugnant. Posterioris peccati rei fuerunt Iudæi operibus Spiritus S. vilipensis, dæmoni tributis, ut supra pluribus prosecuti sumus. Ad priorem censum omnes pertinent illi hæretici, qui agnitæ fidei veritati refragantur, ex quibus paucissimi victas veritati manus præbent. Unde vero accidere hoc putandum est? Nisi quod pervicacia sua, & obstinatione divina illustratione se indignos præbent, mentem præcludunt, suisque in erroribus obdurant, quo tandem excæcati, videntes non videant. Exempla sunt in hæreticis, & persecutoribus Imperatoribus ex libro LACTANTII *de Morte persecutorum*.

Obdura-
tione :

V. Quartum peccati in Spiritum S. genus naturam systematis nostri de peccato

cato hoc planissime repræsentat, cum nempe obfirmato in peccatis animo perseveratur, nullisque admonitionibus locus conceditur. Exempli loco PHARAO nobis esse potest, cui mors temporanea, & æterna pœna in hoc, & altero sæculo obtigit, tantaque mentis obduracy adhuc viventem abripuit, ut nullis ostentis monitus resipisceret, ipseque DEUS se indurasse cor PHARAONIS diceret, non utique cor induratum efficiendo, sed gratiam ab immerente subtrahendo, sine qua animum nunquam mutaturus erat.

VI. Quinto in Spiritum S. delinquant, Impœnitentia: qui propositum pœnitendi omnino abiciunt: hoc sive de illa impœnitentia intelligas, qua usque in finem in animi duritia persistitur, sive ea pro obstinato animi consilio nunquam pœnitendi interpretaris, nisi ad explicandi modum a nobis propositum recurras; impinges aut in naturam peccati in Spiritum S., aut in potestatem ecclesiasticam remittendi peccata. Impœnitentiam enim finalem peccatum in Spiritum S. solum esse non posse, satis a nobis superius proditum.

F

tum.

tum. Unum vero non pœnitendi propositum, si ab eo abstat animus, & consilium mutet, Ecclesia certe remittere potest: restat igitur, ut de numero, & mensurâ interpretemur, qua DEUS pœnitentiæ donum concedit, homo autem impœnitentiæ actus accumulât, sicque paulatim mentem obdurat, & gratiarum ubertate se indignum præbet, ut quidem quamdiu in hac vita sit, pœnitere possit, non tamen id facturus sit ob impœnitens cor iusto iudicio non emollitum.

Invidia
fraternæ
charita-
tis.

VII. Eadem est ratio sextæ peccati in Spiritum S. speciei, quæ est invidia gratiæ fraternæ, ac dolor de splendore, & augmento donorum DEI, virtutumque, quibus aut. Ecclesia, aut proximus fulget. S. AUGUSTINUS aliquando hoc invidiæ gratiæ fraternæ peccatum ad mortem illud esse asseruit, de quo IOANNES

a

a) dixit: *Est peccatum ad mortem, non pro illo dico, ut roget quis*: libro autem Retractationum tunc peccatum istud ad mortem esse vult, si in hac perversitate finierit quis hanc vitam; causam addit: quod de nemine in hac vita desperandum sit: pro eo autem recte orari, de

a) Ep. I. c. 5. v. 16.

quo

quo non desperetur. Quo nihil certius mihi etiam est; aio enim ignorari ab hominibus, quousque gratiarum suarum abundantia adsit, hinc cum timore, & tremore salutem operari quemque debere, ne, si diutius divitias bonitatis, patientiæ, & longanimitatis contemserimus, poenientiæ locum non inveniamus, ob animum in malo ita obfirmatum, ut, cum possit emollescere, hoc tamen in poenam futurum non sit. Primus hoc peccatum CAIN peccavit, ob idque relinqui a DEO meruit, & desperavit: fuit enim duplex in CAIN peccatum in Spiritum S. sed hoc radix alterius, fons, & origo ruinæ, & desperatæ illius salutis, quod fratri inviderit gratas apud DEUM victimas, unde livore ductus eum occidit, ac maiorem hanc desperando putavit iniquitatem suam, quam ut veniam mereretur. Inferius patebit, quotquot in Ecclesia DEI aliquando caput erexerunt schismata, ab invidia donorum DEI in fratribus ac Ecclesia, ortum habuisse. Contigit etiam hoc fere, quo hæc scripsi, tempore deplorandum huius peccati exemplum in Sacerdote quodam

F 2 patriæ

patriæ nostræ huiusce, qui incontinentia abreptus apostata a fide factus, dum extremum Spiritum ageret, desperabundus confessus est, sibi salutem iam assequi non amplius integrum non alias ob causas, quam quæ peccati in Spiritum S. hanc ipsam, de qua nobis modo sermo est, speciem constituunt: 1.^{ma} quod scorto suo in agone absolutionem flagitanti denegarit. 2.^{da} quod personæ cuiuspiam ad mortem damnatæ, quam prius sub spe redimendæ vitæ a fide catholica adhæresin pellegerat, dum carnifex insisteret, illaque Sacramentum poenitentiae, absolutionisque peteret, item non concesserit.

Peccatum in Spiritum S. vix aliter quando unicuique in utroque seculo puniri, ipsaque nomina habita-
tum aliter quem peccandi præferre.

VIII. Patet ergo per singulas peccati in Spiritum S. species optime omnia quadrare, si ad eum modum, quem non semel iam explicuimus, res transigatur, non ad unum aliquod peccatum restringendo, sed cumulum, numerum, & mensuram statuendo. Quare quæsitum cum D. THOMA complures Theologi existimarunt: utrum homo possit primo peccare in Spiritum S. quod absolute fieri posse dicunt, sed vix contin-

tingere. Nemini enim consilium DEI notum, qui plerosque diutius ad poenitentiam exspectat, ut tamen ob unicum peccatum iuste gratiarum fontem claudat. Potissimum tamen diu peccatorem præstolatur divina clementia, nec quemvis præsumptionis, desperationis, aut impoenitentiae actum in utroque seculo punit. Cum ipsæ hæ voces, & nomina habitum potius, ac chronicum morbum indicent. Quid enim est præsumptio, nisi voluntatis securitas habenas cupiditati relaxans, remissionem promittens, etiamsi longo tempore in peccatis nos volutemus, reiiciamusque intus pulsantem Spiritum S.? Quid desperatio, obduratio animi, impoenitentia, quam voluntatis affectio poenitendi propositum abiiciens, quod aut spem illius deponamus, aut animum eidem obstruamus, aut studium illius negligamus: quæ habitum animi fixum, annosam, inveteratamque voluntatis pertinaciam, ac veluti callum designant.

CAPUT V.

Ex sanis, & assertis Theologia principijs declaratur systema peccati in Spiritum S.

I.

Perversæ
de divinis
perfectio-
nibus opi-
niones :

Videndum iam etiam est, an, & qua ratione nostra de peccato in Spiritum S. explicatio, & systema cum principijs sanæ Theologiæ conveniat: cum nihil proclivius sit, quam hic impingere, & noxiæ in Theologia opiniones de DEO, rebusque divinis multo plus, quam passim existimetur, ad contrahendum peccatum hoc conferant. Quid sanctius, & salutarius divinorum attributorum meditatione? Attamen fere contingit, ut modum excedendo, nec scite inter se conciliando perfectiones DEI summas, peccato in Spiritum S. sese constringant perversi. Funesta hodie docet experientia, Atheos, & Deistas potissimum abduci, ut agnitæ veritati tam perspicue per lumen rationis, & revelationis innotescenti de DEI existentia, & providentia resistent; quod modum non capiant,

piant, quomodo infinitæ divinæ perfectiones in se, & operibus naturæ, providentiæ, & gratiæ conspirent: infinita bonitas exempli causa, & iustitia quomodo secum consistent, & maxime cum ista in rebus bonorum malorumque mixtione.

II. Doctrina de natura, & gratia hic maximas patitur difficultates: quive errores circa has res varii obtinent, omni generi peccati in Spiritum S. incautos, & impios exponunt, ut aut nimium de gratia præsumant, aut desperent, aut eius luci mentem claudant, sive intellectui affulgeat, agnitæ veritati resistendo: sive voluntatem afficiat, ei cor obdurando: sive alios spectet, eam illis invidendo: sive ad se pertineat peccatis constrictos in impoenitentia perseverando. Hæc solent in praxi multo sæpius contingere, quam soleant peccato in Spiritum S. adscribi, aut pro tali agnosci. Oriuntur autem pessimæ mentis, & cordis affectiones ex perversa de divinis perfectionibus persuasionem, prout sese in operibus naturæ, providentiæ, & gratiæ exerunt radii Divinitatis, nec recte

Nec non de natura, & gratia facile peccatum in Spiritum S. inducunt.

considerantur ; atque hinc errores primum in mente oriuntur, postea etiam voluntatem, & actiones inficiunt, corrumpuntque, ad consummandum peccatum in Spiritum S. Perversas mentes doctrinæ alioquin sanæ in transversum agere queunt. Si qui divinam potentiam ut extollant, salutem ab immutabili, & absoluto decreto dependere, & iuxta id in tempore absoluta potentia evenire in animum inducunt, curam vero salutis, usumque facultatum suarum, ac mediorum intermittunt, prout magis vel in divinam iustitiam, vel misericordiam vergit, ac defigitur consideratio, aut in desperationem, aut præsumptionem trahit. Sic igitur, ut ex persuasione de prædestinatione æterna maxime absoluta ita afficiatur homo fieri potest : dum secum ratiocinatur aut e numero sum electorum, aut non sum : si ita, fieri nequit, ut a salute excidam ; si non sum, nullo meo conatu salutem adipisci potero. Hinc ergo in negotio salutis, cura, & sollicitudine deposita quis, ex D E I decreto potenti secundum iustitiam, aut misericordiam conformato, aut præsumit,
aut

aut desperat, cor obdurat, pœnitentiæ opus, ac spem deponit, & sibi in animum inducit, quodsi decretum sit dare gratiam, & perseverantiam finalem, quantumcunque ita aliquis obtruterit, & induratus fuerit, fore emolliendum. Addat præterea perversus CALVINI de certitudine prædestinationis, & inamissibilitate gratiæ doctrinam, & prout in partem deflexerit animum, peccato in Spiritum S. obstrictus hærebit, omnibus vitiis frena forte laxans. Idem in lansenismo, quem vocant, practico, Rigorismo inquam, & ei appositæ nimia indulgentia, dici potest, facile in desperationem, aut præsumptionem abducere: sicque vel erroneæ, vel etiam innocuæ opiniones præsertim de gratia, & prædestinatione, in perversam partem tractæ, concordia attributorum divinorum non retenta, præcipitem agere possunt.

III. Hæc ergo caute sunt tractanda, ne tamen veritas reticeatur, aut dispensium patiatur, neve in unam partem magis declinando ex altera parte periculum immineat. De spe hic potissimum agitur, & fiducia in benignum Numen.

Dum aut non satis, aut nimium fiducia in gratiam divinam concipitur, quasi

F §

Recte

nunquam
deficiat.

a

Recte vero S. AUGUSTINUS a) *Ex utroque*, inquit, *homines periclitantur*, & *sperando*, & *desperando*. Pronum est itaque, ut, dum spem inculcamus infinite divinæ misericordiæ, in præsumtionem inclinetur mens, aut si iustitia DEI exaggeratur, in desperationem agatur. Et tamen constat DEUM utrumque, & gratiam, benignitatemque suam largissime profundere erga genus humanum, qui vult omnes homines salvos fieri, iuxta PAULUM Apostolum. Nihilominus fides, & experientia nos docet, gratiæ thesauros non omnibus proficere, iisque iustis de causis a DEO sæpe privari homines, atque in mala omnia, & scelera pronos ire, excusso omni timore. Sæpius in Scripturis divinis funesti huiusmodi consilio Numinis tribuuntur: sed sane hæc sunt interpretanda, quatenus DEUS permittit, finitque pravitatem humanam in præceptis abire, non removendo illecebras & irritamenta, subtrahendo gratiam indebitam, atque ex iustitia negandam: quando tum homo sibi relictus semper in peius ruit. Aliquando

a) Tract. XXXIII. in Ioann.

quando in medicinam, alias tamen etiam in vindictam cedit ista desertio, unde duplex solet distingui. *Duplex est*, inquit S. IO. DAMASCENUS a), *derelictio, est enim derelictio dispensativa quidem, & eruditiva ad correctionem, salutem, & gloriam: finalis vero derelictio est, ubi DEUS omnia ad salutem necessaria fecit, inemendabilis, immedicabilis, magisque insanabilis ex proprio proposito homo permanet: tunc enim traditur in finalem perditionem ut Iudas*. Aperte S. Doctor hæc ita accidere misero peccatori ex proprio proposito dicit: sed quæstionem eam non attingit, an divinæ gratiæ lux apud huiusmodi proiectos homines vel penitus extinguatur, vel debiliter saltem luceat. Sed quoad effectum funestum perinde est. Imo magis constringit scelere, & peccato, quo maiori, diuturniorque gratiæ fulgori oculos clauferint. Et licet scripturæ incessanter ingeminent DEUM hominibus adesse, & gratiæ lumen undequaque diffundere; sæpius tamen etiam subtractionem luminis, & excæcationem minitatur, & iustitiæ vindicta

a) De fide Orthod. L. II. c. 29.

dicta non minus, quam misericordiæ viscera commemorantur. Est quidem pia, in DEO voluntas erga hominum salutem, sed malitia, & perversitate fistitur, divinaque impellitur iustitia, ut parata divina bonitate omnibus gratiæ auxilia non semper impendantur. Potissimum divinam nemescim hic experiuntur, qui sæpius abutendo gratia ad licentiam, & contemptum Numinis tradi in reprobum sensum meruerunt, quo pacto posteriora peccata fiunt pœnæ præcedentium, & neglectus gratiæ sæpius concessæ causa fit iusta eam subtrahendi.

Ex hominum culpa, quos non deserit Deus, nisi prius deferatur.

IV. Pro asserto tenendum, DEUM nihil mali physici homini immittere, aut morale permittere, nisi in pœnam peccati, deferendo iusto iudicio hominem, cum prius deferatur. Quæ est constans S. AUGUSTINI doctrina: atque iure contraria inter quinque propositiones IANSENII est proscripta sententia, quæ iusti, & iniusti excæcati eadem concluduntur forte, quod quandoque impossibilia ob defectum gratiæ sint præcepta, desitque eis gratia, qua possibilia fiant. Cum in IANSENII libris de iustis æque, atque excæcatis

cæcatis universalis haberetur assertio, aliquando eis deesse gratiam, qua præcepta eius possibilia fiant; pars de iustis damnanda est visa, intacta altera. Subtrahitur in poenam peccati gratia, quibus vero datur, secundum gratiam datur, non secundum debitum. Ut autem impute-
tur peccatum deficiente gratia perpetratum, sufficit, quod collata aliquando, ac oblata fuerit gratia, vel cur non detur, causa subsit, ac culpa peccatoris, cui integra manet semper libertas, qua sponte eligit malum, deestque gratia ipsi volenti, & libere ponenti impedimentum, ac illius subtrahendæ causam. Quamvis autem fidelibus iustis semper saltem gratia remota adest orandi, nisi ei obicem ponant, superbe de se præsumentes, nec humiliter gratiam implorantes; idem tamen non etiam de peccatoribus præsertim obcæcatis, obduratisque dicitur, ut illis omnibus, & semper aspiret gratiæ aura, quam acceptam respuerunt, & sese indignos ea reddiderunt. Vult quidem DEUS, ut sese convertant peccatores a via prava, & mentis cæcitatem ac tenebras depellant;
sed

sed oculos claudentibus, corque obdurantibus non frustra gratiæ suæ lumen impertit, quo mens illustretur, ac voluntas moveatur delectatione sancta semper, & omni momento, quin unquam deferantur: unde obduratio gratiæ emollientis subtractionem sequitur, cuius ipsi peccatores sunt causa, cor durum cupiditate, & assiduitate peccandi præbentes, atque toties affulgenti divinæ gratiæ resistentes, mentemque claudentes, ac obfirmantes, ut plerumque, quo maior fuit gratiæ vis spreta, eo maiores tenebræ sequantur, si impleta mensura DEUS tandem aliquando deserit.

Et hinc
iure im-
putatur
illis gratiæ
amissio.

V. Cum se homo libere talem in statum proiecerit, atque in eo pravas actiones committat, dubitari nequit, quin imputentur, etiamsi obduratus, ac impœnitens peccator affluxum gratiæ non percipiat, quo destitutus morali impotentia, cupiditate, & pravis habitibus, ipsaque maxime obduratione gravatus non queat emergere. Quod autem gratia desit, propriæ cæcitati, & malitiæ est tribuendum, cui obnoxii tales homines indigni sunt gratia, præsertim tanta illius

vir-

virtute, quanta eo maior requireretur, quo est maior obstinatio, & duritia cordis: qua nihil obstante legem libere violant, novumque reatum culpæ, ac pœnæ peccatis suis contrahunt. Nec ad hoc requiritur actualis malitiæ advertentia, ut defensores peccati philosophici contendunt, ex illustratione, & motione gratiæ: alias enim obduratissimi quique, & excæcatissimi homines, qui omnem prorsus pietatis sensum ex animo proiecerunt, melioris conditionis forent, quam timorati adhuc homines cum conscientiae remorsu forte in peccatum prolabentes, cum illis pro gradu obdurationis imputatio peccati magis & magis remitteretur, imo si ad summum pertigisset excæcatio, penitus culpa impietas vacaret: & sic maximum ex perversitate summa, & malitia sentiret commodum: quod quam sit absurdum, & indignum, imo quam Pelagianum, nemo non videt. Quam ergo asperum videatur asserere, eiusmodi abiectæ spei homines omni privari gratiæ inspiratione etiam remotiore, quo mandata implere, & salutem æternam consequi queant; con-

concedi tamen debet, si gratia aspirare semper dicitur, & perversi nihil advertunt, aut moventur, tantum graviorem eorum fieri culpam, & desperationem causam. Ut adeo, qui contrarium tenent, tenueruntque Sancti Patres, & insignes Theologi, nihil ab humanitate alienum, & ad talium hominum damnationem aggravandam comparatum asseruisse dici possint, nec idcirco libertati aliquid detraxisse, quæ utique sicuti cum gratia, ita etiam sine gratia salva manet.

a

Mihi quidem profecto, ait a) PETAVIUS, insulsum, & absurdum videtur, iis hominibus, qui alieni sunt a Christi gratia, liberum inesse voluntatis arbitrium ob id negare, quod vel boni nihil suscipere possunt, vel eius saltem boni, quod naturæ superat captum: ex eoque colligere determinatam, & uni alicui sic alligatam voluntatem, ut indifferentiam non habeat. Quid enim? non saltem eo ipso habet ancipitem, indifferentemque motionem, quod vel in malis unum quidem optare potest e pluribus: vel cum istis naturalia bona, & honesta comparare?

a) De Opificio DEI. L. IV. c. 9. n. 3.

rare? quod ad electionis, arbitriique suspensionem, hoc est libertatem sufficit. Quodsi autem consideremus, defectum ab hominis culpa esse, obicem ponentis gratiæ, quivis intelliget, sicut libertati non obest, ita hominis culpæ penitus adscribi debere, & divinæ iustitiæ arcana nos hic revereri debere, non curiosius rimari. Sic enim, cum S. AUGUSTINO a) optime concluditur, excæcat, sic obdurat DEUS deferendo, & non adiuvando : quod occulto iudicio facere potest, iniquo non potest.

VI. Non vereor dicere, divinam con-
 tuens sapientiam, qua iustitiæ rigorem
 temperat semper sua bonitate, etiam tre-
 menda ista severitate mitius cum despe-
 ratis hisce, & obduratis agi, quam si
 præsentanea semper affulgente gratia,
 non ablato indurationis gelu, contenti
 Numinis semper eo magis & magis rei
 evaderent. Haud secus ac cum illis ac-
 cidit, quos DEUS in ipso peccatorum
 cursu, vel morbo, vel alio fatali casu,
 qui iudicium rationis prævertit, impro-
 viso, nec relicto poenitentiae spatio, ex

Quomodo-
docunque
illa fiat.

G hac

a) Tr. LIII. in Ioann.

hac evocat vita in poenam præcedentium peccatorum. Quibus utique omnem omnino demit gratiam, qua salvi esse possint; ut negari non debere videatur, certos dari casus, & circumstantias, in quibus obduratis divina deest gratia, & misericordia, quo in melius convertantur. *Obduratio DEI*, inquit

a) S. AUGUSTINUS a), *est nolle misereri, non ut ab illo irrogetur aliquid, quo homo sit deterior, sed tantum, quo sit melior, non irrogetur*. Quod utique intelligi debet de singulari illa obduratione, quæ omnis negatur gratia, cuius non quævis subtractio potest induratio dici. Theologi etiam aliud excogitarunt discrimen desertionis a gratia, vel ad præcepta implenda, vel ad remissionem peccatorum obtinendam, ac si prioribus nunquam penitus destituatur induratus, nonnunquam vero posterioribus. Quod quidem ipsum satis est ad sustinendum peccatum in Spiritum S., quod nec in hac etiam vita remittatur. Nec obest quod observatio mandatorum sit cum remissione peccatorum coniuncta: id enim verissimum est,

fi

a) Ad SIMPLIC. L. I. q. 2.

si ipsa efficax gratia operetur observantiam, non vero si, quæ dicitur sufficiens, tantum potentiam det operandi. Igitur etsi hic subsistendum existimetur, neque remota hæc enitendi e misero statu potentia censeatur neganda, qua posset quis induratus, nisi abuteretur gratia ad præcepta implenda, etiam ad remissionem peccatorum aspirare; id tamen dum negligit, meretur in poenam gratia illa, ad remissionem peccatorum pertinente, privari post cumulum peccatorum, & impletam mensuram reiectarum gratiarum: ut adeo irremissibile tunc sit peccatum, quia DEUS Spiritum poenitentiae negat, atque induratis cor lapideum non aufert. Hoc S. AUGUSTINUS de Corozaitis concedit, quod potuerint credere, atque adeo non fuerint omni interiore gratia penitus destituti; at non credidisse, quia DEUS cor lapideum noluit auferre. Obstinatissimis Iudæis exprobrat S. STEPHANUS: *Vos semper Spiritui S. resistitis*. Tunc enim adhuc per Evangelii prædicationem Iudæi gratias experiebantur, quæ per momenta, & tempora DEUS distribuit, quomodo æquum & oppor-

- tunum iudicat. Atque mitissimi quique Theologi largiuntur, obduratis saltem non omni momento affulgere gratiam. Quæ utique cum sit actualis mentis illustratio, ac motio voluntatis, seu inspiratio charitatis, *Quomodo*, inquit a) **BELLARMINUS**, *fieri potest, ut non sentiat in nobis, si fit non solum in nobis, sed etiam a nobis.* Quomodo enimvero sentiat ab excæcato, & indurato, cuius inde est denominatio, quod mens cæca, & dura haud magis lumen admittat, quam lapis, aut res quælibet visu carens, & lucem non admittens? Unde recte **S. THOMAS** solis hic utitur comparatione: *Qui*, sunt verba illius b), *licet quantum est de se omnia corpora illuminet, si quod tamen impedimentum inveniat in aliquo corpore, relinquit illud tenebrosum.* Quod dum fit, utique lux non penetrat, & cor non tangit. Tantum quæstio est, an in poenam tanti contemptus gratiæ, etiam lux illa aliquando subtrahatur: hoc est, an **DEUS**, dum deseritur, etiam deserat? quod infinitis locis **S. AUGUSTINUS**,
&

a) De grat. & lib. arb. L. II, c. 6.

b) L. 2. q. 79. art. 3.

& alii Doctores statuunt. Nec dubium est, apud DEUM esse statutum peccatori pœnitentiæ, & conversionis certum tempus, si non, quod converti amplius nequeat, & emolliri; certe quod fixus sit terminus quasi fatalis, quo elapso nunquam amplius sit resipisciturus, aut acturus pœnitentiam, ac consequenter nec remissionem adepturus.

VII. Probe in hac hominum fece positiva a negativa est distinguenda causa, Dum ipsi homines in causa sunt, & cor claudunt. voluntas perversa, quæ impedimentum ponit divinæ gratiæ, &, ut tandem deferatur, meretur: dum excæcata mens lumen divinum non recipit, atque obdurata voluntas pertinaciter malo inhærens nec minis, nec monitis locum præbet; hinc non solum pœna peccati est, sed etiam peccatum horrenda in malo voluntatis pertinacia. Fit in tali homine, quod tempore hyemali longius recedente a nobis sole accidere videmus, ut terra gelu constringatur, & obduretur, unde friget, & obrigescit, ut nihil sit quod emolliat, & liquefaciat absente divinæ gratiæ sole. *Cor durum ipsum est,*
G 3 *inquit*

- a) inquit S. BERNARDUS a), *quod nec compunctione scinditur, nec pietate mollitur, nec movetur precibus, minis non cedit, flagellis duratur, ingratum ad beneficia est, ad consilia infidum, inverecundum ad turpia, impavidum ad pericula, inhumanum ad humana, temerarium ad divina.* Atque ita semper in malum profundius demersum magis a gratia remotum fit, eaque indignum sese amplius redhibet, ut mirum non sit, b) si iterum non redeat. Theologi quique profundissimi hanc tenent sententiam, omnes autem eam ab erroris suspitione liberant, licet caute eam prædicandam iure sua-deant. Cum enim de nemine in hac vita constare nobis possit status eiuscemodi, nulli etiam maximo peccatori obiici potest, atque spes omnis salutis adimi, ne quis desperet: quamvis taceri non debeat, quam sit pessimus excæcationis, indurationisque status, ut quisquis in eum deiectus sit, & sepultus, æternam damnationem haud sit effugiturus, nisi ab eo emerferit per divinam gratiam.
- Hac

a) L. I. de confid. c. 2.

b) Vid. Laurent. BERTI de Theolog. disciplinis Lib. XVIII. c. 8.

Hac ratione desperationis, & præsumtionis extrema sunt declinanda gravissima, & irremissibilia in Spiritum S. peccata: dum quis diffidit de venia, aut nimium confidit, post cumulum licet peccatorum maximum, & reiectarum gratiarum mensuram coacervatam; cum DEUS quidem omnibus poenitentibus, & ad frugem redeuntibus promiserit veniam, sed non ultra tempus, & modum expectet, aut promiserit gratiam, imo eam sese ablaturum comminatus sit. *Si mihi legis,* sunt verba S. AUGUSTINI a), *de libro sancto, sicut indulgentiam tibi promissam esse converso, sic tibi promissum crastinum diem, differ ad crastinum. Prorusus quando te converteris, dabit: sed ipsum quando, quando est?* Hic sese peccata in Spiritum S. produnt, quæ specialiter contra DEI bonitatem, & eius dona, quibus declinamus a malo, & facimus bona, pugnant ex abjecta spe salutis, divina bonitate nobis facta, obdurato, & impoenitenti corde, aut desperando, aut præsumendo de divina misericordia in seipso, aut eam aliis in-

G 4

viden-

a) Serm. XXI. ed. nov.

videndo , fontem divinæ gratiæ, atque
veniæ locum claudendo,

Ut Deus
tandem
eam sub-
trahat exi-
gente iusti-
tia.

VIII. Cum veto longanimis, & mul-
tæ misericordiæ sit Dominus, & nemo
repente fiat pessimus, plerumque longo
peccatorum tractu , & habitu , atque
copiosorum gratiæ munerum neglectu,
despectuque huc tandem pervenitur mi-
seriæ. Nexus causarum tum naturalium,
cum moralium unum post aliud trahit
peccatum, atque præcedentia subsequen-
tium sunt causa peccatorum. Divina
etiam gratia prius neglecta, postea par-
cius fluit, & iusto iudicio priora postero-
ribus puniuntur peccatis, donec tandem
cumulus ille accrescat , & mensura reie-
ctarum gratiarum , atque habitus , & vel-
uti altera natura evadat consuetudo pec-
candi, vix, aut nunquam exuenda. Quod
idcirco monendum, non ut homines de-
sperent, & poenitiæ curam obdurati
deponant, sed ne præsumtuoso ausu dif-
ferant, peccata accumulent, & vitiosos
habitus magis, ac magis implicant; qui-
bus sese exsolvendi extra ordinario opus
sit auxilio , eo minus sperando , quo
sæpius prius spreta sunt gratiæ munera,

ac

ac Spiritus S. dona, peccato in Spiritum S. irremissibili. SALVIANUS a) huc opportune illud ISAÏÆ explicat: *Ecce omnes vos ignem accenditis, & vires præbetis flammæ. Ingredimini in lucem ignis vestri, & flammæ, quam accendistis. Quod ita vulgatus habet: Ecce vos omnes accendentes ignem, accincti flammis, ambulate in lumine ignis vestri, & in flammis, quas succendistis. Ita autem SALVIANUS b): Totum namque humanum genus hoc ordine in pœnam ruit, quo scriptura memoravit. Primum enim ignem accendit; postea vires ignibus præbet, postremo flammam ingreditur, quam paravit. Quando igitur primum sibi homo æternum accendit ignem? scilicet cum primum peccare incipit. Quando autem vires ignibus præbet? cum utique peccatis peccata cumularit. Quando vero ignem æternum introibit? quando irremediabilem iam malorum omnium summam crescentium delictorum nimietate compleverit, sicuti Salvator noster ad Iudæorum principes ait: Implete mensu-*

G 5 ram

a) Isa. L. II.

b) De gubernatione DEL. L. IV. c. 8.

ram patrum vestrorum, serpentes, & progenies viperarum. *Non longe a plenitudine peccatorum erant, quibus ipse dicebat Dominus, ut peccata complerent. Ideo absque dubio, ut quia digni iam salute non essent, implerent iniquitatum numerum, quo perirent. Unde etiam cum lex vetus peccata Amorrhæorum completa esse memorasset, sic locutos esse ad sanctum Loth Angelos refert: omnes &c.* Fefellit hic SALVIANUM memoria, qui fata Sodomitarum, & Gomorrhæorum cum Amorrheis confudit: sed Amorrhæorum exemplum maxime appositum est. Promiserat DEUS ABRAHAMO Gen. XV. 15. &c. Generatione quarta demum reversuram suam progeniem in terram promissam: *Nec dum enim, addebat DEUS, completæ sunt iniquitates Amorrhæorum ad præsens tempus.* Hinc longanimitas DEI elucescit: simul etiam patet, non Iudæos tantum, sed alias etiam ante eos gentes eandem esse expertos sortem. Unde & formido merito mentes pulsare debet, & incessere, ne cumulo peccatorum, & gratiarum reiectarum eadem funesta maneat fors citius quemquam pri-

privatum, quam integras gentes, etiam in lege gratiæ, quæ utique primum Iudæis destinata, & annunciata fuerat manifestissimis signis, & operibus Spiritus S. Huic vocationi respondent media quæcunque salutis: quibus hodieque, ac semper DEUS operatur salutem, quæ dicuntur Spiritus S. opera, ut, qui ea reiicit, in Spiritum S. peccet, peremptoria autem est præsertim reiectio doctrinæ evangelicæ proterve, & constanter, & per blasphemiam. Quantumvis enim atrocia sunt, quæ quis committit, quamdiu media salutis non penitus abiicit, spes superest: quamvis iusta formido merito quemvis donis Spiritus S. abutentem, illisque mentem obdurantem incessere debeat: cum ex sententia Theologorum vix pereant, quotquot pereunt, quam hac pœnali cæcitate, & obduratione mentis, ac impœnitentia.

IX. Ista ratione constat, quomodo peccatum in Spiritum S. fit, ac dicatur irremissibile, cum tamen, ut inquit S. AUGUSTINUS a), omnipotenti medico nullus morbus sit insanabilis, nec peccatum.

Et sic felicitate sua privantur in hac iam vita summi boni abiecta consideratione peccati.

a) In Pl. C.

catō in
Spiritu
S.

2

tum aliquod tam grande existat, quod Ecclesiæ clavibus subiectum legitime non remittatur. Nimirum, ut rem explicat S. THOMAS, corporalis morbus per se sanabilis tum curari non potest, cum phreneticus non admittit salubria media. Qui sic peccat, *humilitatem deprecandi non subit*, ut S. AUGUSTINUS a) habet, *nec spe veniæ, nec timore pœnæ movetur ad pœnitentiam*. Sed vel præsumptione effertur, vel desperatione deiicitur, obduratque animum, ac cor omnibus salutaribus mediis; nec monitis, nec exemplis aliorum trahitur, eorum etiam gratiæ invidet, & obstinato animo resistens veritati pœnitentiam non admittit, sine qua nullum remittitur peccatum. Quæ summa est hominis infelicitas, eum a summo bono, sineque ultimo avertens. Quod cum quidem quolibet peccato mortali fiat, quamdiu tamen spes revertendi per pœnitentiam, & remissionem adest, felicitas desperata non est. Secus contingit in peccato in Spiritum S., quod non remittitur ex Christi sententia neque in hoc seculo, neque in futuro, ut
adeo

a) L. L. de ferm. Domini in monte.

adeo homo in hac iam vita æternum incipiat esse infelix. Non quod in via esse definat, qua ad patriam, felicitatemque æternam pergimus, sed quod ipse sibi viam obstruat, & claudat, qua ad summum bonum, ultimumque finem itur, conversione ad DEUM, consideratione, & participatione divinarum perfectionum: qua in hac vita summo bono coniungimur, radiis Divinitatis in operibus naturæ, providentiæ, & gratiæ relucetibus, summasque divinas perfectiones manifestantibus, præsertim autem in operibus gratiæ a nobis considerandis, & participandis ad remissionem peccatorum, augmentum gratiæ, & præmium vitæ æternæ. Quamdiu ergo mens erecta in hac luce, ac radiis, DEI misericordiam, & iustitiam contempletur, nec per excessum præsumendo, aut per defectum desperando, spei mediocritatem deponit, etiamsi per peccatum contingat a fine ultimo deficere, per poenitentiam reditus patet, dum spes in infinitam divinam misericordiam ponitur, nec tamen iustitiæ consideratio abiicitur, ut de divina misericordia inique

que præsumatur: nec ex adverso ita infinitæ iustitiæ inhæreat mens, ut misericordiæ nulla amplius ratio habeatur; unde desperationem exurgere necesse est, qua spes deponitur reditus ad ultimum finem, & summum bonum, quod seipsum constituit, ac offert nobis DEUS, præmium, & beatitudinem nostram; nisi nos ipsos ab hoc incommutabili bono avertamus, nec averſi per poenitentiam revertamur; ut faciunt in Spiritum S. peccantes radios Divinitatis nec recte contemplantes, nec participantes oblatos in operibus gratiæ ad felicitatem nobis promissam, & non obstante spontanea averſione a summo bono per peccatum amissam iterum recuperandam; si inter spem, & metum hinc misericordiam, illinc iustitiam respiciamus, citra præsumptionem, & desperationem, salutem operando, & de peccatis poenitentiam agendo, ne *secundum duritiam*, & *impænitens cor* thesaurizemus nobis *iram in die iræ*, & *revelationis iusti iudicii DEI, qui reddet unicuique secundum opera eius*. Quod in hac etiam vita iam experiuntur, qui peccatum in Spiritum S. consum-

summarunt, a fine ultimo averſi, nec reverti ſtudent per poenitentiam ad ſummum bonum, quo noſtra conſiſtit felicitas in hac vita cognitione, & participatione radiorum Divinitatis, in altera contemplatione, & fruitione ipſius Divinitatis.

X. Igitur in ſpe eſt hic felicitas, quæ nobis in regno, operibusque gratiæ ampliſſima eſt propoſita, niſi peccatis noſtris, atque contemptu oblatae nobis gratiæ eam amittamus, quam alias tuto, & certo ſperare licet. Noſtra ergo bona vel mala conſcientia res agitur, ſtat, caditque ſpes felicitatis noſtræ. Unde ſpei nomine conſcientia venit, & iuxta S. AUGUSTINUM a) etiam Apoſtolus pro ſpe bonam conſcientiam poſuit. *Ille enim, ait S. Pater, ſperat, qui bonam conſcientiam gerit: quem vero pungit mala conſcientia, retrahit ſe a ſpe, & non ſibi ſperat niſi damnationem. Ut ergo ſperet regnum, habeat bonam conſcientiam.* Optime hoc dicitur, ſi recte cum ſpe ſpectetur conſcientia. Si enim conſcientia

Torquente, aut obdormiſcente mala conſcientia, & ſpem præſcindente.

a

a) Conc. II. in PC. XXXI.

tia sine spe fit, desperatio est, si spes sine conscientia, præsumtio. Coniungenda ergo spes cum conscientia, ut propter spem maxima sit conscientiæ cura, & ex bonæ conscientiæ testimonio spes nostra firma sit. *Spem enim, inquit laudatus S. Doctor, gerit bona conscientia: quomodo mala conscientia tota in desperatione est, sic bona tota in spe.* Quam ob rem conscientia in hac vita iudicis instar est vel absolvens, vel condemnans, ab eaque quoad hanc vitam quies, & perturbatio, quoad alteram salus, aut damnatio pendet: ut, nisi infelices esse velimus, rectam cum spe conscientiam aut gerere, aut amissam recuperare summo studio debeamus, ut nec spes conscientiam, nec conscientia spem suffocet. Primum fit, dum, neglecta rectam conscientiam conservandi, mundandique cura, intempestiva, & præsumtuosa spes foveatur, peccata accumulatur, gratiæ spernuntur, poenitentia negligitur. Alterum contingit, quando præteritorum criminum conscientia spes abiicitur, ac desperatur, atque adeo in Spiritum S. peccatur, & æterna infelicitas

citas in hac iam inchoatur vita, in conscientiae tortura, quæ est huius vitæ infernus, in altera vita æternum perdurans arrodens vermis. De quo repetitis vicibus apud MARCUM Christus dicit a): *Ubi vermis eorum non moritur, & ignis non extinguitur.* In hoc ergo vermis hic conscientiae carnificina distinguitur ab infernali, quod mori adhuc possit, & extingui. Quæ spes si quem deficiat, uti eos qui peccato in Spiritum S. irremissibili tenentur, iam in inferno positi dicuntur, quando non corripunt illius stimuli, ardentiaque satanæ tela veniam præcludunt secundum duritiam, & impœnitens cor. Nimirum non a DEO immittuntur, ut in memoriam revocata scelerum gravitate ad cor redeat peccator, sed a satana, ut in desperationem agat, aut omnem pœnitentiæ curam supprimat. Quod duplici ratione fit, dispari crudelitate, aut immani cruciatu, aut alto sopore, & veterno: dum post quævis crimina nulli aculei sentiuntur, aut ita malum ingruit, & animum avocavit, ut non sentiat morbum æger,

H

nec

a) Marc. IX. 43. 45. 47.

- nec medicus remedium adhibendum iudicet, adeoque ægrotum deferat: cuiusmodi
- a) Babylonem describit HIEREMIAS a): *curavimus Babylonem; & non est curata: derelinquamus eam, & eamus unusquisque in terram suam: quoniam pervenit usque ad cælos iudicium eius, & elevatum est usque ad nubes. Et apud eundem*
- b) eadem de Israele b) prænunciantur: *Plaga inimici percuissi te castigatione crudeli: propter multitudinem iniquitatis tuæ dura facta sunt peccata tua. Quid clamas super contritione tua? insana-bilis est dolor tuus: propter multitudinem iniquitatis tuæ, & propter dura peccata tua feci tibi hæc.*

Adversus
quem mi-
ferrimum
statum ob-
firmandus
est animus
confidera-
tione divi-
narum
perfectio-
num.

XI. Exempla quidem hæc ostendunt rem istam, ac infelix fatum sine exemplo non esse; sed quamdiu in hac vita sumus, nisi DEO specialiter revelante, de nemine, quantumvis scelestissimo homine, aliquid statui potest, nec indicia nobis suppetunt aliqua, nec ratio quemquam pro desperato habendi, nec quispiam de se ita existimare debet, nisi velit
fe

a) Hierem. LI. 9.

b) Id. XXX. 14. 15.

se peccato in Spiritum S. contaminare, & fatum hoc experiri, quod audaci opinione de se, vel alio non horret concipere. Hoc fit invidentia gratiæ in aliis, quasi numerum, & modum quis ponere velit miserationum divinarum, alterum reliquis speciebus peccati in Spiritum S. Nihilominus ad salutarem terrorem hæc docenda sunt, & inculcanda, ut quisque cum timore, & tremore salutem suam operetur, in neutram partem aut desperatione, aut præsumptione obdurando impœnitens cor, contra agnitam veritatem divinæ iustitiæ, & misericordiæ radiis Divinitatis nobis apertissime manifestatis solis luce clarioribus: patefacta nobis divina iustitia, & misericordia, quamdiu in hac vita sumus, patente. *Ipse autem, utar piissimi BELLARMINI a) verbis, nullum terminum reconciliationi posuit, nisi finem huius vitæ, quamdiu vivit peccator, etiam si ad centesimum, vel ultra labendo, & relabendo pervenerit, a benignissimo Patre ad veniam delictorum admittitur. Nulla est apud misericordiam Patris pœnitentia sera, modo sit*

H 2 seria,

a) Ascension. in DEUM gr. 16.

116 DISQUISITIO DE PECCATO

seria, & ex corde vere contrito, & humiliato. Sed non ideo debet ullus abuti benignitate DEI, & de die in diem conversionem differre, cum nemo sciat, qua hora, vel quo die de corpore sit exiturus, & ad tribunal iustissimi iudicis compariturus. Nec iustitia ergo sine misericordia, nec hæc sine illa consideranda est, cum DEUS utramque temperet, & in toto negotio salutis unam sine altera nunquam exerceat, unde nec generi humano misericordiam tribuere voluit, nisi servata in Christo iustitiæ, & rigorosæ satisfactionis severitate: nec, iusto cum condemnat iudicio, misericordiæ obliviscitur, quicumque illi sint, ac quam enormibus implicati sceleribus, quos dum demum deferit, aut ex hac vita evocat ad æterna supplicia, severa iustitia, non tamen penitus sine misericordia facit, ut etiam deferuisse, & ex hac vita peccatis implicitos eripuisse, hoc modo dici possit temperata misericordia, ne alias longe gravius gratiam diutius reiiciendo, & peccata augendo supplicium sibi consciscant miseri peccatores. Gravius est enim, inquit S. AMBROSIIUS,
ad

a) *ad peccatum vivere, quam in peccato mori, quia impius in quantum vivit, peccatum auget, si moriatur, peccare definit.* Hinc discere quilibet deberet fatis suis esse contentum, dum quidquid DEUM facere circa homines iustos seu iniquos videmus, radios divinæ bonitatis, & iustitiæ nobis pandunt, nosque spem inter, & metum continent, quæ circa bonos, & malos fieri cernimus. Quod egregie S. AUGUSTINUS illustrat etiam circa eam spem, quam saltem in aliorum, Sanctorum nimirum, meritis, repositam habent peccatores ad veniam, & salutem æternam. *Sed, inquit b), quis iste sit modus, & quæ sint ipsa peccata, quæ ita impediunt perventionem ad regnum DEI, ut tamen sanctorum amicorum meritis impetrent indulgentiam, difficillimum est invenire, periculosissimum definire.* Ego certe usque ad hoc tempus cum inde satagerem ad eorum indaginem pervenire non potui. Et fortassis propterea latent, ne studium proficiendi ad omnia peccata cavenda pigrescat. Quoniam si

H 3 sciren-

a) De bono mortis. c. 1.

b) De Civ. Dei. L. XXI. c. 27. n. 5.

scirentur, quæ, vel qualia sint delicta, pro quibus etiam permanentibus, nec profectu vitæ melioris absuntis intercessio sit inquirenda, & speranda iustorum, eis secuta se obvolueret humana segnitie, nec evolvi talibus implicamentis ullius virtutis expeditione curaret, sed tantummodo quæreretur aliorum meritis liberari, quos amicos sibi de mammona iniquitatis elemosynarum largitione fecisset. Nunc vero dum venialis iniquitatis, etiam si perseveret, & ignoratur modus, profecto & studium in meliora proficiendi orationi instando vigilantius adhibetur, & facienda de mammona iniquitatis sanctos amicos cura non spernitur.

Ne tamen in opposita extrema desperatione, aut præsumptione declinando abiiciatur salutis cura.

a

XII. Sed hic ante omnia Apostoli sunt a) audienda monita, quæ ipse Hebræis gratiam Christi consecutis, tota gente iam in derelictionis articulo constituta, dedit, excitata fiducia in Christum redemptorem. *Adeamus ergo cum fiducia ad thronum gratiæ, ut misericordiam consequamur, & gratiam inveniamus in auxilio opportuno. Bene dixit, commentatur*

a) Hebr. IV. 14.

tatur in hæc verba S. CHRYSOSTOMUS a),
in auxilio opportuno, si enim nunc acce-
das, accipies & gratiam, & misericor-
diam, opportune quippe accedes: si autem
tunc accesseris (cum scilicet eundum erit
in iudicium) nequaquam. Intempestiva
quippe erit accessio tunc: non enim erit
tunc sedes gratiæ . . usque tunc sedebit
rex gratiam largiens, cum autem vene-
rit finis, tunc surget in iudicium. Nemo
 ergo, quamdiu Spiritum in hoc mortali
 corpore ducit, sese desertum, & dere-
 lictum existimare potest, ac debet; re-
 deuntibus, & pœnitentibus semper pa-
 tet gratiæ porta. Aliter cum iam inci-
 perent Prophetarum tempore opinionem
 gerere Iudæi, audi, quid per EZECHIE-
 LEM b) eis denunciandum præcipit. *Tu*
ergo fili hominis, dic ad domum Israel:
Sic locuti estis dicentes: iniquitates nostræ,
& peccata nostra super nos sunt, & in
ipsis nos tabescimus. Quomodo ergo vi-
vere poterimus? Hæ erant desperabun-
dorum Iudæorum voces. Sequitur summi
DEI responsio: Dic ad eos: Vivo ego,

H 4 dicit

a) Hom. VII. in cap. 4. ad Hebr.

b) Ezech. XXXIII. 10. &c.

dicat Dominus DEUS, nolo mortem impii, sed ut convertatur impius a via sua, & vivat. Hæc seria, & iuramento etiam firmata est testificatio, ut significet, quam vere vivat, velle se etiam vitam, & conversionem impii. Sed qua conditione mox additur: *Convertimini, convertimini a viis vestris pessimis.* Ex parte hominum adesse debet poenitentia, & conversio, quæ mox ut adfuerit, in gratiam recipitur, qualiscunque perversus fuerit peccator. Unde sequitur: *Impietas impii non nocebit ei, in quacunque die conversus fuerit ab iniquitate sua.* At dum quis desperando de divina misericordia ad poenitentiam animum non admovet, aut præsumendo peccata peccatis accumulatur, sprete tanta oblata gratia, dum animum induratum, & impenitentem præbet, agnitæ resistit veritati de tam gratiosa erga nos DEI voluntate, ut nec sibi applicet auxilium opportunum, aut aliis invidet, fons misericordiæ occluditur, atque conditio ad veniam ex parte nostra deest, nimirum poenitentia. Thronum gratiæ, quem adire possimus, tribunal poenitiæ obvium

vium in terris constituit, quod qui accesserint poenitentes, consequuntur veniam, & in gratiam redeunt cum DEO absolutionis certam accipientes vocem. At remediorum facilitas non est convertenda in causam peccandi. Etiam qui peccata sæpe ad tribunal poenitentiae deferunt, maxime hic impingere possunt, si præsumptione remissionis peccata coacervent. *De propitiato peccato*, monet Sapiens a), *noli esse sine metu, neque adiicias peccatum super peccatum, misericordia enim, & ira ab illo cito proximant, & in peccatores respicit ira illius.* Paris ergo periculi est mentem delicere, & desperatione poenitentiae oblatam non recipere gratiam, aut præsumptione veniæ poenitentiam non agere, & conversionem de die in diem differre. Et hoc postremum multo hodiernis moribus, & Sacramenti poenitentiae frequentia sæpius, quam multi existiment, incurritur; ut adeo e re sit, severitate iustitiæ divinæ salutarem incutere timorem, non ad desperationem, sed resipiscentiam, cui certam DEUS veniam promisit.

H 5

XIII.

a) Eccl. V. 12.

Quod monendi sunt mortales, ne oblatam respiciendo gratiam ea excidant.

XIII. Certum est quidem, & indubitatum, quemcunque quamvis impium, in quacunque die conversus fuerit, benigne a DEO esse suscipiendum: fidelis est enim DEUS, qui poenitenti, & revertenti veniam promisit, sed gratiam in quocunque die, etiamsi ultima expectetur hora, non certo promisit, sine qua nullus converti, & poenitentiam agere potest: imo eam sese ab immerentibus, & conculcantibus ablatum, & etiam non auditurum ad se clamantes comminatus est, qui vocantem illum non audierint. *Iustissima enim poena est, fatis nota, & horribilis est S. AUGUSTINI vox, ut, qui noluit, cum potuit; non possit, cum voluerit.* Ut autem concedatur, DEUM nunquam sua deesse gratia, semperque praesto esse peccatori, quidquid ad iustificationis gratiam consequendam ordinario rerum cursu necessarium fuerit; at desperatorum eiusmodi morborum symptomata extraordinaria requirunt remedia, & miracula, ut obstinata, & impenitens mens commutetur subito, cum forte mors iam propinqua est, atque doloribus, curisque animus occupatus

patus detinetur aut perplexus, & desperabundus, aut forte periculi imminentis adhuc, ut per reliquam vitam, incurius. Tempestive huius periculi commorandi sunt, non ut in desperationem ex præsumptione præcipitentur homines, sed ut, dum adhuc integrum est, curam salutis seriam suscipiant, caveantque, ne in miserum eiusmodi incurrant statum. Quod facere cum detentis morbo corporis solemus, ut eos ad remedium opportuno tempore fumen- dum hortemur, non cum iam desperata est salus, & non amplius profutura medicina, hic multo gravius est agendum, inculcandumque. Nec tamen edicere possumus, aut debemus quemquam in hac terrere vita, quasi huc iam infelicitatis pervenerit quis, miseriæque, ut emergere non valeat, etiam in extremo constitutus momento vitæ: hoc ipsum enim esset in peccatum in Spiritum S. demergere, ex alia forte in aliam illius speciem. Interim tamen denunciandum est periculum ex una, sicut ex altera parte, tam contra præsumptionem, quam desperationem; & sicut desperabundis miser-

ricor-

ricordiam DEI inimensam, ita præsummentibus poenitentiam de die in diem differentibus, peccata coacervantibus, gratiam conculcantibus, intimandum est divinum iudicium, ac iustitiæ severitas, ut præsentī utantur gratia, atque adeptam conservent ut pretiosissimum thesaurum. *Tu vero si sapiis*, est monitum

- a) BELLARMINI a), *adeptam semel gratiam noli deferere, noli abire, noli recedere, nihil enim melius ullo in loco reperiēs: neque scis, an alias reverti dabitur, si sponte recesseris; qui enim promisit veniam poenitentibus, nec vitam longiorem, nec donum poenitentia tibi promisit. Quo maior vero est gratia, eo gravior culpa, & damnatio. Certissima ergo est ratio*, ait SALVIANUS b), *qua & nos, qui in plurimis Evangelia negligimus, peius timere aliquid debeamus: præsertim cum usitatis iam, & familiaribus malis contenti esse nolimus. Quod ad hæc tempora multo magis quadrat. Ex facilitate poenitentia, & frequentia reconciliationis pronum est præsumptionis habitum contrahere, & poenitentiam fictam*
tan-

a) Ascens. ment. in DEUM gr. 7.

b) De Gubern. DEI. L. IV. n. 9.

tantum afferre, etiam dum conceditur Sacramentorum fieri participem: quod iam Christianis plerumque exceptis paucis contingit subito casu, aut violenta obeuntibus morte. Utrumque autem incertum est, & æque formidandum, præcavendumque, ne consuetudine confitendi sine emendatione cum fucata pœnitentia obeundi, aut subitanea morte abrepti sine pœnitentia ex hac vita exeundi periculo nostram æternam committamus salutem iusto iudicio, non sine misericordia DEO tandem finem fallendi pœnitentiam, & accumulandi peccata faciente. Ne quis in huiusmodi etiam iustis, & severis iudiciis misericordiam abesse putet, quasi differendo, & prolongando vitam ageretur melius. *Fortasse, inquis, ait S. CHRYSOSTOMUS a), vitam vivus mutasset suam. At non illum rapuisset DEUS, si vitam esset mutaturus.* Certe diuturnior vita peccatorum aggravasset pondus, & indultum resipiscentiæ spatium graviori fucatæ pœnitentiæ obstrinxisset sacrilegio, aut peccatum

a) In Epist. ad Philipp.

tum etiam in Spiritum S. in abyssum miseriarum detrusisset.

C A P U T VI.

*Convenientia doctrinæ nostræ
cum disciplina omnis ævi usu.*

I.

Pecatum
in DEUM,
aut pecca-
torum cu-
mulus
cum blas-
phemia in
DEUM.

Sunt hic aliqua enucleatius ponenda, & explicanda ex veteri Theologia, & disciplina leviter a nobis in superioribus tacta. Curiosius etiam elaborandum, ut aliqua in veteri Theologia vestigia eius de peccato in Spiritum S. opinionis, quam hic stabilimus, indagemus. Ad hunc censum refero, quod sæpe tantam in Christi verbis de non remittenda blasphemia in Spiritum S. perspicuitatem agnoverint SS. Patres, ut si non aliquod tale nominatim determinarint (quod tamen fuerunt, qui facerent) generali tamen expressione exhibuerint. Sic S. CYPRIANUS a): *non posse in Ecclesia ei, qui in DEUM deliquerit,*

a) L. III. testim. c. 18. p. 580.

liquerit, remitti, apertis verbis edixit: affertque in confirmationem suorum verborum locos MATTHÆI, & MARCI, quorum modo disquirimus sententiam: itemque decantatum 1. Reg 2. HELI dictum. PASTOR, cuius etiam testimonio superius iam sumus usi, nonnihil distinctius loqui videtur, peccatorumque numerum illud singulare in ipsum DEUM, Spiritum scilicet Sanctum, peccatum enunciare, cui nulla sit danda venia a). Quæcumque pecora vidisti valde læta, & exultantia, ii sunt, qui in perpetuum a DEO discesserunt, & tradiderunt se desiderii huius seculi: iis ergo non est per pœnitentiam regressus ad vitam, quoniam quidem adiecerunt ad reliqua delicta sua, & nomen Domini nefandis insectati sunt verbis. Huiusmodi homines morti sunt destinati. Ne vero aliquis existimet mortem alterius tantum seculi intelligi, addit aliud genus hominum, qui deliciis quidem, & voluptatibus sese dederunt, nihil tamen nefandum in Dominum locuti sunt, nec a veritate defecerunt: hos, ait, repositam adhuc habere spem vitæ

a) Past. L. III. sim. 6.

vitæ in pœnitentia. Ergo opinione HER-
 MÆ priores illi spem veniæ in pœnitentia
 non habent. Antea iam dixerat, aliud ge-
 nus peccati esse ad defectionē, & aliud ad
 mortem, ad amborum autem explicatio-
 nem ea, quæ modo retulimus, edisseruit.
 S. CYRRIANUS generatim peccatum con-
 tra DEUM ab Ecclesia remitti non posse
 statuit, qui tamen ad finem libri de lapsis
 differte ait, pœnitenti, operanti, rogan-
 ti DEUM clementer ignoscere, & in
 acceptum referre, quidquid pro talibus
 & petierint Martyres, & fecerint Sa-
 cerdotes. Ergo pœnitentiæ conditionem
 subintellexit CYPRIANUS, quam deesse
 tunc sentit HERMAS, si cumulo pecca-
 torum blasphemiam in DEUM addantur.
 Dum verò generalius loquuntur, innuunt
 peccatum istud in hominum notitia non
 versari, sed a solo DEO diiudicari: ne-
 que omnem blasphemiam talem esse, quæ
 non remittatur, sed certum genus, &
 modum, ut *ille intelligatur*, verbis utor
 S. AUGUSTINI, *qui non omni modo, sed eo*
modo blasphemaverit, ut ei nunquam possit
ignosci. Id quod ipsum nostrum asser-
 tum est, quod cum primis HERMAS
 clarissime

clarissime adstruit cumulo peccatorum in DEUM blasphemiam addens, eam utique, qua in peccatis obdurnando, obstinendoque animum in DEUM ipsum asurgitur præsumptione, desperatione, invidia, verbo, eo omni modo, quo cominus divina misericordia, & iustitia impetitur, contemnitur, ac blasphematur.

II. Quod HERMÆ Pastor non de singulari aliquo peccato, sed de perseveranti in peccando voluntate dicit, ut sit peccatum illud venia indignum, congruitque cum nostra de mensura peccatorum doctrina, cui venia nunquam obtingat, idem ab aliis distinctius est positum. S. PACIANUS, *Sicubi*, inquit a), *constitutam peccantibus pœnam probaveris, hoc tenebis, aut in peccatis perseverantibus constitutam, aut libertatem DEO relictam mutandæ, si pœniteas, sententiæ.* Eandem sententiam non semel repetit. Editoribus Bibliothecæ Maximæ Patrum Lugdunensis notam addere visum est, qua mentem huius Sancti Patris in sensum catholicum explicarent. Putant autem S. PACIANUM velle reliqua

I pecca-

a) Ep. III. cont. Tract. Nov. Bibl. P. P.

peccata dimitti bonis poenitentibus, non autem blasphemiam in Spiritum S., quia ordinarie, & ut plurimum peccatum eiusmodi non curatur per veram poenitentiam iusto iudicio deferente DEO, ac in sensum reprobum trahente eos, qui ita peccant. Qui explicandi modus durior certe nostro est, quamvis in eo conspiceret, DEUM iusto iudicio non semper poenitentiae donum tribuere, quando ad illam homines mentes suas obstruunt, nec peccandi modum faciunt, quod aut nimiam de DEI clementia fiduciam habeant, aut eandem penitus deponant. Atqui hæc est ea peccandi perseverantia, hæc illa *peccata manentia*, ut ea vocat S. PACIANUS, quæ si mensuram divinæ patientiæ excedant, in hoc, & altero seculo plectantur. Perseverantia etiam peccati in Spiritum S. ATHANASIUS a) non uno in loco agnovit, ut tale evadat peccatum, cui neque in hoc, nec altero seculo venia tribuatur. Unum locum hic describemus. *Notandum est*, inquit, *Christum non dixisse ei, qui blasphemaverit, & resipuerit, non remittitur, sed blasphe-*

a) De Comm. Essent. trium Personarum.

blasphemanti, id est in blasphemia perseveranti : quandoquidem nullum peccatum apud DEUM, peccatum irremissibile est, si quis sincere, & ut oportet, resipiscat. Peccatum itaque aliquod, seu potius peccandi modus, ut vocat S. AUGUSTINUS, esse debet, qui poenitentiae fontem obstruat, ut sit eiusmodi, quod non remittatur, poenitenti enim nunquam deest venia. Hæc universim testimonia, quamvis aperte nostram sententiam non præferant, illud tamen in ea confirmant, peccati huius aliquem habitum, & diuturnum usum statuendum, si doctrinam de eius venia non concedenda conciliare placeat cum potestate ecclesiastica remittendi peccata, cumque iusta divinæ misericordiæ lege. Unde S. AUGUSTINUS inductus fuit, ut impoenitentiam finalem pro tali peccato constitueret, quod maxime perseverans, est peccatum. Talem vero etiam reliquos, quos modo allegavimus, intellexisse perseverantiam peccandi, nec ex eorum scriptis facile quis probaverit, nec fert eorum de hac re doctrina, si per

omnes suas partes spectetur , quòd ut perspiciatur, ipsi Auctores adeundi sunt.

Ecclesiæ
disciplina
eis, qui in
peccatis
callum ob-
duxe at,
veniam
aut nega-
vit, aut
timide in-
dultit.

a

b

III. Hanc peccandi perseverantiam Ecclesia primis seculis non solum periculi plenam agnovit, sed etiam venia Ecclesiæ indignam iudicavit, idcirco iis, qui pœnitentiam fani contemserant, cum in extremo periculo peterent, communicationis & pacis spes est negata, quod ex S. CYPRIANO a) constat: *Pœnitentiam, inquit, non agentes, nec dolorem delictorum suorum toto corde, & manifesta lamentationis suæ professione testantes prohibendos omnino censuimus a spe communicationis, & pacis, si in infirmitate, atque in periculo cœperint deprecari.* S. AMBROSIIUS b), quid de dilatione pœnitentiæ senserit, perspicue edisserit: *Sicut, inquit, semel assuta redintegrantur, ita frequenter suta solvuntur. Eos autem, qui pœnitentiam differunt, satis ipse Dominus admonuit dicens: Pœnitentiam agite, appropinquavit enim regnum cœlorum. Nescimus qua hora*
fur

a) Ep. LII. p. 156.

b) L. II. de Pœnit. c. XI. p. 382.

fur veniat, nescimus an proxima nocte a nobis reposcatur anima. Adam post culpam statim de paradyso DEUS eiecit, non distulit, sed statim separavit a deliciis, ut ageret pœnitentiam, statim tunicam vestivit pelliceam, non sericam &c. Tempore INNOCENTII I. severa illa disciplina passim obsoleverat, qua iis pœnitentiæ reconciliatio est negata, qui in peccatis per vitam impliciti in mortis periculo eandem flagitabant. Quamvis INNOCENTIUS dicere videatur solum communionis gratiam non concessam, pœnitentiam vero datam, disceptant tamen inter se eruditi, an communionis nomine ecclesiastica per reconciliationem, an vero Eucharistica per Corpus Domini sit intelligenda. Non est fori nostri hanc componere litem, ego verba INNOCENTII a) hic recitabo, lectori libertate iudicandi relicta. Quæsitum est, quid de his observari oporteat, qui post baptismum omni tempore incontinentiæ, & voluptatibus dediti, in extremo fine vitæ suæ pœnitentiam simul, & reconciliationem communionis exposcunt:

a

a) INNOC. I. Ep. III. c. 2. ad EXUPERIUM.

scunt: de his observatio prior durior: posterior interveniente misericordia inclinatio est: nam consuetudo prior tenuit, ut concederetur eis pœnitentia, sed communio negaretur: nam cum illis temporibus crebræ persecutiones essent, ne communionis concessa facilitas homines de reconciliatione securos non revocaret a lapsu, negata merito communio est, concessa pœnitentia, ne totum penitus negaretur, & durio remissionem fecit temporis ratio: sed postquam Dominus nosster pacem Ecclesiis suis reddidit, iam depulso terrore communionem dare abeuntibus placuit. Ex hac antiqua praxi coniici potest, antiquos peccatorum nimiam accumulationem venia indignam aliquando existimasse, aut dubitasse saltem iis pœnitentiæ afferre donum, qui tamdiu illud contemserant: Quia, ut inquit S. CYPRIANUS a), rogare illos non delicti pœnitentia, sed mortis urgentis admonitio compellit; nec dignus est in morte capere solatium, qui se non cogitavit esse moriturum. Huc facit, quod superius ex constitutionibus apostolicis de

a) Ep. LII. p. 156.

de AMON, filio MANASSIS retulimus, qui exemplo patris sui, cui diutius in peccatis perseveranti, fero etiam poenitentiae munus adfuit, ætatem in vitiis transigere statuit, dilata ad mortem poenitentia.

IV. Hoc etiam illa confirmat omnium temporum persuasio, & summa consensio, peccata post baptismum commissa difficillime remitti: in quam rem testimonia afferre operæ, & temporis jactura esset, sic passim sunt obvia, & trita. Quænam vero huius rei alia causa est, nisi difficultas eos, qui semel sunt illuminati, iterum renovari ad poenitentiam cum impossibile esse dicat S. PAULUS, qui illuminati gustaverunt etiam donum cœleste &c. hoc est, resistendi DEI donis finem non faciunt, & mensuram suam complent, renovari ad poenitentiam. Tale aliquid mihi præferre coacervata a PAULO orationis membra videntur concessorum Spiritus S. donorum, quibus omnibus neglectis, tamen adhuc lapsus contigerit.

Et post baptismum non nisi difficulter indulsit.

V. Quin ipse repetitus in idem crimen lapsus tantopere suspectus antiquis

Repetito lapsui in disciplina ecclesiasti-

ca olim
pœnitentia
actio
negata.

a

visus, ut publicæ pœnitentiæ iuxta disciplinam illorum temporum secundo locus non amplius fuerit. *Merito*, inquit S. AMBROSIIUS a), *reprehenduntur, qui sæpius agendam pœnitentiam putant, quia luxuriantur in Christo; nam si vere agerent pœnitentiam, iterandam postea non putarent: quia sicut unum baptisma, ita una pœnitentia, quæ tamen publice agitur.* Hac observantia declarare voluit Ecclesia, difficilius eos veram agere pœnitentiam, qui, ut verbis utar concilii Eliberitani, delictum geminarunt: *quia facilius, ut eodem loco ait S. AMBROSIIUS, inveni, qui innocentiam servaverint, quam qui congrue egerint pœnitentiam.* Quid iam de illis cogitandum, qui abusi divina misericordia, aut eiusdem desperatione deiecti, propria obstinatione excæcati, peccandi habenas remittunt, salutis remedia spernunt, æternæ vitæ spem abiiciunt? An invitis ipsis adesse sibi semper Spiritus S. munera, quæ contemnunt, rentur? Ecclesia Romana, quæ tamen benignam, ac indulgentissimam matrem sese præbuit erga pœnitentes, & nimium multa-

a) Lib. II. de Pœnit. C. 10.

multarum Ecclesiarum rigorem variis in occasionibus, antiquis temporibus, cor-
rexit, hic tamen eandem adhibuit se-
veritatem. *Qui acta pœnitentia, statuit*
SIRICIUS epist. I. *tanquam canes, & sues*
ad vomitus pristinos, & volutabra re-
deunt, suffragium non habent pœnitendi.
Cum in reliquis capitibus non solum
variorum temporum, verum etiam lo-
corum, & Ecclesiarum varia fuerit di-
sciplina, hic tamen in unum consensisse
omnes reperiuntur, ut relapsis in Ec-
clesia locus pœnitentiæ, prout antiqui-
tus agebatur, non fuerit concessus. *Post*
actam pœnitentiam non conceditur in Ec-
clesia locus humillimæ pœnitentiæ, scribit,
& testatur S. AUGUSTINUS in celebri illa
epistola ad MACEDONIUM. Cui quæren-
ti, cur Ecclesiæ Præsules pro reis soleant
apud iudices seculares intercedere, ac
supplices fieri, qui tamen non nisi semel
soleant indulgentiam, & actionem pœni-
tentiae concedere, sic respondet, ut hanc
Ecclesiæ consuetudinem non solum non
inficietur, sed & confirmet, quin tamen
de venia, & salute eiusmodi hominum
a DEO impetranda desperet. Ex quo

colligere licet auctorem de vera, & falsa poenitentia alium esse, aliusque mentis atque de posteriore S. AUGUSTINUM Ecclesiae disciplina scribere, testarique frequentibus verbis: *Videmus adhuc quotidie in Ecclesia saepe febricitantes, saepe languidos, saepe passionibus captos saepe liberari, ut appareat toties opus miserantis, quoties confessio fit poenitentis. Medicum se vocat & non sanis, & male habentibus opportunum. Sed qualis hic medicus, qui malum iteratum nesciret curare?*

Præsertim
si dilata
usque ad
mortem
poeniten-
tia.

VI. At hic non agitur de eo, quod sperare licet peccatori a DEI misericordia & meritis Christi, sed quid facit a rit Ecclesia antiqua secundum veterem poenitentiae disciplinam. Quæ duo qui secundum praxin poenitentiae hodiernam & opiniones etiam antiquorum confundunt, inextricabilibus sese innodant difficultatibus. Tunc non solum, ut modo vidimus, poenitentiae actio secunda non fuit concessa, verum etiam non uno canone, & statuto ecclesiastico, observantiaque haud ignobilium Ecclesiarum, fuit retenta, negataque commu-
nio

nio iis, qui extremo morbo conflictabantur, & tunc primum petebant, aut ad Ecclesiam recurrebant. Ne quid dicam de tot canonibus Eliberitanis præcipue variis criminibus etiam in fine vitæ negandam communionem statuentibus, usuque Ecclesiarum variarum unicuique scelerum generi, aut modo sceleris immajori fores Ecclesiæ, & claves negando. Nemo Novatianismum sibi in animum inducat, quasi aliquod esset crimen, quod Ecclesia remittere nequeat. Atque hic in errorem lapsus est *Bonus MERBESIUS* a), qui abusus, ac in sinistram partem interpretatus sententiam Christi peccatum in Spiritum S. non remitti in hoc seculo, nec futuro, Novatianismo patrocinator sequentibus verbis b): *Nulum est flagitium tam atrox, tam immane, quod Ecclesia clavium ministerio sibi a Christo Domino adhuc in terris agente concesso vero pœnitenti remittere nequeat, si unum duntaxat delictum, qualecunque sit, quod Christus in Evangelio æternum vocat, exceperis. Quod si illud vero pœnitenti*

a

b

a) Tr. IV. de pœnitentia q. 79.

b) Loc. cit.

nitenti ad posterius propositionis membrum de peccato irremissibili per claves Ecclesiæ refert, inexcusabilis est error, atque crassa peccati in Spiritum S. ignorantia, cuius natura est fontem poenitentiae claudere; nec ullus verus poenitens peccato in Spiritum S. detentus esse potest, & obstrictus: ut adeo peccatum illud irremissibile sit in hoc seculo, non defectu potestatis clavium, sed veræ poenitentiae, sine qua nihil valet Ecclesiæ absolutio, ut tamen sine absolutione, ubi ea haberi nequit, aut habendam non præscribit Ecclesia, possit esse cum vera poenitentia peccatorum remissio. Qua ratione vindicatur, & explicatur veteris disciplinæ rigor in neganda poenitentiae actione, siue cuiquam lapsui, siue relapsui, siue universalis Ecclesiæ consuetudine, siue particularium quarundam, qua constat, non semper omnibus indiscriminatum peccatoribus, & peccatis omni tempore ac loco esse concessam poenitentiam, & absolutionem Ecclesiæ primis etiam seculis, non obstante Christi, & Apostolorum exemplo, & doctrina, ipsaque Evangelii natura, & essentia de remissio-

missione peccatorum consequenda ad vitam æternam necessaria. Et tamen iam S. CYPRIANUS a) de suis antecessoribus, utique secundi seculi, testatur: *Apud antecessores nostros quidam de Episcopis istic in provincia nostra dandam pacem mœchis non putaverunt, & in totum pœnitentiæ locum contra adulteria clausurunt.* S. ZEPHERINUM ipsum Papam redarguit TERTULLIANUS b), quod cum homicidas nunquam absolverit, mœchos tamen reconciliaret. Nisi fallat, aut falsus sit TERTULLIANUS, hic status quæstionis præcisus est, nec valet, quod quidam circa alia exempla negatæ communionis præsertim in fine vitæ dicunt, Eucharisticam non reconciliatoriam intelligi. Concilium Nicænum can. XII. observari mandat regulam antiquæ legis, ut videlicet, si forte quis recedat a corpore, necessario vitæ suæ viatico non defraudetur. Fuit singulare summorum Pontificum studium circa id ipsum. Apud GRATIANUM IULIUS I. 12. cap. 26. q. 6. statuiffe dicitur: *Si presbyter morientibus*

a) Epist. LII. ad ANTONIANUM.

b) De pudicitia. c. 5.

a *bus pœnitentiam abnegarit, reus erit animarum.* Et COELESTINUS I. a) in fecus agentes vehementer invehitur: *Agnovimus pœnitentiam morientibus denegari. Horremus tantæ impietatis hominem reperiri. Quid hoc rogo aliud est, quam morienti mortem addere, eiusque animam sua crudelitate, ne absolvi possit, occidere?* Hoc si spectetur, rigor iste certe ab impietate excusari nequit, quæ tamen non debet imputari omnibus illis statutis, & observationi Ecclesiæ antiquæ, quam duriores fuisse INNOCENTIUS agnoscit.

Nec ex desperatione veniæ, sed cautione.

VII. At vel hinc patet talem aliquando observationem obtinuisse, quam ut abolerent, nihil non egerunt Pontifices, maxime autem quoad extremum exitus ex hac vita articulum, etiam quoad illos, qui post baptismum omni tempore incontinentiæ, & voluptatibus dediti in extremo fine vitæ suæ pœnitentiam simul, & reconciliationem communionis exposcunt: quæ sunt INNOCENTII verba a me iam laudata: fuitque antiqua Africanarum Ecclesiarum, ut ex S. CYPRIANO

NO

a) Ep. II. c. 2.

no retulimus, praxis negandi non solum Eucharistiam, quam suo adhuc tempore recte eis negari dicit INNOCENTIUS, sed reconciliationem communionis. Quam disciplinam vehementer improbat S. LEO a) si ei error coniungatur, ac si aliqua divinae misericordiae mensura, & modus statueretur. *His autem qui in tempore necessitatis, & in periculi urgentis instantia praesidium poenitentiae, & mox reconciliationis implorant, nec satisfactio interdicenda est, nec reconciliatio deneganda, quia misericordiae DEI nec mensuras possumus ponere, nec tempora definire, apud quem nullas patitur veniae moras conversio, dicente Spiritu DEI per Prophetam: cum conversus ingemueris, tunc salvus eris. Nemo aliter sine piaculo existimare potest, & qui hic rigorem statuebant, non desperationem misericordiae, sed pericula fictae poenitentiae obtendebant. Idcirco frater charissime, sunt verba S. CYPRIANI iam saepius laudata ad ANTONIANUM epistola, poenitentiam non agentes, nec dolorem delictorum suorum toto corde, & manifesta lamentationis professione testantes,*

a) Epist. LXXXIX.

tes, prohibendos omnino censuimus. Et can. ultimus Conc. Arel. I. eodem Spiritu ducebatur circa communionem apostatis negandam omnino: De his, qui apostatant, & nunquam se ad Ecclesiam repræsentant, nec quidem pœnitentiam agere petunt, & postea infirmitate correpti petunt communionem, placuit eis non dandam communionem, nisi revaluerint, & egerint fructus dignos pœnitentiae. De hodierna disciplina verbum non addam, constat illa eorum Sacerdotum usu, qui religiose tribunal pœnitentiæ obeunt, quando cum peccatoribus res est, qui inveterata peccandi consuetudine laborant, qui segniores sese in excitando de peccatis confessis dolore præbent, nec emendationis indicia, & argumenta dant. Dispiciendum est curate, an non tales peccatores nimia aliqua fiducia agantur de divina misericordia? an non desperent se consuetudinem deposituros? an non mentem obdurent ad suscipiendum pœnitentiæ donum? an non impœnitentes fictam tantum pœnitentiam præferant?

VIII. Quamvis autem accidere possit, ut unico aliquo actu peccator talem se in statum proiciat, ut gratia DEI indignum, aut ineptum se redhibeat, potissimum tamen cumulus, & mensura, numerusque peccatorum, nemini nisi DEO notus existit, de quo Theologi in pulpitis, verbi divini ministri in ambonibus, confessarii in conscientiae tribunali frequenter pronunciant, monentque, atque impense hortantur peccatores, qui a peccandi consuetudine desistere detrectant, ne divitias bonitatis DEI, & patientiae, & longanimitatis contemnant, ne mensuram impleant peccatorum suorum, ne prætereant tempus visitationis, ne secundum duritiam suam, & impenitens cor thesaurizent sibi iram, ne oculos divino lumini, aures Spiritus S. inspirationibus, monitionibusque, cor motrici gratiae claudant, ne tempus poenitentiae differant, ne spem veniae abiicendo vitiis se dedant, ne loquenti in se Numini repugnent, ne, quando vocem Domini audierint, obdurent corda, ne perspectae, manifestaeque contrarientur

Dum præfenti gratia utendum, & cito peccandi modus ponendus, ne mensuram excedamus.

K

veri-

veritati, ne, dum invidiæ stimulis erga proximi dona, & gratiam agitantur, se eiufdem indignos reddant, neve in se-
 ipsis Spiritum S. extinguant, ne tardent
 converti ad Dominum, & ne differant
 de die in diem: subito enim veniet ira
 DEI, & in tempore vindictæ disperdet
 peccatores. *Ne sit in aliquo vestrum,*
o peccatores! cor malum incredulitatis
discedendi a DEO vivo, sed adhortamini
vosmetipsos per singulos dies, donec HODIE
cognominatur, ut non obduretur quis ex
 a *vobis fallacia peccati.* a) Hæc sunt PAU-
 LI ad Hebr. verba, qui in eo tum erant,
 ut mensura patrum fuorum, ipforumet-
 que impleretur, quæ sunt omnibus illis
 accommodata, qui ad similem miseriam
 properant. Quare ad eundem Iudæorum,
 ac similium reproborum hominum sta-
 tum pertinent, quæ Apostolus eadem
 ad Hebræos epistola dicit: *Impossibile est*
eos, qui semel sunt illuminati, gustave-
runt etiam donum cæleste, & partici-
pes facti sunt Spiritus Sancti, gustave-
runt nihilominus bonum DEI verbum,
vir-

a) Ad Hebr. III. v. 12:

virtutesque seculi venturi, & prolapsi sunt, rursus renovari ad pœnitentiam.

Multa hic consequenter ponit PAULUS, quo tandem impossibile apud homines evadat renovari ad pœnitentiam. An non mensura reiectorum donorum cœlestium est, unde tandem proiici meruerunt Iudæi, iique omnes merentur, qui mentem suam Spiritui S. occludunt? Qui eiusmodi sunt, filii diffidentiae sunt. *De nemine, inquit S. THOMAS a), desperandum est in hac vita, considerata omnipotentia, & misericordia DEI: sed considerata conditione peccati dicuntur aliqui filii diffidentiae, ut habetur ad Eph.*

2. Atqui hæc mea de peccato in Spiritum S. doctrina est, quod modo aliquo commissum, neque in hoc, nec altero seculo sit remittendum, cum in hac vita poenæ loco sit aut mors accelerata, aut mentis obstinatio, uberiorisque gratiæ detractio, sine qua nunquam ad frugem est rediturus peccator, nec remittetur peccatum. Namque, ut laudatus inquit THOMAS b), *liberum arbitrium rema-*

K 2 *net*

a) 2, 2. q. 14. a. 3. ad 1.

b) lb. ad 3. tium.

*net quidem semper in hac vita vertibile :
tamen quandoque abiicit a se id, per quod
verti potest ad bonum, quantum in ipso
est. Unde ex parte sua peccatum est ir-
remissibile, licet DEUS remittere possit.*

CAPUT VII.

*Communi sensu , rationeque,
& humanis exemplis ostenditur, hominem
non impune peccatorum numerum
accumulare, gratiaque abuti.*

I.

Offensio-
nes sæpius
repetitæ,
gratiæque
reiectæ di-
vinum
Numen
aversum
reddunt.

Cui non persuasum sit, facilius se unius
alicuius delicti veniam consecutu-
rum, quam si nullum delinquendi finem
faciat: nihil magis ἐυεργέτων ac gratiofo-
rum hominum animum offendit, quam
si in ingratos beneficia profundant, si
despicatui habeantur; qui cuipiam bene
consultit, & consilium abiicitur, facile
deinceps consultor a consilio dando ab-
sterretur, præsertim si non semel ac
iterum, sed centies id fiat, nec locum
inveniat. Qui, dum beneficium offer-
tur,

tur, illud detrectat, eique manus claudit, indignum se reddit, cui iterato offeratur; quid si sæpius oblatum sit, nec acceptetur? Quo maiora, & ampliora sunt beneficia, eo graviore offensione vilipenduntur, negligunturque. Quo magis dispar est dantis a recusante conditio, eo deterius est crimen contemtus. Quo pluribus nominibus, ac titulis obstrictus est hic illi, quo arctius mancipatus, eo inexcusabilior culpa. Quo minus beneficium est debitum, tanto eius repulsa est indignior. Quis enim vero minus obligatus, cuius magis gratuita est gratia, quam creatoris in creaturam? Quis ab homine promptius obsequium requirit, quam DEUS, cui quidquid est, homo in acceptis refert? Quid si in bonum hominis cedat obsequium? si eius causa requiratur, & non præstetur? Quid perversius, hominem DEO supremo Domino obfistere, ac refragari in proprio salutis suæ negotio, quorsum ipse homo suis viribus pertinere nequit; eaque aspernari auxilia, quibus eniti possit, idque sæpius non per

annos, & dies, sed horas, ac momenta? Ipsius beneficii, gratiæque summa necessitas exposceret, ut ardentissimis precibus flagitarem, maximo studio, desiderioque præstolarem: & nos, dum offertur, in eo acceptando segnes sumus, manus, ac finem occludimus, terga obvertimus. Nec subit cogitatio aliquando irritandum fore divinum Numen, atque eius voluntatem revocandam a studio collocandi in ingratos beneficia, dum sua non interest ea concedere, hominis vero maximopere. Profecto modum aliquando ponet divinæ munificentiae aspernatio, ac despicientia divinorum munerum. Est quidem summus DEI erga nos amor, cura maxima felicitatis nostræ: sed nostram etiam requirit operam, & ut S. AUGUSTINUS ait, *qui fecit te sine te, non salvabit te sine te*. Præit nostram voluntatem, incendit studium, iuvat conatum, robur dat operi, nec tamen sine nobis; iunctis nobiscum agit viribus, ac vires etiam largitur, succollatque, trahit, sed spontaneos, ducit, non invitos impellit, ac cogit. *Voluntarie enim,*

enim genuit nos verbo veritatis, ut finis initium aliquod creaturæ eius a). Idcirco velle dat DEUS, ut voluntate nostra, suaque gratia operemur. Neque suasionibus tantum, monitis, ac consiliis, ut homines solent, adest, sed intus emolliens cordis duritiem, voluntatis pervicaciam. Ain vero, si toties divinum abiciatur consilium, adversus illud obstinetur animus, statim ad maligna redeatur studia, atque etiam contra eum delicta, & peccata accumuluntur, neque ullus delinquendi fiat modus, ac mensura; quidni DEUS gratiarum modum ponet, ac mensuram, dum harum nullus speratur fructus, contingetque istiusmodi, quod ficui aridæ evangelicæ, aut servo talentum, seu minam suam neglegenti, accedente præsertim criminum cumulo, numeroque, quibus se magis, magisque ineptum homo reddit aspirantis Numinis gratiæ aura, quæ mentem excæcant, voluntatem obdurant in malo, in desperationem hominem agunt, aut e contra proiectum in omnem licentiam faciunt, DEO in iustam criminum permittente vindictam?

K 4

II.

a) Iac. I. 18.

Voluntatis
humanæ
perverſi-
tas, mala-
rumque
conſuetu-
dinum cal-
lum ob-
ductum
difficilli-
me ſana-
tur.

II. Quid ſi deinde corruptæ naturæ noſtræ, atque in malum pronæ conditio attendatur, cui niſi identidem divinæ gratiæ, auxiliique præſto ſint ſuppetiæ, ſemper in peius fertur, & quo profundius ruit, eo difficilius reſurgit. Vires ſurgendi debiliores evadunt, dum contra mali cupiditas creſcit, natura ad malum ſuapte proclivis vitiis aſſueſcit. Quantæ vero molis ſit inveteratam conſuetudinem exuere quis ignorat? Neceſſum foret, D E U M multo efficaciſſimis ſubſidiis aſſeſſe, quam ante ſclerum cumulum, ante contractam malam conſuetudinem: quorum tamen iam indignior, immerentiorque longe eſt homo, poſtquam quis vitiis freno laxavit, atque in omnem licentiam præceps proruit: poſtquam malum invaleſcere, corroborari, altasque radices capere non tantum ſegnitiæ, incuriaque ſivit, permiſitque, verum etiam ſtudioſe, malitioſeque præbuit cauſam. Quam difficulter voluntas ita affecta inclinanda ſit, ut ſerio eæ res diſpliceant, quæ iam tantopere placent, quibusque
intime

intime delectatur, facile coniicitur: quod tamen summe necessarium ad dignos poenitentiae fructus edendos. Quanta futurum sit operae, nemo non videt, vitiis assuetam naturam corrigere, in ordinem redigere, a mala consuetudine deflectere. Cito ita rebus se habentibus callum obducit perversus animus, ut vel animum despondeat, desperetque, vel salutis curam omnem deponat, aut praesumptione nunquam defuturae divinae misericordiae de die in diem differat: quid aliud tali homini exspectandum sit, quam evangelico illi servo a), qui moram faciente Domino coepit percutere conservos suos, manducare, & bibere cum ebriosis: *Veniet*, aeternae veritatis recito verba b), *Dominus servi illius in die, qua non sperat*, & hora, qua ignorat, & dividet eum, partemque eius ponet cum hypocritis: illic erit fletus, & stridor dentium. Essent vires divinae gratiae, quibus ad officium revocaretur, qui eiusmodi est,

K 5

VO-

a) Matth. XXIV. 44.

b) Ib. v. 50.

voluntas a mala consuetudine ad frugem reduceretur, sed homo se immerentem reddidit: cum aspiraret, neglexit tempus acceptabile, dies salutis. Non est tartandum converti ad Dominum, nec differendum de die in diem, ne subito veniat ira. Discamus cum timore, & tremore salutem nostram operari, ignotus est numerus, & mensura, ignotum divini Iudicis peremptorium decretum, ignotum DEI vindicis consilium. *Quam secretus es*, olim inquebat S. AUGUSTINUS a) in simili causa, qua DEUS permittit errare in vindictam reiectæ, aut spretæ gratiæ, *habitans in excelsis in silentio, DEUS solus magnus spargens pœnales cæcitates super illicitas cupiditates*. Et alibi b): *Illa est enim peccati pœna iustissima, ut amittat quisque, quo bene uti noluit, cum sine ulla posset difficultate, si vellet: id est autem, ut qui sciens recte non facit, amittat scire quod rectum: & qui recte facere cum posset, noluit, amittat posse cum velit*.

III.

a) L. I. Conf. n. 29.

b) Id. L. III. de lib. arb. n. 22

III. Tali in malo inveteratæ voluntatis existente causa, haud absimilis illa etiam perversi intellectus existit, ad quem maxime spectat illa peccati in Spiritum S. species, qua agnitæ veritati resistitur: & res cum primis patet in hæreticis, in quibus frequentissimum est peccatum in Spiritum S. imo nisi hoc interveniat, ut agnitæ veritati resistent, quod in simplicioribus sive ætate, sive indole. Siquidem non contingit, de eorum salute ob hæresis solum crimen, nisi alia accedant peccata, desperandum adeo est. Enimvero integras nationes, imo orbis partes tanta cæcitate percelli, præiudiciis tantis involvi, quibus maior pars a teneris imbuuntur unguiculis, ac veluti materno combibunt cum lacte, quam res formidanda est? Nec aliud istic dicere licet, ac percipere valet humana intelligentia, *quam fidem donum DEI esse.* Cernere est iam eas gentes, atque regiones, in quibus olim florentissima fuerat religio, nunc tetrus errorum tenebris immergi, vixque unum, & alterum aliquando emergere. Quæ enim
 lu-

Agnitæ
 veritati
 resistere
 dum non
 desinunt
 hæretici,

Iudaicæ gentis obstinationis fuit causa, quod velamen ante oculos, & mentes, ut fidei lumen non perspicerent, & adhucdum in tenebris palpitent, nisi quam in eis Christus carpit blasphemiam Spiritus, & exprobravit in Actis STEPHANUS, ut qui semper Spiritui S. resisterent? Hoc idem ruinæ christianarum nationum est præcipitium: inde omnia enata pullularunt hæresum monstra, renitentia agnitæ veritati.

Et invidere non cessant bonis Ecclesiæ schismatici reiiciuntur.

IV. Haud aliter schismata funestum initium debent invidentiæ donorum Spiritus Sancti in Ecclesia. Percurre origines omnium schismatum inde ab apostolico ævo ad nostra usque tempora tetrum caput erigentium, cunctorum unum hunc fontem, ac scaturiginem deprehendes. Inter ipsos Apostolos orta contentio, quis eorum videretur esse maior? Apostolis prima fidei semina spargentibus, schisma exortum gentilibus salutem invidit. Novatianum schisma invidit Ecclesiæ potestatem remittendi pec-

peccata, CORNELIO Sedem Romanam, quæ ipsa causa innumerorum schismatum extitit, tum Romana, tum aliis in Ecclesiis : ex quibus pertinacissimum Meletianum ob Antiochenæ cathedræ ambitum. Donatistis initium dedit invidia cathedræ Carthagenensis, CÆCILIANO in eam collocato, progressum, & fomentum contulit Sacramentorum ministerium, quod Catholicis, hæreticis, malis omnibus invidebant. Luciferianum schisma principium fuit ob invidentiam restitutæ dignitatis, ac ordinis lapsis Arimini Episcopis. Deinde illud omnium deterrimum, maximum, hodieque etiamnum misere Ecclesiam discerpens orientale schisma matrem unicam livorem, & invidiam habet ; successorum PETRI prærogativas divinitus concessas, atque in Romana occidentis arce resplendentes sede lividis aspiciebat oculis nova Roma Constantinopolis cum reliquo oriente, nec ferre poterat. Iamque tantum effluxit tempus, quo nobilissimam huius orbis terrarum portionem orientem eadem percellit invidia,

ex-

excæcatque DEO permittente, ut donis Spiritus S. orbæ sint, atque destituantur, quæ aliis data invident. Quid enim iustius, quid æquius, quam eum eo fraudari bono, ob quod in alio præfens invidiæ stimulis agitur! Ita igitur dum sunt affecti tum hæretici agnitæ veritati resistendo, atque eam impugnando, tum schismatici Spiritus S. munera Ecclesiæ invidendo, nec ab hac pravitate desistunt, a DEO deferri merentur, ut deinceps lumen fidei amplius non affulgeat, quatenus eo illustrentur mentis oculi tenebris obfusis, nec donis Spiritus S. beentur, qui ea aliis invident, hancque mentis pravitatem deponere non allaborant. Quod primo eorum contigit, qui hoc peccato se contaminavit CAINO, cujus exemplo utinam absterreantur, qui fraternæ charitati invident.

Obsecrandum est
divinum
Numen,
ne quem-
quam ita
abiiciat.

V. Universim vero quivis sibi summo studio caveat, ne sua perversitate eum se in statum proiciat, ut dignum se redhibeat, cui DEUS gratiæ suæ fontes

tes occludat, atque misericordiæ auxiliis privet, si iis abuti non cesset, cumulum, & mensuram peccatorum, reiectarumque gratiarum compleat. Quod quando futurum sit, cum ignoret homo, divinam imploret clementiam, ne eoque aberrare sinat cum Psalmista suspirando: *Ne proiicias me a facie tua, & Spiritum S. tuum ne auferas a me.* Nisi enim, clementissime DEUS, misericorditer me respexeris, in omnium miseriarum foveam cadam necessum est: si me a facie tua proieceris, cum CAIN profugus, & abiectus abibo spe veniæ omnis expers: proiicis enim, cui portas misericordiæ sic claudis, ut nunquam ultra aperiendæ sint: obstinato autem, & in peccatis obdurato, ut emendari contemnat, de misericordia præsumenti, aut diffidenti, nec poenitenti merito claudis. Qui enim male actorum non poenitet, nec in melius vitam commutat, dignus, qui veniam consequatur, non est. *Usque ad inferos, ut Iob dixit a), peccatum illius: obliviscatur eius misericordia.* Non enim misericordiam mere-

a

tur,

a) Iob. 24.

tur, aut veniam, qui manet in peccato, & continuo nova veteribus addit. A facie autem tua proicis, a quo Spiritum S. tuum aufers, eiusque gratiæ subsidia, quæ sunt spiritualis vitæ anima.



MONI-

M O N I T U M

AD LECTOREM.

Quamvis in præfatione potissima momenta ex epistola ad Hebræos in medium produxerimus, quæ ad nostrum explicandi peccatum in Spiritum S. modum aliquid facerent : duximus tamen opportunum integram cum Paraphrasi, ac paucis notis epistolam hic apponere.

A R G U M E N T U M

ET SCOPUS

EPISTOLÆ AD HEBRÆOS.

Tametſi S. PAULUS ad prædicandum gentibus Evangelium præcipue destinatus eſſet, non poterat tamen, qui omnibus omnia factus erat, curam, & ſollicitudinem a Judæis gentilibus, ac contribulibus ſuis cohibere, pro quibus etiam

L

ana-

anathema fieri non abhorrebat. Ut illis pro officio charitatis christianæ in temporaneis etiam necessitatibus, & egestate succurreret, nec magna, & periculosa itinera defugiebat, nec alios labores detrectabat. Igitur, qui undique terrarum apostolicas suas epistolas disperferat, cur non ad Hebræos etiam aliquid litterarum daret? Suberat quidem causæ quidpiam, cur hoc in se muneris suscipere recusaret. Habebat infensos sibi non solum eorum Iudæorum animos, qui a christiana fide alieni erant; verum etiam eos non satis experiebatur æquos, qui Christi nomen quidem professi, nondum tamen penitus ritibus, & cæremoniis Iudaicis defuiscere poterant, seseque abdicare. Verisimile est, D. PAULUM huius rei gratia nomen suum epistolæ haud præposuisse, quod tamen fecerat in aliis: nec argui inde potest, eum auctorem huius epistolæ non esse. Data ea est ad fideles solum Iudæos, & Christi fidem amplexos, quorum tanta animi in eum exacerbatio esse haud poterat, ut hinc Apostolus, qui se omnibus debitorem esse agnoscebat, supersedendum duceret in re gravissima, & cum maximo, eoque præsentaneo periculo coniuncta, officio pii pastoris, & Apostoli, cuius nec ardori, nec ditioni Evangelii annunciandi ulli erant fines, ac meta. Iudæorum multi labascere
coepe-

coeperant in fide, ac ruinam minari, cum reliqua gente, quæ iam quotidie propius ad interitum, excidiumque vergebat. Hebræorum christianorum alios persecutionum gravitas, ac malorum formido, quibus ob christiani nominis professionem exponebantur, incessebanturque, concutiebatur, & constantiam, firmitatemque susceptæ fidei labefactabat: alios vitia, terrenæ cupiditates, ac naturæ pravitas in transversum agebant: alii evanidas iamiam veteris legis suæ, cui assueti, ac innutriti erant, umbras adhuc deperibant, & nihil non spei, ac fiduciæ in ritibus, ac cæremoniis collocabant legalibus, secum reputantes, dictitantesque, legem datam, pactum, ac foedus initum, testamentum confectum se inter, & ipsum summum IEROVAM per insigne Angelorum ministerium, internuncio, ac sequestre MOYSE famulo DEI fidissimo iuxta, ac DEO amicissimo, qui eius auctoritate, nomine, ac iussu sacra ordinavit, instituto amplissimo Pontificatu, ac numero sacerdotio in stirpe AARON, quod non interrupta serie decurrat, ut adsint semper, qui sacris operam darent, omnibus ad hoc a MOYSE ad ipsius DEI præscriptum fabrefactis, ipso nimirum tabernaculo cum omni supellectili sacra: præsertim autem rebus facerrimis, quæ potissimum interiore tabernaculi parte continebantur,

L 2

sancta

sancta sanctorum hinc dicebatur ea sacratior pars; quo nulli aditus præ reverentia, & religione patebat, præterquam Pontifici quotannis in die expiationis: dum interim aliæ oblationes, & sacrificia quotidie peragerentur, quorum ritibus, & perfunctionibus summam virtutem ibi tribuebant, utpote DEI iussu omnibus sic institutis. Hæc fuerat fere materiæ strues Apostolo epistolam ad Hebræos scripturienti: maiorem autem partem se occupat in ostendenda antiquorum rituum, sacrificiorumque inutilitate, ac veteris totius Testamenti exigua virtute, ut hinc priore abolito, novo opus fuerit, quod longe melioribus promissionibus imbutum, longè maiore efficacia sancitum, legibus non in tabulis lapideis, sed in cordibus per Spiritus S. gratiam scriptis: longe præstantiori, ac æterno sacerdotio Christi secundum ordinem MELCHISEDECH ornatum: præstantiore, nobilioreque sacrificio instructum, scilicet omnibus non per Angelos, aut hominem MOYSI similem, sed ipsum unigenitum Filium DEI ordinatis, qui simul sequester, & auctor Testamenti, Sacerdos, & sacrificium non humanis manibus fabrefactum tabernaculum habuit ad sacra peragenda, sed virtute Spiritus S. constructum: non terrenum sanctuarium Pontifex est ingressus, sed cœleste, nec intulit sanguinem
ani-

animalium, sed proprium suum ad nos vere expiandos, sanctificandos, & rupto velamine omnes in sancta cœlestia introducendos. Cui opus haud est sæpius offerre, sed semel oblatum sacrificium omnia præstat, ad nos in perfectione consummandos, quod sacrificia vetera infinities repetita non efficiebant. His aliisque confirmare vacillantes animos, & novum robur addere studet Apostolus, ut agnita imbecillitate cæremoniarum antiquarum, in virtute Evangelii, ac gratia Christi fiduciam omnem ponant: in doctrina fidei, vitæ puritate, & sanctimonia perseverent; neve ad ritus Mosaicos relabantur, qui sint antiquati, & vergant in contumeliam Christi: quasi redemptionis nostræ opus ex omni parte non absolvisset. Eos vero, qui malorum acerbitate deprimebantur, oblatae per Christum gratiæ proposita efficacia, fide item, ac spe promissionum erigit, in medium productis exemplis ex omni ævo eorum, qui fidem sectati, & spe promissionum inducti præclara facinora, ac mira opera patrarunt: præprimis autem Christum imitandum proponit, qui cum esset Filius DEI, atque ab æterno omni felicitate cumulatus, non detrectaverit crucis, ac passionis ignominiam, vitæ præsentis ærumnas perferre, ac nostri causa similis nobis passibilis fieri, ut posset esse verus noster Pontifex, &

nos Patri reconciliatos in regnum æternum constituere ; sic ille manus remissas, & genua soluta, atque in lapsum proclivia erigere conatur, ne claudicatio in avia, & in errorem abducatur, atque in casum, interitumque præcipitet. Monitis, & adhortationibus ubique minas iungit, ne forte, si pergant tantam salutem negligere, pereffluant, ac excidant, pereantque. Si contentus (ratiocinatur) verbi per Prophetas, & Angelos olim allati acriter vindicatus fuit, multo gravius vindicandum fore contemtum Evangelii ad nos per ipsum Filium DEI perlatis. Haud obscure prædicit ruinam populi Iudaici, cum quo nisi interire ipsi etiam velint, præsentis gratia utendum sit. Residuam addit esse spem requiei, nisi, quo tempore vox gratiæ ad ipsos defertur, obdurent corda sua, sicut Iudæi olim in deserto, quibus iuravit Dominus in ira sua, non introituros in requiem suam. Et quoniam majores illi sui Israelitæ propter incredulitatem, ac diffidentiam exclusi sunt promissa requie, etiam atque etiam cavere eos iubet, ne sit in aliquo eorum cor prævium incredulitatis desciscendi a DEO vivo, neve derelicta promissione introeundi in requiem æternam, eius fruitione frustrentur sua culpa, dum gratiæ, quando aspirat, desint, nec præsens opitulationis tempus in suum traducant commodum.

dum : frustrationem effectus ad emendandos, perficiendosque homines in lege, ac fœdere vetere, nos ad exquirendam novam legem, & testamentum perducere, spem hanc nos consecutos esse in Christo mediatore, ac Pontifice magno, qui penetrarit cœlos, sedeatque ad dexteram DEI. Huius ergo esse tenendam confessionem docet: accedendum cum fiducia ad thronum hunc gratiæ, ut consequamur misericordiam, & gratiam inveniamus ad auxilium opportunum. Et quoniam ipsi iam in ista Christi professione existant, cœperintque de donis, ac bonis legis gratiæ participare, monet, ut per rectum usum earum, quas iam receperant, gratiarum, ad perfectionem ferantur, non hærentes in primi fundamenti locatione, ita ut opus esset semper eis prima fidei rudimenta inculcare, primas gratiæ tinctiones repetere: utendum esse gratiæ subsidiis concessis, alias tempus aliquando fore, si post copiosam gratiarum mensuram adhuc peccare non desistant, ut renovari amplius non possint ad poenitentiam: scilicet infructiferam eiusmodi terram, nec nisi spinarum, post sæpius repetitum gratiarum imbrem, feracem, reprobam esse, & maledictioni propinquam, cuius exitus tendat, ut comburatur. Quamvis, ne eos ex præsumptione in desperationem ducat, meliora, & viciniora saluti

de ipsis sperare se dicat: eo quod confidat, DEUM bona eorum opera, & laborem ex charitate susceptum erga proximum ulteriori gratiarum largitione remuneraturum. Hinc petit, ut unusquisque præstet studium ad plenam spei certitudinem usque ad perfectionem. Huc nos unice perducere posse novi Testamenti gratiam, ac legem novam menti, ac cordi per operantem in nobis divinum Spiritum inscriptam, vetere Testamento ad hoc plane inepto, cuius sint corporales solum purgationes, oblationes, & sacrificia animalium. Cum ad firmandum Novum Testamentum Iesus Christus filius DEI ipse se in victimam pro nobis obtulerit, & a cœlesti Patre in sua pro nobis obsecratione exauditus sit. Huius sanguinem, qui per Spiritum æternum seipsum obtulerit immaculatum DEO, purgare conscientiam nostram ab operibus mortuis ad serviendum DEO. Cum habeamus ergo sacerdotem hunc magnum, accedamus, inquit, cum vero corde, in certitudine fidei, absterse cordibus a conscientia mala, & abluti corpore aqua pura, teneamus confessionem spei non vacillantem, invicem nos provocantes ad charitatem, ac opera bona, nec deferentes congregationem more nonnullorum, sed adhortantes invicem, idque hoc magis, quod videatur dies appropinquare. Voluntarie enim, ait,

ait, peccantibus nobis post acceptam notitiam veritatis, iam non relinquitur pro peccatis hostia; terribilis autem quædam expectatio iudicii, & ignis æmulatio, quæ confumtura est adversarios. Tum repetit, alias non semel allatam comparisonem, de maiore longe vindicta ab illis fumenda, qui Novum fœdus irritum fecerint, qui Filium DEI conculcaverint, & sanguinem Testamenti non hircorum, aut vitulorum, sed Christi Domini ceu rem profanam duxerint, & Spiritum gratiæ contumelia affecerint. Quare vult, ut omnem curam sanctimonix suæ gerant, ne quis sit, qui a gratia DEI deficiat: adducto etiam ESAVI exemplo terret, qui ius primogeniti, ac annexas ei promissiones æternas vilipendens, pro edulio vendiderit, unde reprobatus postea fit, cum vellet fortiri benedictionem, nec locum poenitentix repererit, quamvis cum lacrymis quæsisset eam. Hortatur ergo, ut, quibus per susceptam fidem in Christum ius sit ad regnum, quod in æternum non commovebitur, utantur gratia, dum adest, per quam serviant DEO, ei placentes, cum metu, & reverentia, ne iram vindicem in se provocent. Alia passim spargit documenta, ac monita ad pietatis quæcunque, & charitatis officia, nihil omittens, ut animos incendat ad recte decurrendum fidei, ac vitæ christianæ

L 5

cur-

cursum, consummandumque inceptum certamen: nihil remorantibus quibusvis adversis sese obiiicientibus, posito ob oculos brevi tempore tribulationum, cum æternitate gaudiorum promissorum commutando: patientiam igitur eis esse necessariam, & perseverentiam usque ad finem, ut qui iam coeperint esse non subtractionis filii in perditionem, sicut reliqua gens Iudaica in perfidia sua obstinata, sed fidei in acquisitionem animæ.

Postremo notandum, & sæpius monendum, alios esse Iudæos, quibus Christus in Evangelio blasphemiam in Spiritum S., ac peccatum neque in hoc seculo, neque in futuro remittendum denunciat: alios, ad quos præsens spectat epistola. Illi sunt increduli Iudæi, ac gens iam prope interitum consistens a DEO repudianda: hi Iudæi ad Christum conversi, sed vacillantes, quos adeo firmandos suscipit Apostolus, atque periculum, certamque ruinam, & interitum ob oculos ponit, si unicam ipsis residuam in CHRISTO respuant salutem præsentissimam, iterum ad egena redeundo elementa contentis efficacissimis salutis remediis, quibus a reliquorum contribulium miserrima reiectionis sorte liberentur.

PARA-

PARAPHRASIS

EPISTOLÆ D. PAULI

AD HEBRÆOS.

C A P U T I.

Declarat Apostolus divini Numinis erga genus humanum curam, & benignitatem ex familiari commercio, quod se inter & nos varimode exercere non est dedignatus: primo ad nos verba faciens per Prophetas, novissime per Filium sibi per omnia æqualem essentia, & potentia, quem natura nostra indutum ad nos sibi reconciliandos, sanctos ac beatos reddendos miserit, quin inde eius dignitati decesserit quidquam, utpote qui sedeat iam ad dexteram Patris, Angelis, origine, imperio, potestate, & gloria præcellens.

I. **P**er varia temporum momenta, ac vices DEUS T. O. M. Patres nostros, quos sibi in singularem populum, ac peculium elegerat, est alloqui dignatus, nec tamen nisi per Prophetas, tanquam ministros hoc præstare consueverat, quibus

I. **M**ultifariam, multisque modis olim DEUS loquens Patribus in Prophetis novissime

2.

bus varia allocutionis, & vaticiniorum ratione mentem suam, ac voluntatem prodidit, nunc in igne, nunc in nube, nunc per somnium, aut visionem, nunc in auræ tenuis sibilo, interdum afflatu quodam Spiritus sui, nonnunquam per Angelos humana specie conspicuos: modo nude, & aperte: modo per varia ænigmata, & figuras mysteria pandens; At novissime

2. Postrema hora excolendæ vineæ suæ, diebus istis non iam per hominem Prophetam, sed per unicum Filium suum ad nos missum nobis loqui voluit, atque arcana sua cœlestia revelare. Quod quo melius præstaret, humanam indutus naturam adfuit, ut sic familiari nobiscum colloquio conversari queat. Hunc ut hominem etiam constituit hæredem universorum, ei Ecclesiam ex omnibus nationibus consignans, quod ad cœlestis gloriæ hæreditatem manuduceret: nec mirum, tantum illi datum esse potestatis, & dominii, cum per ipsum facta sint iam in principio, quæ cœli terræque continentur

2. Diebus istis locutus est nobis in Filio, quem constituit hæredem universorum, per quem fecit & secula,

tur ambitu, tempora, ac sæcula, & quidquid istis existit, acciditque.

3. Sed cum esset ante hæc omnia iam ab æterno progrediens ex Patre, atque ab eo progenitus splendor, & lux de luce eiusdem naturæ, atque essentiae dimanans, neutiquam tamen uti accidens in alio, sed seipso existens, licet Pater in ipso sit, & ipse in Patre, utpote figura, character, forma expressa substantiæ illius non mera similitudine, sed naturæ unitate tanquam viva, & substantialis imago, qualis Filii ad Patrem sit oportet, totam complexus Deitatis substantiam præterquam esse Patris, potentissimo Verbo suo omnia sustentans, moderans, ac regens, seipso nimirum, cum ipse sit Verbum DEI, per quod DEUS omnia gerit, & producit, atque etiam producta conservat, & collapsa restaurat: sicuti revera nos lapsos, & peccatis contaminatos purgatum venit, demittens se nostri causa, & dira quævis ipsamque mortem pro nobis sufferens, ut tamen nihil inde eius gloriæ, & maiesta-

ti

3. Qui cum sit splendor gloriæ, & figura substantiæ eius, portansque omnia verbo virtutis suæ purgationem peccatorum faciens, sedet ad dexteram maiestatis in excelsis.

4.

ti decesserit, quin dignus sit habitus accipere virtutem, honorem, & gloriam, ut confideat ad dexteram maiestatis divinæ omnem nactus potestatem in cœlo, & in terra:

4. Ut homo etiam potentia, auctoritate, & sublimitate tanto potior, & superior effectus ipsis beatissimis angelicis Spiritibus, quanto excellentius, & præstantius nactus est nomen Filii DEI, per unionem hypostaticam cum Verbo divino, æterni Patris Filio.

5. Neque vero Angelus aliquis est, quem DEUS in tempore creavit, sed tanquam Filium ab æterno remota omnis temporis differentia genuerat, sicut genuit Filium hunc: & ei fore se in Patrem promisit, assumpta etiam humana natura, cum qua haud minus Filius DEI esse perseverat.

6. Utque neminem lateat, quo loco hunc suum velit haberi Filium, eum iterum in orbem terræ introducet, quando homines iudicaturus apparebit in gloria. Hunc ve-
rum

4. Tanto melior Angelis effectus, quanto differentius præ illis nomen hæreditavit.

5. Cui enim dixit aliquando Angelorum: Filius meus es tu, ego hodie genui te? Et rursum: ego ero illi in Patrem, & ipse erit mihi in Filium?

6. Et cum iterum introducit primogenitum in orbem terræ, dicit: & adorent eum omnes Angeli eius. 7.

rum suum, & naturalem, aliis, si qui vocantur Filii DEI, longe præstantem, & superiorem Filium, Angelis in præceptis dabitur, ut tanquam DEUM, ac Dominum suum adorent manifeste, & publice, cum in primo adventu, ubi humilis apparuit, hunc aperte cultum præstari non voluerit.

7. Aliter longe divinus Spiritus de Angelis loquitur, quod nimirum pariter ac cæteræ res a DEO facti, ac creati sint Spiritus quidem expertes humani corporis, igne, subtilitate, & vi operandi longe potiores; attamen ut ministri, & executores divinæ voluntatis solum assistunt DEO.

8. Filio autem tanquam DEO thronum regni sempiterni, ac sceptrum, quo summa æquitate omnia moderetur, & gubernet, attribuit, quod non est ministri, sed supremi Domini.

9. De eodem testatur scriptura, cum naturam humanam indutum ita dilexisse iustitiam, ut summo rigore per mortem durissimam ei fatis.

7. Et ad Angelos quidem dicit: qui facit Angelos suos Spiritus, & ministros suos flammam ignis.

8. Ad Filium autem: thronus tuus DEUS in sæculum sæculi: virga æquitatis, virga regni tui.

9. Dilexisti iustitiam, & odisti iniquitatem: propterea unxit Te
DEUS,

satisfaceret, atque odio habens iniquitatem, ad eam delendam in hanc mortalem vitam veniret. Idcirco unxit te o DEUS (sic eum VATES alloquitur) DEUS, ac Pater tuus, affluentia gratiarum, & ad sublimissimam gloriam evexit etiam humanam naturam præ omnibus, qui eiusdem tecum sunt participes tum naturæ, ut homines, tum cœlestis gaudii, ut Angeli.

10. Et ut eius Divinitas, atque præ Angelis excellentia apertissime elucescat, divinus Spiritus declarat in principio eum tanquam Dominum cœlum & terram creasse, quod est opus folius divinæ potentiæ, & Numinis initio expertis, quod in principio iam tantum opus edere potuerit.

11. Sicuti autem scriptura eum ab æterno esse edicit: ita sempiternum fore deprædicat, secus ac res creatæ, ac etiam cœli, qui & ipsi aliquando mutationem sufferent, omnibus sicut vestimentum temporum vicissitudini obnoxiiis, ac veterascentibus: ille autem idem semper

DEUS, DEUS tuus oleo exultationis præ participibus tuis,

10. Et: tu in principio Domine terram fundasti: & opera manuum tuarum sunt cœli.

11. Ipsi peribunt, tu autem permanes, & omnes ut vestimentum veterascent:

per incommutabilis permanet.

12. Est quidem potestate præditus ad ipsos cœlos ceu amictumvolvendos, & complicandos, unde commutentur cursu & formâ. Ipse autem idem semper erit, & anni eius non deficient, sicuti cursus cœlorum variatur.

13. Atque ut sermo ad Angelos redeat, quantum ipsi dignitate a Christo distent: nunquam illi ad dexteram DEI federe leguntur, sicuti Pater cœlestis in cœlos redeunti Filio dexteram suam obtulit, donec in extremo iudicio omnes inimicos eius rebelles, ac refragarios penitus subiecerit, quos hucusque suffert, non contra arcana suæ voluntatis consilia, sed in propriam perniciem adversus verbi divini beneficia ingratos, redemptionemque negligentes.

14. Cum ipsi Angeli sint ad hoc destinati, ut Filio DEI tanquam ministri serviant, in opere isto redemptionis, & salutis, ad quod complendum, atque homines hæreditatis æternæ compo-
tes

12. Et velut amictum mutabis eos, & mutabuntur: tu autem idem ipse es, & anni tui non deficient.

13. Ad quem autem Angelorum dixit aliquando: sede a dextris, quoadusque ponam inimicos tuos scabellum pedum tuorum.

14. Nonne omnes sunt administratorii Spiritus in ministerium missi propter eos, qui hæreditatem capiunt salutis? M V. I.

tes reddendos ultro se accinxit DEI Filius, Angeli vero creati, & destinati sunt ad obsequia, & ministerium exhibendum in hoc negotio hæredum cœlestium.

C A P U T II.

Hortatur Apostolus Hebræos ad sectandum constanter Christi Evangelium, ne si tantam salutem, tot signis assertam, tanta virtute Spiritus Sancti charismatibus instructam negligant, tanto graviores pœnam incurrant: ut autem ex eorum mentibus tollat scandalum crucis, cum prius ostendisset Filium DEI Christum aliquantum minorem Angelis effectum, quamdiu, non naturæ solum, sed etiam infirmitatis participatione, in passione, & morte nobis similis fuit, postea declarat, ita DEO Patri, decere, visum, & ita didicisse misereri infirmitatum nostrarum, ipse eas portans

I. **Q**uo igitur maior est dignitas, & excellentia illius, quem nobis DEUS nostræ salutis causamissit, eo studiosius, attentiusque animum illis advertere,
ac

✠. **P**ropterea abundantius oportet obfervare nos ea, quæ audivimus, ne forte pereffluamus. 2.

ac auscultare debemus, quæ nobis traduntur, denuncianturque per hunc unigenitum DEI Filium, ne forte pereamus, ac a veritate excidamus: si mentem nostram, ac corda nostra præbeamus velut vas pertusum, & rimis refertum, ut continere nequeat aquas salutes doctrinæ, & gratiæ Christi. a)

2. Si enim lex MOYSIS, quæ per Angelos dicitur ordinata, inviolate debuit servari, & custodiri ita ut pœnas iustas darent eius transgressores, & contemtores, quod in DEUM redundare
vi-

2. Si enim, qui per Angelos dictus est sermo, factus est firmus, & omnis prævaricatio, & in obedientia accepit

a) Obscurius hic per metaphoram alibi etiam in S. Scripturis occurrentem ruinam præfagit Iudæis, si post recepta quidem, & reiecta plura in veteri adhuc Testamento DEI beneficia per præcepta, leges, admonitiones Prophetarum obtestationes &c. ultimum hoc, ac omnium præstantissimum missi unigeniti ipsius DEI Filii beneficium præterlabi sinant. *Ostendit*, inquit S. CHRYSOST. hom. III. in epist. hanc T. XII. Ed. Par. Montf. p. 29. D. quod ex abundantia his magis animum adhibere oporteat. *Quomodo, propemodum dicent, DEI quidem sunt hæc & illa: sed non similiter, & hoc postea nobis ostendit: interim ante hoc minus profunde adstruit, postea autem manifestius dicens; nam si illud prius culpa vacasset: & rursus: nam quod antiquatur, & senescit, est prope interitum. Sed nondum audet quidpiam eiusmodi dicere in poëmiis, donec auditorem pluribus præoccupaverit, & detinuerit. Cur ergo nos oportet magis attendere? ne forte, inquit, perefluamus, hoc est neque pereamus, neque excidamus.*

M 2

videretur. contemptus eius
nunciis exhibitus:

pit iustam mercedis re-
tributionem.

3. Quanto graviore vindicta, & pœnis in nos animadvertet DEUS; si doctrinam a Filio DEI prædicatam detrectaverimus tam sanctam, & salutiferam, atque neglexerimus tam præsentem, & insignem salutem, cuius adipiscendæ via, ac ratio nobis primum ab ipso unigenito Filio DEI est exposita non in tabulis lapideis, non in nube, somniis, ac visionibus, in quæ suspicio fraudis, ac præstigii venire potuit, sed in demonstratione veritatis, & interiore convictione mentis, ac persuasione cordis: confirmata etiam, & ad nos propagata per eos, qui testes, & auditores omnium fuerunt, ab eo gestorum. a)

3. Quomodo nos effugiemus, si tantam neglexerimus salutem? quæ cum initium accepisset enarrari per Dominum ab eis, qui audierunt, in nos confirmata est.

4. Con-

4.

a) Ex hac sententia finis & scopus totius Epistolæ colligi potest: perpetuo in eo est S. PAULUS, ut præstantia novi Testamenti præ veteri offensa, & declarata, Iudeos ad ei firmiter adhærendum persuadeatur, ne maximas prærogativas, eius negligentes gratias per illud oblatas spernentes, atque verbum DEI, Evangeliumque per ipsum Filium unigenitum annunciatum surdis auribus prætereuntes, tanto maiori pœnæ, & vindictæ se exponant, quo maior & præsentior fuit salutis oblatio. Quod sane gens Iudaica est experta, eique in parabola de vineæ operariis a Christo haud obscure exprobratum, quod post tot missos operarios ad vineam, & repullos tandem etiam Filium missum abiecerint, & occiderint.

4. Confirmante, ac testimonium dictis perhibente DEO signis variis, miraculis, ac talibus portentis, quæ naturæ limites maxime excedunt, diversis etiam virtutibus, quæ tum in promulganda, ac propaganda fide se exeruerunt, DEO intus mentes illustrante, corda inflammante, & convertente: tum etiam quæ in fidelibus insigniter enituerunt, & se prodiderunt dona & virtutes Spiritus S. in illorum flagranti erga DEUM, ac sese invicem charitate, constantia, fortitudine aliisque christianis virtutibus, & operibus naturæ nostræ corruptæ repugnantibus, unde vis & efficacia evangelicæ legis per intus operantem gratiam abunde constet; haud secus ac Spiritus S. dona in aliis elucent charismatum distributionibus, qui dividit ut vult, secundum misericordissimam voluntatem suam: a)

nisi

4. Contestante DEO signis & portentis, & variis virtutibus, & Spiritus S. distributionibus secundum suam voluntatem.

5.

a) Tangit hoc, & præcedenti versu præcipuum discrimen veteris, & novæ legis in exterioribus operationibus, tum etiam interioribus donis Spiritus S. unde proprie lex gratiæ dicitur, & qui post hæc omnia refragarii existunt, peccati in Spiritum S. se obnoxios præbent, neque in hoc seculo, neque in futuro remittendi, ac severe puniendi: quod experta est gens Iudaica: & est mens Apostoli in hac epistola Iudæos iam in

M 3

nisi se indignos præbaent, & refragarios, & oblatam salutem repudiant.

5. Quæ non aliunde nisi a DEO provenire potest, qui solus habet virtutem supra naturæ vires mira patrandi, & hominum corda pro luctu flectendi, quod fecit per Spiritum Domini, quando per effusionem donorum suorum replevit orbem terrarum.

6. Quæ maxima dona, & singularia beneficia cum cerneret in hominem conferri vates admirans exclamat: *Quid est homo quod memor es eius*, ut tantam illius rationem, ac curam habeas, *aut Filius hominis, quoniam visitas eum*, ei non solum hypostatice Verbum æternum uniens, verum etiam Spiritum Sanctum cum immensis muneribus in illum effundens.

7. Ac

5. Non enim Angelis subiecit orbem terræ futurum de quo loquitur.

6. Testatus est autem in quodam loco quis, dicens: Quid est homo quod memor es eius: aut Filius hominis, quoniam visitas eum.

7.

Christum credentes huius periculi commonefacere, ne tantam salutem negligant, quantam ipsi præ cæteris Iudæis acceperint: ne Spiritui S. tanta interius exteriusque molienti resistant, unde cum reliqua gente & hic, & in altera vita vindictam experturi sint, hic excisione, illic æterna damnatione.

7. Ac unigenitum quidem Filium tuum hominem factum nostri causa infra Angelos constituisti, eum nostræ naturæ infirmitati, passioni, ac ipsi etiam morti subiiciens, & tradens, ut tamen postea gloria, & honore summo decorares, quatenus ubique nomen eius gloriosum esset, & donaretur ei nomen, quod est super omne nomen, ut ab omnibus adoretur, honoreturque, data ei omni potestate in cœlo, & in terra.

8. Cave, ne quidquam esse putes, quod ei subiectum non sit sive visibillum, sive invisibillum, nihil enim excipitur, aut eius Dominio subtrahitur: licet nunc ante novissimi iudicii diem non videantur ei perfecte omnia subdi, quomodo tunc subiciantur, quando etiam ponentur eius inimici sub pedibus eius.

9. Quem tamen iam videmus gloria, & honore coronatum propter passionis meritum, vitæ, ac mortis discrimina, quibus aliquantum inferior Angelis fuit, singulari in nos beneficio, & gratia, pro nostra omnium
salu-

7. Minuisti eum paulo minus ab Angelis: gloria, & honore coronasti eum, & constituisti eum super opera manuum tuarum.

8. Omnia subiecisti sub pedibus eius: in eo enim quod omnia ei subiecit, nihil dimisit non subiectum ei; nunc autem necdum videmus omnia subiecta ei.

9. Eum autem, qui modico quam Angeli minoratus est, videmus IESUM Christum propter passionem mortis glo-

salute, ipse solus mortem
perpetiendam suscipiens.

gloria, & honore co-
ronatum, ut gratia DEI
pro omnibus gustaret
mortem.

10. Decere enim cœlesti
Patri visum est, non aliter
auctorem & principem salu-
tis nostræ Christum quam per
passionem ad gloriam evehe-
re: sicuti per passionem ad
æternam salutem, & gloriam
alios adducit, utpote per
quem, & propter quem sunt
omnia.

10. Decebat enim
eum, propter quem o-
mnia, & per quem o-
mnia, qui multos Filios
in gloriam adduxerat,
auctorem salutis eorum
per passionem consum-
mare.

11. Scilicet ut esset inter
nos, & Christum debita con-
formatio eandem nobiscum
naturam, & infirmitates eum
assumere decuit, ut sic tam
ipse sanctificans, quam nos
ab ipso sanctificati, ex una
omnes origine iure dici posse-
mus, ac communem quo-
dammodo causam habere-
mus: idcirco non erubescit
fratres nos compellare, cum
alias infinito ab illo distemus
intervallo.

11. Qui enim sancti-
ficat, & qui sanctifican-
tur, ex uno omnis:
propter quam causam
non confunditur fra-
tres eos vocare, di-
cens:

12. Nihilominus ad Pa-
trem dicit: tuum, o Pater
cœlestis, nomen, perfungen-
do opere legationis meæ in-
ter-

12. Nuntiabo no-
men tuum fratribus
meis,

terris, prædicabo, & manifestabo fratribus meis, id est hominibus, & in medio Ecclesiæ, a me ex universis terris congregandæ tanquam unus ex illis laudabo te, ac hymnos tibi dicam.

13. Alibi idem Christus se sicut ceteri mortales spem suam omnem in DEUM Patrem suum collocaturum dicit. Et alio loco se electis suis tanquam paribus, & fratribus aggregans, una cum illis DEO, veluti ei in acceptis referendo, quod talem Sanctorum Ecclesiam esset nactus, se sistit, & de se pariter, ac illis pronunciat: *Ecce ego, & pueri mei, quos dedit mihi DEUS.*

14. Quia ergo homines, quos fratres, & sodales suos vocare non dedignatur, carne, & sanguine sunt compacti, adeoque natura corruptibiles morti, & aliis miseriis obnoxii, eiusdem naturæ, & infirmitatum voluit esse particeps, ut mortem ipse perpetiundo diaboli imperium destrueret, qui propter peccatum potestatem habebat mortem omnibus infligendi corporis, & animæ:

15. Et

meis, in medio Ecclesiæ laudabo te.

13. Et iterum: ego ergo fidens in eum. Et iterum: ecce ego, & pueri mei, quos dedit mihi DEUS.

14. Quia ergo pueri communicaverunt carni, & sanguini, & ipse similiter participavit iisdem: ut per mortem destrueret eum, qui habebat mortis imperium, id est, diabolum:

M 5 15.

15. Et sic mortem ipse sufferens sponte sua, & electione propria timorem, & horrorem mortis excuteret, præsertim æternæ, quo per totam vitam concuti nos oportuit metu ob servitutem peccati, cui eramus addicti, ex qua nos eripiens Christus mortem corporis potius expetere, quam timere fecit, utpote nobis ad meliorem vitam ingressum aperientem.

16. Quoniam igitur Christus non Angelorum, qui sunt immortales, & incorruptibiles Spiritus, sed hominum mortalem naturam assumpsit, & quidem ex stirpe, & familia Patriarchæ ΑΒΡΑΗÆ,

17. Idcirco par erat, ut, cum natura communes etiam nobiscum haberet reliquas innoxias naturæ conditiones, infirmitates, egestates, ac ærumnas, affectus etiam naturales, & in his maximæ misericordiæ viscera, quo magis cor eius tangeretur commiserationis sensu ob miserias nostras, & ærumnas: & sic etiam ut Pontifex noster summa fide, & ardore præstaret, quæ agenda nostri causa erant, ad dignam pro
pec-

15. Et liberaret eos, qui timore mortis per totam vitam obnoxii erant servitutis.

16. Nusquam enim Angelos apprehendit, sed semen ΑΒΡΑΗÆ apprehendit.

17. Unde debuit per omnia fratribus simulari, ut misericors fieret, & fidelis Pontifex ad DEUM, & repropitiaret delicta populi.

peccatis DEO satisfactionem exhibendam, ac delenda delicta.

18. Et quoniam ipse passus, vexatus, & exercitatus est per omnia, hominibus etiam, & ipsis dæmonibus nihil intentatum in eo relinquentibus, eo maiores vires, & opitulandi potentiam comparavit illis, qui tentantur, & periculosis assultibus infestantur, ut possint per merita illius viriliter decertare, & per gratiæ eius auxilia victoriam, & palmam immarcescibilem reportare.

18. In eo enim, in quo passus est ipse, & tentatus, potens est & eis, qui tentantur, auxiliari.

CAPUT III.

Novæ legis præ veteri præstantiam ex legislatoribus MOYSE, & CHRISTO ostendit: cum ille fuerit Minister Testamenti, & famulus tantum, hic Filius DEI sit, auctor, conditorque omnium. Deterret Hebræos, ne exemplo Patrum suorum obdurantes corda, & oblatam promissionem recusantes, illa excidant, & severas pœnas subeant, pertinacibus, & inobedientibus paratas.

I. Qua-

1. **Q**uapropter fratres sancti, quoniam vocati estis ad salutem, & hæreditatem regni æterni participes bonorum cœlestium, & charismatum, gratiarumque divinarum, quibus per verbum, & semen regenerationis sanctificati estis, vires omnes intelligentiæ impendite, ad considerandas prærogativas has, quæ ad nos perveniunt per professionem fidei in IESUM, tanquam ad nos missum non solum legatum, ac bonum nuncium talium promissionum cœlestium; verum etiam ut Pontificem nos Patri reconcilians, eique religioni, ac fidei, quam profiteamur, præfectum.

2. Haud secus vero ac MOYSES, Christus integerime, ac summa fide perfunctus, hoc est, utroque munere, ac ministerio sibi a cœlesti Patre commissio, ac demando, in omni loco, ac toto orbe familiam, ac Ecclesiam domum DEI propagans, dilatansque.

3. Quamvis ergo MOYSES ob hanc suam fidelitatem,

¶ **U**nde fratres sancti,
1. vocationis cœlestis participes, considerate Apostolum, & Pontificem confessionis nostræ IESUM :

2. Qui fidelis est ei, qui fecit eum, sicut & MOYSES in omni domo eius.

3. Amplioris enim glo-

tem, qua delegatum sibi officium obiit, sua laude non est frustrandus, ac iure a vobis in honore habetur: Christus tamen præ MOYSE longe ampliore gloria est dignus, quia ipse est architectus domus, & auctor, tam in prima creatione, quam etiam in spiritali restauratione, & ædificanda Ecclesia, ipsa etiam synagoga, cuius tamen MOYSES minister solum, famulus, ac unica illius particula, & membrum extitit.

4. Qui quidem in extruenda synagoga suas partes obiit, sed tam hæc, quam alia omnia principaliter architecto summo adscribenda sunt: unde necessum est eum DEUM esse, qui enim omnia creavit, DEUS est:

5. MOYSES quidem fideliter administrabat, quæ in mandatis habebat in tota DEI domo, tam synagoga, quam adornandi provinciam acceperat, quam christiana Ecclesia, cuius typos, & figuras exhibere debebat, hincque unice famuli, ac ministri locum tenebat, ut de
futu-

gloriæ iste præ MOYSE, dignus est habitus, quanto ampliore honorem habet domus, qui fabricavit eam,

4. Omnis namque domus fabricatur ab aliquo: qui autem omnia creavit DEUS est.

5. Et MOYSES quidem fidelis erat in tota domo eius, tanquam famulus in testimonium eorum, quæ dicenda erant:

6.

futuris testimonium perhiberet.

6. Christus vero in domum suam, quæ est Ecclesia DEI viventis, iure suo tanquam Filius, & Dominus auctoritatem exercet, quatenus est hic militans in terris: quatenus autem est triumphans in cœlis, ipse est hæres, & possessor: nos vero hic eam Ecclesiam constituimus, quam acquisivit sanguine suo, & aliquando etiam cohæredes erimus, ac membra triumphantis Ecclesiæ; si firmiter in spe permanserimus auxiliorum & divinorum futurorum bonorum, ac fiduciam, libertatemque quidvis a DEO petendi, & expectandi, quod ad salutem necessarium est, nunquam amittamus, sed usque ad finem vitæ inconcussam retineamus: cum iure gloriemur, & in sinum nostrum plaudamus, tam ampla a Filio DEI nobis comparata dona, ac bona cœlestia.

7. Quapropter monitis S. Spiritus aurem præbeamus, atque spei, promissionumque divinarum fructus carpamus, dum adest tempus opportunum,

6. Christus vero tanquam Filius in domo sua, quæ domus sumus nos, si fiduciam, & gloriam spei usque ad finem firmam retineamus.

7. Quapropter sicut dicit Spiritus S. hodie si vocem eius audieritis

8.

num, nunc atque hodie, quod momentum ac dies gratiæ est, & misericordiæ, quando sive exteriori doctrina, & monitionum sonitu, sive interiori gratiæ afflatu, & Spiritus S. unctione vox Domini ad vos dirigitur :

8. Tum caveatis vel maxime, ne obfirmetis auditum mentis, atque affectum cordis, ac voluntatis vestræ, ut non acquiescatis verbo Domini, & Spiritus S. instinctui, nec præsentī gratia utamini, neglecta spe promissionum divinarum, quemadmodum non una vice olim fecerunt in deserto patres vestri, præsertim in loco exacerbationis, & tentationis, cui ad perpetuam rei memoriam nomen rei gestæ inditum est, ut posteris vobis essent documento,

9. Quam scelestæ, & inique potentiæ, & promissionibus meis diffisi me tentaverint, experti insignia, & admiranda opera mea, quibus illis manna plui, & vestimenta farta, & illæsa conservavi, aliaque in ipsorum gratiam magnalia feci.

10. Per

8. Nolite obdurare corda vestra, sicut in exacerbatione secundum diem tentationis in deserto.

9. Ubi tentaverunt me patres vestri: probaverunt, & viderunt opera mea.

10.

10. Per quadraginta annos: quoniam vero ad mea illis præstita beneficia nihil attenti fuerunt, fastidio, & indignatione in eos fui commotus, & dixi intra me ipsum, atque per MOYSEN eos commonui sui erroris, si forte eum agnoscerent, & resipiscerent, deponerentque cordis duritiem: at illi surdis ad hæc omnia auribus fuerunt, nec consiliis meis acquiescere, nec in illis ambulare voluerunt.

11. Hinc ego firmissime apud me constitui, ac iureiurando etiam me obstrinxi, eos non intrmittere in promissæ terræ requiem. a)

12. Discite quæso, fratres sapere isto exemplo patrum vestro-

10. Quadraginta annis: propter quod infensus fui generationi huic, & dixi: semper errant corde. Ipsi autem non cognoverunt vias meas,

11. Sicut iuravi in ira mea: si introibunt in requiem meam.

12. Videte fratres, ne

a) In hoc, & sequenti capite S. PAULUS veluti typos, & præludia perfectæ desertionis Iudaicæ, atque peccati eorum in Spiritum S. consummati Iudæis in Christum jam credentibus proponit, ut eos absterreat, ne in eandem sortem recidant, & per abiectionem promissionum evangelicarum requie excludantur, sicuti patres eorum a promissâ terra Canaan fuerunt exclusi. Sunt autem & hic destituti requie, cum extorres patria, ipsis in requiem data, ubique vagari debeant, & in altera vita æternæ felicitatis requie privati: in hoc, & altero seculo pœnam sustinentes peccati neque in hoc, neque in altero seculo remittendi. Typum & exemplum huius reiectionis hætenus Apostolus exposuit, deinceps applicatio sequitur.

vestrorum, ne etiam in quodam vestrum sit similis malitia, ac Spiritus infidelitatis, inobedientiæ, ac diffidentiae de promissis, & oblatis DEI donis tum in hac, tum altera vita, ut pariter discedatis, deficiatisque a DEO vivo.

ne forte sit in aliquo vestrum cor malum incredulitatis, discedendi a DEO vivo;

13. Sed mutuis quotidie adhortationibus vos erigite, & confirmate, ut nullis tentationibus a iam suscepta fide dimoveamini, idque facite nunc, dum tempus est, quamdiu hic gratiæ dies vobis adest, & prorogatur, ne præterlabi sinentes præsens auxilium, & paratam opem, a) ea subtracta, fallacibus pec-

13. Sed adhortamini vosmetipsos per singulos dies, donec hodie cognominatur, ut non obduretur quis ex vobis fallacia peccati.

14.

a) Hortatur hic Apostolus, ut gratia, dum offertur, utamur, ne, dum tempus acceptabile non aucupamur, illud elabatur, sicuti alibi monet: *Ecce nunc tempus acceptabile. Ecce nunc dies salutis: abiiciamus ergo opera tenebrarum, & induamur arma lucis.* Quodsi autem ad diem salutis non attendimus, nec opera tenebrarum abiicimus, in illis nos tandem relinquit DEUS gratiæ luce destitutos, unde obduratio cordis oriatur necesse est. *Hæc autem induratio*, inquit D. THOMAS in hunc locum, *ex duobus causatur, ex uno quasi negative, scilicet DEO non apponente gratiam Rom. 9. cuius vult, DEUS miseretur: & quem vult, indurat. Ex alio positive, & hoc modo indurat peccator seipsum non obediendo DEO, & non aperiendo cor suum gratiæ. Et sicut corpora, sunt verba CHRYSOSTOMI, Hom.*

N

peccati illecebris decepti in obdurationem cordis incidamus.

14. Iam enim christiana religione initiati participes facti sumus meritorum, gratiarum, hæreditatis, ac omnium Christi promissionum: si modo, quod per fidem, & regenerationem spirituales in eo esse cœpimus, quamque meritorum, gratiarum, ac promissionum portionem nacti sumus, ea utamur, ac semper fideliter, & constanter teneamus:

15. Donec perdurat tempus illud, de quo per Spiritum S. dicitur: *hodie si vocem eius audieritis*, illiusque inspirationes, & gratiæ opem percipitis, nolite illis claudere, & obdurare corda vestra, sicut fecerunt patres vestri olim in illa exacerbatione, qua me ad iracundiam provocantes, decretum eos repellendi a promissa requie in suum caput elicuerunt.

16. Non quidem in omnes, quos ex Ægypto Moyses

14. Participes enim Christi effecti sumus: si tamen initium substantiæ eius usque in finem firmum retineamus:

15. Dùm dicitur: hodie si vocem eius audieritis, nolite obdurare corda vestra, quemadmodum in illa exacerbatione.

16. Quidam enim au-

VI. T. XII. p. 61. C. quæ occaluerunt, & duritiem contraxerunt, non cedunt manibus medicorum, ita etiam indurata anima non cedunt verbo DEI.

es eduxit, hæc repulsionis sententia lata est, sed in illos solum, qui audientes, & videntes opera mea, & experti manum opitulatricem, & virtutem, nihil moti in se DEI iram provocaverunt.

17. Iustam utique incurrentes DEI offensionem, ac odium, quia hoc peccatis suis promeriti sunt, ut DEI manum vindicem experirentur: cum quadraginta illis annis in deserto, ubi eorum calavera prostrata relicta sunt,

18. Tum exclusione a promissa terra, quam etiam alteram pœnam illi solum subierunt (DEO iurante, & firmissime decernente in ira sua) qui fidem divinis promissionibus detrectarunt.

19. Non igitur in divino iudicio pravitas aliqua, vel acceptio personarum deprehendi potest, sed propria quisque culpa hanc exclusionem promeruit, cum initio quidem omnes promissi divini communicatione gaudere cœperint, simul educti ex Ægypto, sed propter infidelitatem, & incredulitatem de divinis promissionibus

audientes exacerbaverunt, sed non universi qui profecti sunt ex Ægypto per MOYSEN.

17. Quibus autem infensus est quadraginta annis? nonne illis, qui peccaverunt, quorum cadavera prostrata sunt in deserto?

18. Quibus autem iuravit non introire in requiem ipsius, nisi illis, qui increduli fuerunt?

19. Et videmus, quia non potuerunt introire in requiem ipsius propter incredulitatem.

bus ab obtinenda requie sunt repulsi, nec potuerunt in illam introire.

CAPUT IV.

Hortatur Apostolus, ne Iudæi iam ad Christum conversi, & promissionem aternæ requiei adepti, exemplo patrum ex Ægypto egressorum fraudulentur: quod revera accidit genti Iudaicæ tempore Christi, sicut Hebræis in deserto: demonstrat residuam adhuc esse requiem, eamque longe nobiliorem, quam terra Canaan, utpote in hac, & illa sabbati requie tantum figurata. Monet, ut verbo DEI credant: quod sit efficax in minis, & promissis, hinc fiduciam in Christum commendat.

I. **T**imeamus ergo, & sollicite caveamus, ne exemplo Israelitarum divinis promissionibus diffidentium, dum adhuc nobis superest pollicitatio novæ, ac æternæ quietis, in cœlesti patria fruendæ, desit huic expectationi quisquam, ac semetipsum frustretur, defraudetque, similiter ac illi, prohibi-

✠. **T**imeamus ergo, I. ne forte relicta pollicitatione introeundi in requiem eius, existimetur aliquis ex vobis deesse,

ibitus cœlesti hæreditate,
um tempus opportunum
ræterit, & ad vocem Domi-
i invitantis obsurdescit, ac
or obdurat.

2. Accepimus sane & nos
promissiones pariter ac illi:
vobis etiam denunciata, at-
que oblata est requies longe
beatior, ipso DEI Filio Evan-
gelium, ac bonum nuncium
stum afferente: sed nihil
profuit incredulis illis pro-
missionis huiuscemodi sermo
auribus quidem perceptus,
cui tamen fidem non adhi-
buerunt, quam conciliare de-
buerant, certamque spem, ac
ardens desiderium instillare,
& incendere ipsa, quæ au-
dierant, promissa benedictio-
nibus plena. a)

3. Er-

2. Etenim & nobis
nuntiaturum est, quemad-
modum & illis: sed non
profuit illis sermo au-
ditus, non admistus fi-
dei ex iis, quæ audie-
runt.

3.

a) Cum textus græcus in primo præsentis capituli versiculo solum-
modo effectum exclusionis a requie promissa innuere videa-
tur, causis in sequentem orationem dilatis, interpes statim
causam saltem generalem addit, indicans nos nobis ipsis deesse,
si fraudemur, excidamusque promissione: hoc enim consilium
Apostolo est, proposito Iudæorum exemplo, Iudæos christianos
detertere, ne sua culpa repellant oblatam requiem, & salu-
tem: quod illi olim fecerunt fidem minime adhibentes pro-
missionibus per MOYSEN factis, neque etiam renunciantibus
IOSUE, & CALEB de statu terræ promissæ credentes, inobe-
dientes, & rebelles. Quod pariter contingere potest, qui Evan-
gelium annunciatum, verbum DEI per ministros prædicatum,

3. Ergone & nobis superest ingressus in requiem? superest certe sempiterna nobis requies, si modo id firma fide credamus, & indubitata in DEUM fiducia divinas promissiones præstolemur. Sicuti enim diffidentia, & incredulitas de divinis promissis DEUM induxit ad negandam præparatam requiem, sic fides nostra in DEUM, ac fiducia efficiet, ut oblatam nobis longe præstabiliorem, cœlestem nimirum, & æternam requiem adipiscamur; cum solius huius requiei expectatio residua sit, utpote iam præterlapſa illa tam promissæ terræ Canaan, quam diei septimæ post opera creationis huius mundi perfecta, post quas binas, atque ad harum typum, & exemplum adhuc tamen facta est requiei alicuius pollicitatio.

4. De requie quidem illa diei septimæ, quando DEUS completo opere creationis intra sex dies, quievit, quemadmodum etiam beati post huius

3. Ingrediemur enim in requiem, qui credidimus: quemadmodum dixit: sicut iuravi in ira mea, si introibunt in requiem meam: & quidem operibus ab institutione mundi perfectis.

4. Dixit enim in quodam loco de die septima sic: Et requievit DEUS die

exhortationes, dehortationes, aliaque pædagogica, & homiletica adminicula furdīs auribus negligunt, increduli, inobedientes, rebelles: prout nimirum terra est, in quam cadit verbum DEI: non enim semper verbum DEI in terram bonam incidit, ut fructificet, sed viam, spinas, petram &c.

huius mundi finitos labores
requiescent in æternitate, re-
latum est in Scripturis re-
quiesse DEUM die septima
ab omnibus operibus.

5. Et in illo, quem iam
laudavimus, psalmo de al-
tera requie sermo habetur,
ac dicitur: *si introibunt in
requiem meam*, ut ostenda-
tur, paratam eam fuisse, nisi
ea se indignos præbuissent.

6 Quoniam ergo ad hanc
requiem non pervenerunt
Israelitæ ob diffidentiam, &
incredulitatem de hac pro-
missione, & Propheta tamen
de alia adhuc, quæ supersit,
loquitur requie, reliquum est,
ut loquatur de sempiterna re-
quie, ad quam christianæ fi-
dei professione aditus no-
bis patet.

7. Alias enim frustra post
tantum temporis intervallum
a MOYSE usque ad DAVID
per hunc ipsum Psalterem Spi-
ritus S. alium quemdam diem
præfiniret, ac determinaret
Hodie dicendo, quo tempore
consistente in requiem in-
troeundi facultas nobis sit,
si modo ad vocantis vocem
non obduraverimus corda,
sicut

die septima ab omni-
bus operibus suis.

5. Et in isto rursum:
*si introibunt in requiem
meam.*

6. Quoniam ergo
superest introire quos-
dam in illam, & ii, qui-
bus prioribus annuncia-
tum est, non introie-
runt propter increduli-
tatem:

7. Iterum terminat
diem quemdam. Hodie,
in DAVID dicendo post
tantum temporis, sicut
supra dictum est: *hodie*
si vocem eius audieri-
tis, nolite obdurare cor-
da vestra.

N 4 8.

sicut in illa exacerbatione,
& tentatione fecerunt Israe-
litæ.

8. Si enim Iosue suis il-
lis, quos in terram promissio-
nis introduxit, perfectam, &
veram requiem præstitisset,
scriptura non loqueretur de
alia die, quæ nobis præfigi-
tur, ut, nisi præterire eam
sinamus, in aliam longe præ-
stantiorem requiem introire
valeamus.

9. *Quanam est ergo alia
requies, quam regnum cœ-
lorum, cuius imago, ac typus
est sabbatum?* a) Hic sab-
batismus relinquitur, atque
expectatur populo DEI post
hanc vitam, ut qui strenue
hic laboraverint in imple-
dis DEI præceptis, & fide-
les DEO extiterint, ac fidelem
etiam eum fore in suis pro-
missionibus minime dubitan-
tes, quidquid ad eas conse-
quendas hic agendum incu-
buit, sancte perfecerint, ad
æternam requiem in cœlos
transferentur, operum suo-
rum, ac laborum mercedem
amplissimam imperturbata
requiè recepturi,

8. Nam si eis IESUS,
requiem præstitisset,
nunquam de alia loque-
retur posthac die.

9. Itaque relinqui-
tur sabbatismus populo
DEI.

10. Ut

10.

a) S. Io. CHRYSOST. Hom. VI. in cap. 3. Epist. huius T.
XII. p. 63. A.

10. Ut haud fecus, ac DEUS olim die septima post absolutum creationis huius mundi opus requievit, omnis, quicumque ad hunc sabbatissimum, ad hanc requiem pervenerit, seposito omni labore, & defatigatione placidissime conquiescat.

11. Demus ergo operam, nec quid moremur, ut, dum dies adest, & tempus suppetit, ad beatitudinem illam pertingamus, ne, si vocationem divinam tempore opportuno negligamus, in eandem infidelitatem, ac incredulitatem prolapsi, eorundem etiam exemplo requie optata excidamus, & in sempiternam perniciem incidamus.

12. Ut vero nemo dubitet, omnia virtute sua præstare posse DEUM, tum quod promittit, tum quod minatur, norit vim, atque efficaciam illius verbi exterius, interiusque aspirantis esse talem, ut multo penetrantior quovis gladio utrinque incidente, ad intima animæ, ac Spiritus penetralia non solum compagum corporis, ac medullarum pertingat: con-

10. Qui enim ingressus est in requiem eius, etiam ipse requievit ab operibus suis, sicut a suis DEUS.

11. Festinemus ergo ingredi in illam requiem, ut ne in idipsum quis incidat incredulitatis exemplum.

12. Vivus est enim DEI sermo, & efficax, & penetrabilior omni gladio ancipiti: & pertingens usque ad divisionem animæ, ac Spiritus compagum quoque, ac medullarum, &

N 5 di-

convertit namque corda, quo vult; illustrat mentes, & suaviter simul, ac fortiter flectit quocunque libeat, pro- ut nimirum discernens cogitationes, & intentiones cordis, hominum animos, ac studia reperit, sic, ut tamen aptitudo ab ipsa Verbi sui efficacia, ineptia autem ab hominis perversitate prove- niat;

13. Neque is, a quo hæc expectamus, atque de quo hic agitur, eiusmodi est, ut quidquam eum lateat, ac ab eo abscondi possit, aut quis eum fallat, fingens se alium esse, aliudque deberi quam ipso opere meretur, eius enim oculis omnia nuda, & aperta sunt, nec ullus eum hypocritico animo invocare valet.

14. Quoniam vero potentia summa pollet magnus hic, præ Aaronico, Pontifex, qui nostro bono, ac emolumento factus est Sacerdos, & penetravit cœlos: constanter ei adhæreamus, ac fideliter permaneamus in fide, quam in eum sumus professi, firmissimæque in eum fiducia omnia ab eo nobis speranda

discretor cogitationum, & intentionum cordis.

13. Et non est ulla creatura invisibilis in conspectu eius: omnia autem nuda, & aperta sunt oculis eius, ad quem nobis sermo.

14. Habentes ergo Pontificem magnum, qui penetravit cœlos, IESUM Filium DEI: teneamus confessionem.

randa intelligamus, ut Pontifice nostro.

15. Qui præterquam, quod omnia nobis flagitantibus dare queat, etiam sensu infirmitatum nostrarum maxime afficitur: cum, excepta labe peccati, omnes alias (factus nobis similis) infirmitates nostras in se ferre, ac experiri non detrectaverit.

16. Cum ergo hic magnus Pontifex noster expertus miseras, opis ferendæ necessitatem optime norit, atque libera naturæ, infirmitatumque nostrarum susceptione ostenderit, quam sit affectus erga nos, quamque paratus opitulari: quidni cum summa fiducia, & certa auxilii spe illum exoraturi iugibus precibus accedamus a), qui omnes ad se venire iussit laborantes, & oneratos, & cum fide petentibus nihil non pollicitus est, atque ad dexteram DEI sedens in cælum rediens, thronum

15. Non enim habemus Pontificem, qui non possit compati infirmitatibus nostris: tentatum autem per omnia pro similitudine absque peccato.

16. Adeamus ergo cum fiducia ad thronum gratiæ: ut misericordiam consequamur, & gratiam inveniamus in auxilio opportuno.

17.

a) Sic nos gnari infirmitatis nostræ, & necessitatis divinæ gratiæ, adorandum divinum Numen accedimus, quatenus precibus nostris impetremus in tentationibus, & necessitatibus nostris auxilium opportunum, & congruum ad superandas quasvis difficultates. Hinc etiam hic, & consequenter urget doctrina

num gratiæ erexit : adeamus ergo hunc thronum gratiæ, cum adhuc tempus est, ut misericordiam, & veniam noxarum consequamur, & necessarium, congruumque gratiæ præsidium consequamur, ne, si hanc temporis opportunitatem neglexerimus, effugiat tempus, & thronus severi iudicii loco throni gratiæ contra nos erigatur.

CAPUT V.

Summi Pontificis a DEO constitutum esse declarat Apostolus, ut sit sequester inter DEUM, & populum, dona, & sacrificia offerat: quod optime Christus præstiterit Sacerdos secundum ordinem Melchisedech: cuius etiam supplicationes exauditiæ sint; & sacrificium sit causa nostræ salutis: quamvis fateatur, Hebræos, ad quos scribit, non esse capaces ad mysteria Christi solide intelligenda.

I. Omnis

nam de Pontificatu, & Sacerdotio Christi, quia Pontifex, & Sacerdos constitutus est in illis, quæ sunt ad DEUM, ut mox PAULUS ostendit, ad delicta expianda, propitium Numen reddendum, beneficia, & gratias afflagitandas: debemus ergo hunc Pontificem accedere, ut hæc omnia nobis præstet, imo ut fructum horum omnium iam pro humano genere præstitorum exoremus.

I. **O**mnis namque Pontifex ex hominum numero, atque eiusdem cum reliquis naturæ particeps assumitur, & pro hominibus constituitur tanquam sequester, & curator; ut in illis rebus, ac negotiis, quæ inter DEUM, & homines aguntur, interpellet pro hominibus, offeratque diversa donorum genera, ad impetranda divina beneficia, ad gratias pro acceptis referendas, seu ad contestandum supremum ei adorationis cultum, cumprimis etiam sacrificia, & victimas ad expianda peccata, placandum offensum, ac reconciliandum iratum Numen.

2. Idcirco autem Sacerdotes, & Pontifices congeneres, atque eiusdem nobiscum naturæ esse vult DEUS, ut tum naturalis necessitudo, & cognatio, tum earundem, quas nos circumferimus, infirmitatum sensus ad lenitatem, & commiserationem compositos flectat ad condolendum infirmitatibus, & moderandum affectum erga illos, qui aut ignorantia, aut alio errore decepti per naturæ

ræ

¶ I. **O**mnis namque Pontifex ex hominibus assumtus, pro hominibus constituitur in iis, quæ sunt ad DEUM, ut offerat dona, & sacrificia pro peccatis.

2. Qui condolere possit iis, qui ignorant, & errant: quoniam & ipse circumdatus est infirmitate.

3.

ræ infirmitatem, & corruptionem labuntur.

3. Quam ob rem necesse habet non minus pro seipso orare, & offerre hostias, aliasque oblationes pro remissione peccatorum, quam pro populo.

4. Neque sese quisquam ad hunc sacri ministerii honorem intrudere valet, sed vocatio, & ordinatio a DEO est accipienda, sicuti AARON est a DEO delectus, atque vocatus.

5. Neque ipse Christus hanc Pontificatus amplitudinem usurpavit, sed eandem recepit a DEO Patre suo, a quo ab æterno genitus, & in arcanis consiliis destinatus ad hoc officium quondam obendum.

6. Unde quodam loco veluti initiando, & ad sacerdotium inaugurando DEUS illum alloquitur: tu es Sacerdos in æternum secundum ordinem MELCHISEDECH: ubi ordinatio eius Sacerdotii in æternum duraturi significatur.

7. Qui

3. Et propterea debet, quemadmodum pro populo, ita etiam pro semetipso offerre pro peccatis.

4. Nec quisquam sumit sibi honorem, sed qui vocatur a DEO tanquam AARON.

5. Sic & Christus non semetipsum clarificavit, ut Pontifex fieret: sed qui locutus est ad eum: Filius meus es tu, ego hodie genui te.

6. Quemadmodum & in alio loco dicit: tu es Sacerdos in æternum, secundum ordinem MELCHISEDECH.

7.

7. Qui quo tempore secundum carnem infirmabatur, & opus sacerdotii sui peragebat, præsertim quando se iam victimam per passionem, & mortem offerebat, preces, & supplicationes cum clamore valido, & lacrymis effudit ad Patrem cœlestem, qui potens erat illum, & omnem populum suum a morte salvare, ipsum a morte resuscitando, reliquos ab æternæ mortis damnatione liberando, exauditus est propter suam modestiam, reverentiam, & obedientiam.

8. Et cum esset quidem Filius DEI, non dubitavit tamen ex iis, quæ passus est in assumpta natura humana experiri in summa patientia obedientiæ laborem;

9. In qua etiam consummatus est, utpote factus obediens usque ad mortem, mortem autem crucis. Id quod ipsum est sacrificium illud salutem æternam præstans omnibus Christum sequentibus, atque illius præcepta servantibus.

10. Appellationem idcirco a DEO, & dignitatem Pontifi.

7. Qui in diebus carnis suæ preces, supplicationesque ad eum, qui possit salvum facere a morte, cum clamore valido, & lacrymis offerens exauditus est pro sua reverentia.

8. Et quidem, cum esset Filius DEI didicit ex iis, quæ passus est, obedientiam,

9. Et consummatus, factus est omnibus obtemperantibus sibi, causa salutis æternæ.

10. Appellatus a DEO
Pon-

tificis consecutus est, & quidem iuxta ordinem MELCHISEDECH.

Pontifex iuxta ordinem MELCHISEDECH.

II. De hoc Sacerdotio Christi iuxta ordinem MELCHISEDECH multa nobis dicenda forent, sed nimis difficile est hæc vobis explicare, & interpretari: quia ad intelligendum minus aptos vos effecistis, quoniam estis incircumcisi auribus, vestraeque legi sic insenuistis, ut aliis omnibus aures occludatis, obduretisque, illis minime attenti, quæ vobis exterius, interiusque ad vestram salutem proponuntur.

II. De quo nobis grandis sermo, & ininterpretabilis ad dicendum: quoniam imbecilles facti estis ad audiendum.

12. Etenim cum sic instructi esse deberetis in mysteriis christianæ fidei, ut etiam aliorum magistri, & doctores esse possetis, cum a primo tempore DEI ad vos sermo, & Evangelium per Christum ipsum delatum sit, & in legis etiam vestrae voluminibus satis præparationis, exercitationisque ad omnia perspicienda habeatis, fit tamen ob duritiam cordis, & pervicaciam, obstinationemque cervicis duræ, ut opus sit doceri rursus, quæ sint prima elementa, & exordia ser-

12. Etenim cum deberetis magistri esse propter tempus, rursus indigetis, ut vos doceamini, quæ sint elementa exordii sermonum DEI: & facti estis, quibus lacte opus sit, non solido cibo.

13.

sermonum DEI, in umbrarum, & figurarum imaginibus veteris Testamenti de cessatione veteris legis, & Sacerdotii, utpote insufficientis ad salutem afferendam, ut hinc novam legem, & Sacerdotium surrogari per Christum necessum fuerit: sed de hoc non potui vobiscum loqui expositione simplici, atque solidæ veritatis vobis veluti solidum cibum dare: sed debeo vos pascere lacte primorum rudimentorum, rursusque elementa sermonum DEI exponere.

13. Quo lacte quicumque adhuc tantum pascitur, inexpertus, rudis, ac ineptus sit oportet, ut sermonem de perfectione, & sanctitate iustitiæ christianæ, quæ per Christum nobis confertur, percipiat, utpote ad hoc nimis parvum, haud secus ac infans, sensum habens.

14. Sed perfectorum, atque in lege Domini adultorum, qui non in vetustate litteræ, sed in novitate Spiritus versantur, est solida, ac profundior doctrinæ Evangelicæ, & mysteriorum divinorum cognitio: qui diuturno,

13. Omnis enim, qui lactis est particeps, expertus est sermonis iustitiæ: parvulus enim est:

14. Perfectorum autem est solidus cibus; eorum, qui pro consuetudine exercitatos habent sensus ad discretionem boni, ac mali.

O CA-

no, serioque studio in sacris scripturis ætatem triverunt, easque die ac nocte meditan- tes abditos eorum sensus in- vestigarunt : quique sensus habent exercitados in divinis contemplationibus, DEO il- luminante, & pro bono stu- dio, & pia intentione men- tem illustrante divinæ gratiæ radiis, ut possint discernere bonum a malo, falsum a ve- ro : sermo enim non admi- stus fidei, quæ est donum DEI, nihil proficit. a)

C A P U T VI.

*Docet Apostolus, quantum periculum
ipsis immineat, si in primis Evangelicæ doctrinæ,
& gratiæ fundamentis, & principiis nondum sa-
tis confirmati sint, ut iterum ea inculcari sit opus,
&*

- a) Ex sequenti mox capite patebit, posse etiam referri, quæ Aposto- lus de solido perfectorum cibo, ac lacte imperfectorum di- cit, ad prima fidei rudimenta, gratiasque illas, quæ promiscue offeruntur, agnitionis status corrupti, denunciationis primæ fi- dei, Sacramentorum, quibus initiamur, primamque gratiam, ac Spiritum S. accipimus, spei item æternæ vitæ, aut damna- tionis, unde ad bene agendum incendimur, & a malo aver- timur, quæ sunt initia gratiarum divinarum, ex quorum bono usu amplior gratiarum elargitio frequenter solet dependere.

Et necessarium foret repetere prima gratiarum dona, eoquod eorum malum usum fecerint: Unde hortatur, ne pergant oblatas gratias negligere, ac respuere; alias futurum, ut post acceptam longam gratiarum seriem, Et mensuram rursus prolapsi, Et peccata cumulantibus non amplius renovari ad pœnitentiam eos contingat: quamvis bene de illis speret adhuc, confidatque DEUM ob officia charitatis, quæ præstent, gratiam non subtracturum, si modo pergant, Et perseverent in spe promissionum.

1. Quapropter, excussa illa tarditate quorundam, & imbecillitate, ut tanquam adhuc infantes lacte doctrinæ opus habeant, atque omillis primis principiis, & rudimentis, quibus rudes primo solent imbui, atque ad christianam religionem formari, feramur impellente aura S. Spiritus (quo qui aguntur, sunt Filii DEI) ad perfectiora: non in primis elementis institutionis, ac catecheseos hæreamus: cuius hæc sunt capita: agnitio, & confessio peccati, & repiscentia, ac pœnitentia a mor-

2. Quapropter intermittentes inchoationis Christi sermonem ad perfectiora feramur, non rursus iacentes fundamentum pœnitentiæ ab operibus mortuis, & fidei ad DEUM;

mortuis operibus prioris vitæ, quæ ante baptismum agitur, quaque primum homo ad DEUM se convertit, fidei in DEUM prima denunciatio, primique articuli.

2. Elementa item doctrinæ de baptismis IOANNIS, Christi, sive fluminis, sive fluminis, sive sanguinis: impositionis quoque manuum ad conferendum Spiritum Sanctum, ac eius dona: resurrectionis item mortuorum, ac extremi iudicii, & æterna sive in cœlesti gloria, sive in infernali damnatione huius iudicii sententia. a)

3. Ab his vero primis fundamentis Evangelicæ gratiæ ad perfectiora feremur, siquidem ad hoc DEUS suam gratiam concedat, neque a nobis immerentibus, & hæc initia suorum donorum male collocantibus ulteriora gratiæ munera subtrahat, non per-

2. Baptismatum doctrinæ, impositionis quoque manuum, ac resurrectionis mortuorum, & iudicii æterni.

3. Et hoc faciemus siquidem permiserit DEUS.

4.

a) Magna vis est in hac sententia D. PAULI ad terrendos Iudæorum animos, ne forte cumulum ac mensuram peccatorum, & reiectarum gratiarum impleverint, ut DEUS iam non det eos ad perfectiora ferri, propter infidelitatem in primis fundamentis ædificii spiritualis: ubi DEUS tantum agit permittendo homines sensui suo reprobo, & deserendo gratia, non malum ipsum efficiendo.

permittens, ut illis be-
emur. a)

4. Qui enim tot, & tan-
tas gratias receperunt, primo
omnia illa documenta, qui-
bus sive ante, sive post bap-
tismum ad fidem imbuuntur
homines, & aspirante etiam
interiore gratiæ luce perfun-
duntur: fenserunt etiam ob-
lectationem, & gustum sua-
vitatis gratiæ cœlestis, & cha-
ritatis, quæ diffusa est in cor-
dibus nostris per gratiam iu-
stificantem, & sanctificantem,
atque cœlestem unctionem in-
ternam: participes etiam fa-
cti sunt Spiritus S., ac do-
norum eius pro variis divisio-
nibus, ac distributionibus
charismatum illius secundum
mensuram donationis Christi:

5. Gustaverunt præterea,
& non solum hausto intel-
lectu, sed etiam percepto
gra-

4. Impossibile est
enime eos, qui semel sunt
illuminati, gustaverunt
etiam donum cœleste,
& participes facti sunt
Spiritus Sancti,

5. Gustaverunt nihil-
ominus bonum DEI
ver-

a) S. PAULUS hic loquitur, ut significavi quatuor postremis supe-
rioris capitis commatibus, de illis primis gratiæ initiiis com-
muniter dispensari solitis, quorum bono, aut malo usu
ulteriora aut accipiant, aut frustrentur. Nimirum sunt omnes
gratiæ species recensitæ: resipiscentia ab operibus mortuis, quæ
homini ex corruptione primæva adiacent, fides in Christum,
Sacramenta, proposita spes felicitatis, aut damnationis æternæ
unacum corpore resurrecturo.

grato suavitatis affectu iucundissime affecti sunt ex verbo vitæ æternæ, doctrina evangelica, promissionibus, quæ ab Apostolis olim, nunc a ministris Ecclesiæ expositæ sunt, aliisque viis, ac rationibus innotuerunt, legendo, audiendo verbum DEI, ac sermones pædeuticos maxime consolatorios, adhortatorios intima animum dulcedine permulcentes, iuncta interiore gratiæ unctiōe, ad nos inflammandos, roborandos, & aliis innumeris modis afficiendos: tum porro virtutes futuri seculi in retributionibus, & præmiis in futura vita propositis non tantum intellexerunt, verum etiam quadam inchoatione, & prægustu perceperunt,

6. Itaque qui post tot, ac tantam gratiarum, & charismatum mensuram ad cumulum præcedentium peccatorum rursus prolapsi sunt in infidelitatem, ac alia enormia scælera, idque scientes, atque prudentes studiosa opera, & deliberata voluntate: hos iterum renovari ad pœnitentiam impossibile est, non absolute, sed quod futurum non sit, ut DEUS tan-

tis

verbum, virtutesque seculi venturi,

6. Et prolapsi sunt: rursus renovari ad pœnitentiam, rursus crucifigentes sibimetipsis Filium DEI, & ostentui habentes.

7.

tis donorum suorum contemtoribus gratiam veræ pœnitentiæ largiatur a) ; cum hi, quantum in se situm est, rursus crucifigant Filium DEI, & ostentui habeant, eius pretiosum sanguinem ita pessumdantes, & merita redemptionis, gratiasque inde in nos redundantes ludibrio exponant, & contemptui, ac si minime sufficerent ad delenda omnia peccata.

7. Neque DEUS merito hinc argui potest, ac incusari, quod obstinatis huiusmodi non semper largos gratiarum fontes aperiat. b) In terræ enim

7. Terra enim sæpe venientem super se bibens imbrem, & generans

a) Haud obscure istuc peccatum Iudæorum in Spiritum Sanctum neque in hoc seculo, neque in altero remittendum indicatur, & veluti Iudæis ad Christum conversis proponitur, ut mala suæ a se avertant gentis, quæ non multis post scriptam hanc epistolam annis experti sunt in pœnam ac vindictam peccati sui, quo erga tot sibi concessa Spiritus S. singularia charismata, ac in eorum gratiam edita opera, mentem ac corda sua obdurantes in infidelitate sua permanserunt, DEO post completam mensuram hic gentem excidente, & usque ad extremum tempus in excacatione relincente, in altera etiam vita pœna eos manente æterna.

b) Ex his duobus versibus explicatio peccati in Spiritum S. apertissima patet: nimirum malo usu gratiarum, qua homines veluti cœlesti pluvia irrigati, nec sic frugiferi facti sunt; hinc autem insignis lux plurimis parabolis evangelicis de seminante, vinea, zizaniis aspergitur, ubi DEUS statum Iudæorum tot

enim fertilitate accidere videmus, ut DEUS benedictionem ubertatis ei terræ conferat, quæ solet imbrem super se venientem combibere, atque utilem, a quibus colitur, generare herbam.

8. At quæ recepto semine produxerit spinas, & tribulos, reprobata est, & proxima maledicto, ut demetatur, excidaturque, atque igne comburatur. Sic etiam DEUS femina pietatis per exteriores, interioresque aspirationes, atque gratias indit, animam verbo DEI nutrit, Spiritus S. donis faginat: quod si homo recipiat, & fructificet, accedit benedictio ulterior a DEO, ut in bono confirmetur, & mereatur ampliora accipere: si autem spinas, & tribulos germinet, maledicto proxima fit, & eius consummatio in combustionem est.

9. Quamvis autem ita loquimur, ac si in communis sententia, de vobis tamen, qui iam christianæ fidei addicti

rans herbam opportunam illis, a quibus colitur, accipit benedictionem a DEO.

8. Proferens autem spinas, ac tribulos reprobata est, & maledicto proxima: cuius consummatio in combustionem.

9. Confidimus autem de vobis, dilectissimi, melio-

gratiis cumulatorum depingit, quibus tamen nihil meliores facti: unde tandem vinea Domini indignos se præbuerunt. Videatur inter alios S. CHRYSOSTOMUS in hunc locum.

dicti estis, confidimus meliora, atque viciniora salutis, ut non in eam cum ceteris contribulibus ludæis sortem incurratis, utpote qui iam salutis propiores sitis.

10. Dominus enim iustus, & fidelis remunerator non obliviscetur, nec feret inutilia esse vobis opera vestra, & mercedis expertia, præsertim dilectionem vestram, qui pro amore DEI ministratis fidelibus, eis in ipsorum necessitatibus succurrendo, de quo pietatis opere nec modo cessatis. a)

11. Dummodo, quod impense cupimus, ac desideramus, omnes vos in hac operum charitatis sollicitudine persistatis, atque spem conceptam remunerationis, & felicitatis æternæ, quam ex Evangelio Christi percepistis, usque in finem retineatis.

12. Ne

meliora, & viciniora salutis: tametsi ita loquimur.

10. Non enim iniustus est DEUS, ut obliviscatur operis vestri, & dilectionis, quam ostendistis in nomine ipsius, qui ministrastis sanctis, & ministratis.

11. Cupimus autem unumquemque vestrum eandem ostentare sollicitudinem ad expletionem spei usque in finem.

12.

a) 'Vident' quomodo Apostolus exterioribus officiis pietatis, non solum orationi, sed etiam eleemosynis effectum hunc tribuat, ut DEUS horum gratia nos donis suis beet, nec auxiliis gratiæ deferat: quasi dicat: quandoquidem recepistis Evangelii verbum, & exercetis iustitiæ opera, non vos DEUS gratiæ muneribus destituet, ut spe cadatis: qui non deserit, nisi deseratur.

12. Ne remittatis in hoc spei, & operum cursu, atque segnes efficiamini, sed imitemini eos, qui constanti, & firma fide, ac patientia nullis adversis, nullaque expectationis mora fracti ad hæreditatem, possessionemque promissionum divinarum pergunt.

13. Imprimis autem patrem vestrum ABRAHAM respicite, cui cum DEUS promissiones fecisset, atque eas etiam firmasset iureiurando, iurans ei per semetipsum, cum non haberet maius aliquod nomen, in quo iuraret,

14. *Per memetipsum, inquit, iuravi, quia fecisti hanc rem, & non pepercisti filio tuo unigenito propter me benedicens benedicam tibi, & multiplicans multiplicabo te.*

15. Sicut ergo ABRAHAM patienter, & longanimiter expectans consecutus est repromissionem, ita & vos imitati spem, & patientiam ABRAHÆ promissiones præstolemini.

16. Ho.

12. Ut non segnes efficiamini, verum imitatores eorum, qui fide, & patientia hæreditabunt promissiones.

13. ABRAHÆ namque promittens DEUS quoniam neminem habuit, per quem iuraret maiorem, iuravit per semetipsum,

14. Dicens: nisi benedicens benedicam te, & multiplicans multiplicabo te.

15. Et sic longanimiter ferens adeptus est repromissionem.

16.

16. Homines quidem solent maioris fidei causa per maiorem se iurare, & ita iurisiurandi religione interposita ortas inter se causas, controversiasque sistunt, earundemque compositionem natam reddunt, ac firmant;

17. DEUS vero nulla alia ratione firmitatem promissæ hæreditatis regni cœlestis abundantius ostendere, ac testari potuit, quam interposito iuramento per semetipsum. a)

18. Ut nimirum per duas res immobiles, nec ulli mutabilitati obnoxias, scilicet per religionem iurisiurandi promissioni additi, & per DEUM, qui promisit, quem impossibile est fallere nos, ac imponere nobis, fortissimum solatium, & indubitatam spem teneamus, qui suscepta Evangelii fide, ac promissione æternæ gloriæ
cur-

16. Homines enim per maiorem sui iurant: & omnis controversiæ eorum finis ad confirmationem est iuramentum.

17. In quo abundantius volens DEUS ostendere pollicitationis hæredibus immobilitatem consilii sui, interposuit jusiurandum.

18. Ut per duas res immobiles, quibus impossibile est mentiri DEUM, fortissimum solatium habeamus, qui confugimus ad tenendam propositam spem.

19.

) Ostendit S. PAULUS, quam certo fidere divinis promissionibus debeamus, atque hinc cum firma fiducia necessaria divinæ gratiæ subsidia expectare, & petere, ut possimus ad promissam felicitatem pertingere; cum iureiurando interposito DEUS, qui fallere nequit, stabilierit promissiones.

currimus ad propositam metam obtinendam.

19. Hæc autem spes instar firmæ, ac tutæ anchoræ est animæ nostræ, qua ab omnibus periculis quieta inter procellas huius vitæ degit, atque nos introducit in ipsa sancta sanctorum in cœlis, ubi ipsum DEUM facie ad faciem videre liceat per interiora velaminis penetrando.

20. Ad quæ sancta sanctorum iam præcurfor pro nobis, viam complanando, & ius redimendo, introivit IESUS secundum ordinem MELCHISEDECH Pontifex factus in æternum.

19. Quam sicut anchoram habemus animæ tutam, ac firmam, & incedentem usque ad interiora velaminis:

20. Ubi præcurfor pro nobis introivit IESUS secundum ordinem MELCHISEDECH, Pontifex factus in æternum.

C A P U T VII.

Explicat Apostolus sacerdotium Christi secundum ordinem MELCHISEDECH, quod multo præstet, ac perfectius sit, quam Aaronicum, ABRAHAMO patre Leviticorum Sacerdotum decimas MELCHISEDECH pendente, & benedictionem accipiente ab eo. Cum præterea Aaronicum temporaneum tantum fuerit, hoc vero æternum immutabili

bili iuramenti vi ab ipso DEO roboratum, Christo semper vivente, postquam unico sacrificio omnia expiavit peccata, & nos perfecte sanctificavit; cum Aaronicum multis sacrificiis ne unum delictum expiarit: hinc abrogatum, & novum institutum, a quo omnia sperare licet accedentibus ad DEUM per Christum Sacerdotem, seipsum offerentem immaculatam hostiam.

1. **S**ed ut melius constet, quantam nos fiduciam in Christo collocare possimus ob hoc eius sacerdotium secundum ordinem MELCHISEDECH, quantumve inde plus incomparabiliter, quam ex Aaronico sacerdotio emolumenti sperare liceat: ab ovo est repetenda historia MELCHISEDECH: qui fuit Rex Salem Sacerdos DEI summi, tantæ præstantiæ, & auctoritatis, ut etiam ABRAHÆ maximo Patriarchæ vestro regresso a cæde regum obvians, benedictionem elargiretur.

2. Ei vero ABRAHAM ipse decimas obtulit omnis prædæ, ac spoliis grato in
DEUM

1. **H**ic enim MELCHISEDECH Rex Salem Sacerdos DEI summi, qui obviavit ABRAHÆ regresso a cæde quinque Regum, & benedixit ei.

2. Cui & decimas omnium divisit ABRAHAM:

DEUM animo, cuius ministerio, & sacerdotioungebatur MELCHISEDECH tam præstanter, ut nec nomen, nec regni sedes careat mysterio, cum ob nominis vim Rex iustitiæ, ob regiam vero suam Salem Rex pacis sit, ac dicatur.

3. De quo etiam idcirco in scripturis Spiritus S. nomen patris, matris, ac omnem prorsus genealogiam, ipsum denique initium dierum, tempusque nativitatis, ac finem reticuit, ut in eo resplendeat similitudo Filii DEI, qui secundum humanam naturam sine patre, secundum divinam expers matris, ac omnis prorsus genealogiæ, ab æterno, & in sempiternum, sine initio dierum, & fine vitæ DEUS, & Sacerdos in perpetuum sicut MELCHISEDECH.

4. Potestis autem inde conspicere quantus sit MELCHISEDECH, cui nec ipse ABRAHAM decimam partem de præcipuis rebus, ac de manubiis, quas tum temporis DEO offerre consuetudo erat, dedit, & hoc pacto in eo divinum Numen venera-

HAM: primum quidem, qui interpretatur Rex iustitiæ: deinde autem & Rex Salem, quod est Rex pacis.

3. Sine patre, sine matre, sine genealogia, neque initium dierum, neque finem vitæ habens, assimilatus autem Filio DEI, manet Sacerdos in perpetuum.

4. Intuemini autem quantus sit hic, cui & decimas dedit de præcipuis ABRAHAM Patriarcha.

neratus, seque eo inferiorem professus est.

5. Verum est quidem, quod, qui ex tribu LEVI ad sacerdotium sunt assumpti, filii nimirum, & posteritas AARON decimas recipere iubeantur a fratribus suis, & populo, iuxta præscriptum legis; ut hinc familia AARON pro fratribus etiam aliquid dignitatis obtineat:

6. At MELCHISEDECH, qui genere, & nativitate ad nullam tribuum hebraicarum pertinuit, non tantum ex Hebræis, sed a primo, ac præcipuo Patriarcha, stirpe ac patre ipsorum sacerdotum, cui DEUS omnes pro gente hebraica promissiones dederat, decimas accepit, eique benedictionem impertiit, ac DEI loco bene precatus est.

7. Atqui vero extra omnem controversiam positum est, minus, & inferius a præstantiore, ac superiore benedici.

8. Et in lege quidem Mosaica seu familia AARONIS,

5. Et quidem de filiis LEVI sacerdotium accipientes, mandatum habent decimas sumere a populo secundum legem, id est a fratribus suis: quamquam & ipsi exierint de lumbis ABRAHÆ.

6. Cuius autem generatio non annumeratur in eis, decimas sumpsit ab ABRAHAM, & hunc, qui habebat repromissiones, benedixit.

7. Sine ulla autem contradictione, quod minus est, a meliore benedicatur.

8. Et hic quidem, deci-

NIS, qui decimas accipiunt Sacerdotes, omnes homines morti obnoxii sunt: ubi autem de Sacerdote MELCHISEDECH, decimas percipiente, sermo est, scriptura nihil de morte illius commemorans, contestatur, quod vivat, eumque celebrat veluti Sacerdotem æternum, ac immortalem.

9. Atque, ut ita dicam, & quod res est, fatear, per ABRAHAMUM, MELCHISEDECHO decimas pendentem, etiam ipse LEVI cum tota Sacerdotum successione, quibus alias decimæ fuerant persolvendæ, decimatus est.

10. Quo enim tempore reduci ex prælio ABRAHAMO MELCHISEDECH obviam est factus, eique benedixit, & ab ABRAHAM decimas accepit, LEVI necdum quidem natus erat, attamen in lumbis ABRAHÆ erat, in eadem cum patre sorte.

11. Quod si Leviticum sacerdotium cum lege antiqua, ac veteri Testamento, ad quod sacerdotium hoc spectabat, perfectos homines redere potuisset, quoad nos resti-

decimas morientes homines accipiunt: ibi autem contestatur, quia vivit.

9. Et (ut ita dictum sit) per ABRAHAM & LEVI, qui decimas accepit, decimatus est:

10. Adhuc enim in lumbis patris erat, quando obviavit ei MELCHISEDECH.

11. Si ergo consummatio per sacerdotium Leviticum erat (populus enim sub ipso legem acce-

restituendos statui primævo, animæ sordes detergendas, DEO reconciliandos, & cœlestium donorum, ac gratiarum munera obtinenda, conferendaque : minime opus fuisset alio sacerdotio, quod, abrogato illo Aaronico, secundum ordinem MELCHISEDECH diceretur, ante ABRAHAM, & legem existens, ac æternum duraturum. a)

accepit) quid adhuc necessarium fuit secundum ordinem MELCHISEDECH alium surgere Sacerdotem, & non secundum ordinem AARON dici?

12. Non ergo miremini, aut indignemini vestram etiam legem antiquari : cum enim legis constitutio cum sacerdotio intime sit coniuncta, & maior pars legis occupetur in functionibus sacerdotalibus ; quando aliud sacerdotium constitutum est, aliam legem institui oportuit.

12. Translato enim sacerdotio necesse est, ut & legis translatio fiat.

13. Trans-

13.

a) Incipit Apostolus causas institutæ comparisonis inter sacerdotium Leviticum, & Christi secundum ordinem MELCHISEDECH declarare, ut ostendat recte abrogatum prius, & subrogatum alterum, quod sufficeret ad nos in perfectione consummandos : cum prius nullum aptum remedium sanandæ fanciatæ naturæ per peccatum offerret, nec opportuna subsidia, & auxilia ministraret, ut ad æternitatem felicem pertingeremus, & animas nostras salvarem a miseria : ut hinc opus fuerit novo sacerdotio, per quod & DEO reconciliari, & per gratiæ adminicula ad cœlestem patriam aspirare, & pervenire possemus.

P

13. Translatum autem esse, ac immutatum sacerdotium, inde apertissime constat, quod Christus, de cuius sacerdotio loquimur, non ex tribu LEVI, sed ex alia prorsus ortum, ac progeniem duxit, de qua tribu nullus unquam altari præsto fuit, ut sacerdotalia obiret munia.

14. Id enim apud omnes manifestum est, Christum Dominum ortum traxisse ex tribu IUDA: porro de Sacerdotibus ex illa tribu oriundis, designandis, desumendisque nihil unquam per MOYSEN in lege decretum est.

15. Accedit adhuc manifestius argumentum, quod Sacerdos, de quo est sermo, secundum ordinem, & similitudinem MELCHISEDECH exurgat aliter prorsus, quam Aaronici sacerdotii constitutio sit:

16. Non enim sacerdotium secundum ordinem MELCHISEDECH, per successionem naturalem, ac generationem carnalem, quomodo in lege veteri sacerdotium a MOYSE institutum, ut dignitas sacerdotalis ad hæredes

13. In quo enim hæc dicuntur, de alia tribu est, de qua nullus altari præsto fuit.

14. Manifestum est enim, quod ex IUDA ortus sit Dominus noster: in qua tribu nihil de Sacerdotibus MOYSES locutus est.

15. Et amplius adhuc manifestum est; si secundum similitudinem MELCHISEDECH exurgat alius Sacerdos,

16. Qui non secundum legem mandati carnalis factus est, sed secundum virtutem vitæ insolubilis.

17.

redes propagaretur, sed secundum virtutem vitæ infolubilis Christus Iesus, utpote immortalis nulla succedentium ferie ipse unicus manet. Sacerdos in æternum.

17. Quemadmodum de eo Spiritus S. per os Pfaltis contestatur, sic eum alloquens: *Tu es Sacerdos in æternum secundum ordinem Melchisedech.*

18. Præcedentis autem Testamenti, legis, ac sacerdotii, ad certum solum tempus constituti reprobatio, & abolitio non frustra, aut sine necessaria causa facta est, sed quoniam non satis roboris habebat, nec utilitatem præstabat, & virtutem optatam ad nos iustos, ac perfectos reddendos, salvandosque. a)

19. Neque enim lex vetus eam habuit vim, ut nos perficere potuerit, ac consummare ad veræ sanctitatis, & gloriæ perfectionem: sed
fuit

17. Contestatur enim: quoniam tu es Sacerdos in æternum secundum ordinem MELCHISEDECH.

18. Reprobatio quidem fit præcedentis mandati propter infirmitatem eius, & inutilitatem.

19. Nihil enim ad perfectum adduxit lex: introductio vero melioris

a) Non solum ostendit S. PAULUS præstantius esse novum Testamentum; sed etiam unice salutare, quod meliorem hinc in nobis gignit spem de gratia DEI, & salutē nostrā.

fuit quasi pædagogia ad spem, ac promissionem bonorum longe præstantiorum in Christo, Evangelioque ab eo nobis nunciato, æterna nimirum præmia, fruitionemque ipsius divini Numinis proponendo, gratiam, ac internam iustitiam conferendo, atque ad DEUM perducendo.

20. Ex eo etiam capite magna huius Testamenti novi, ac sacerdotii præstantia præ veteri elucescit, quod a DEO iurisiurandi religione firmatum sit, secus ac illud prius, cuius Sacerdotes sine iuramento constituti sunt, idcirco etiam instabiles, atque amotioni, abolitionique obnoxii.

21. Christi autem sacerdotium natum, ac firmatum est iureiurando per DEUM ipsum immutabilem, qui nunquam pœnitentia ducitur: ut hæc, omnia ex psalmo discimus, ubi de illo dicitur: *Iuravit Dominus: & non pœnitebit eum, tu es Sacerdos in æternum.*

22. Hinc etiam quo sanctiori auctoritati, & maiore

ris spei, per quam proximamus ad DEUM.

20. Et quantum est, non sine iureiurando (alii quidem sine iureiurando Sacerdotes facti sunt;

21. Hic autem cum iureiurando per eum qui dixit ad illum: iuravit Dominus, & non pœnitebit eum: tu es Sacerdos in æternum.)

22. In tantum melioris

re religione Christi sacerdotium est stabilitum, eo melioris, potiorisque Testamenti est sponfor. a)

lioris Testamenti sponfor factus est IESUS.

23. Atque Aaronici quidem Sacerdotes plures debuerunt esse numero, quorum unus alteri succederet, eoquod singuli statutis temporibus morerentur :

23. Et alii quidem plures facti sunt Sacerdotes, idcirco quod morte prohiberentur permanere :

24. Christus autem, sicuti est immortalis, atque resurgens ex mortuis post oblatum semetipsum in sacrificium iam non moritur, sic etiam sempiternum habet sacerdotium, quod tum in cœlis per seipsum, tum in terris per ministros Sacerdotes sui locum tenentes continuat, & profequitur,

24. Hic autem, eoquod maneat in æternum, sempiternum habet sacerdotium.

25. II-

25.

a) Iterum patet, cur Apostolus tam multa de singularibus novi Testamenti prærogativis differat, ut nimirum Iudæos ad fiduciam omnem ponendam in gratiæ lege persuadeat, agnita prioris Testamenti inutilitate, & proposita meliori spe, quam si rursus abiciant, nec tot gratias, & charismata in suum commodum vertant, peccatum in Spiritum S. consumment, impleta mensura reiectarum gratiarum, & cumulo peccatorum propria culpa, eoquod præsentī gratiæ tempore non utantur, nec cum fiducia supplices accedant ad Sacerdotem nostrum IESUM Christum, qui salvare in perpetuum potest accedentes per semetipsum ad DEUM.

25. Illis, qui spem suam, ac fiduciam in eo collocatam tenent, & eique supplices fiunt, promptissimum, & potētissimum ad salvandum præbens auxilium, ipsamque salutem præstans: semper nimirum vivens, & causam nostram apud Patrem suum cœlestem agens, nobisque propitium, & clementem deprecans.

26. Talis enim nobis erat necessarius Pontifex, qui sanctitate, & innocentia præditus, nulla labe, etiam originali infectus, a peccatorum consortio, vita, & moribus penitus semotus, & in cœlis primum ad dexteram Patris locum tenens.

27. Qui non habet necessitatem quotidie, sicuti Sacerdotes Aaronici veteris Testamenti primum pro suis delictis hostias offerre, deinde pro populi: pro se enim, utpote totus sanctus innocens, & impollutus nulla omnino indiget victima, pro populo autem satis ei fuit pro sempiterno suo sacerdotio semel, & quidem semetipsum in cruce obtulisse hostiam.

28. Lex

25. Unde & salvare in perpetuum potest accedentes per semetipsum ad DEUM: semper vivens ad interpellandum pro nobis.

26. Talis enim decebat, ut nobis esset Pontifex, sanctus, innocens, impollutus, segregatus a peccatoribus, & excelsior cœlis factus:

27. Qui non habet necessitatem quotidie, quemadmodum Sacerdotes prius pro suis delictis hostias offerre, deinde pro populi: hoc enim fecit semel semetipsum offerendo.

28.

28. Lex enim vetus non potuit alios Sacerdotes constituere, quam qui essent homines infirmitatem, & peccati noxam secum ferentes: Is autem, qui per iusiurandum Sacerdos est post abrogatam legem constitutus, est Filius DEI, ipseque DEUS infinito perfectionum cumulo ornatus, nec quidquam labis, aut infirmitatis in se habens.

28. Lex enim homines constituit Sacerdotes infirmitatem habentes: sermo autem iurisiurandi, qui post legem est, Filium in æternum perfectum.

CAPUT VIII.

Exhibet hic scopum, ac finem, cur agendum sibi sumserit de differentia veteris, ac novi sacerdotii, huiusque præ illo excellentia, ut nimirum ostensa illius imbecillitate causa patefieret, quare illud abolitum sit, hoc institutum, cuius umbra solum prius fuerat, terrenis mere constans promissionibus, nec hominem perfectum reddens: hinc opus fuisse novo Testamento, priore abolito, & irrito factò: hoc autem longe præstantioribus promissionibus instructum, & magna vi, & virtute non in tabulis lapideis, sed in cordibus hominum inscripta lege tam efficaciter, ut faciat implere

P 4

con-

conditiones fœderis , quod non præstitit prius, Iudæis pactum non servantibus , propterea a DEO neglectis, fœdere rupto.

1. Ceterum quæcunque a nobis dicuntur, huc unice collimant, estque hæc summa, & caput sermonis nostri, ut vobis commonstrem amplitudinem, & præstantiam Pontificis, nunc primum in novo Testamento nobis dati, atque modo confidentis in dextera throni divinæ Majestatis in cœlis. a)

2. Est autem Pontifex eiusmodi, ut veram sanctitatem conferat, & ministret in tabernaculo, & sanctuario veri nominis, non umbratili, quod ab ipso DEO est fixum, neutiquam ab homine, veluti prius a Moysæ factum.

3. Quo-

✠. Capitulum autem
1. super ea, quæ dicuntur: talem habemus Pontificem, qui consedit in dextera sedis magnitudinis in cœlis,

2. Sanctorum minister, & tabernaculi veri, quod fixit Dominus, & non homo.

3.

a) Totus itaque Apostoli scopus, ac finis est, ut Iudæos, offensæ evangelicæ legis prærogativis, quibus per merita, & sacrificium summi Pontificis, & Sacerdotis est instructa, ad ei adhærendum, illiusque gratiam quærendam, & promissiones sectandas, exstimulet, cum prius Testamentum eis nihil profuerit, nec in eo steterint: cuius rei gratia DEUS eis novum offert, quod si etiam negligant, nec præsentī gratia utantur, cum inutili sua lege intereant, non iam legali solum crimine se contaminantes, sed in Spiritum S. eius neglectis donis, peccantes.

3. Quoniam vero, quicumque Pontifex dici, ac esse debet, ad hoc constituitur, ut offerat DEO munera, & hostias pro populo; necesse fuit, & huic Pontifici nostro Christo aliquam suppetere hostiam, quam DEO in sacrificium offerat: corpus nimirum & sanguinem suum, quem pro nobis effudit, nunc autem gloriosum secum perduxit in cœlum.

4. Si enim corpus reliquisset in terra, non posset in hac corruptione sacerdotio in æternum perfungi, cum terrestre tabernaculum habeat suos Sacerdotes, qui secundum legem Moysis oblationes, & sacrificia faciunt: debuit igitur cœleste ingredi tabernaculum, ubi novi, & æterni sacerdotii munia prosequeretur.

5. Huius cœlestis tabernaculi, nec non & oblationis, ac sacrificii, quod Christus obtulit, solum similitudinem quandam habuerunt sacrificia, tabernaculum, ac templum hebraicum, atque ad hoc deservierunt, ut tanquam umbræ, ac typus cœlestium essent. Ad horum
ex-

3. Omnis enim Pontifex ad offerendum munera, & hostias constituitur: unde necessum est, & hunc habere aliquid, quod offerat.

4. Si ergo esset super terram, nec esset Sacerdos: cum essent, qui offerrent secundum legem munera,

5. Qui exemplari, & umbræ deserviunt cœlestium. Sicut responsum est MOYSI, cum consummaret tabernaculum: vide, inquit, omnia facito
P 5 fe-

exemplar omnibus effectis, sicut MOYSE ostensum est, & præceptum, cum perficeret, & consummaret tabernaculum: *Inspice*, inquit, & *fac secundum exemplar, quod tibi in monte monstratum est.* Exod. XXV. 40.

6. Nunc autem Christus tanto melius fortitus sacerdotale ministerium, quanto præstantioris Testamenti est mediator, cum prius Testamentum tam excellentes promissiones non habuerit, quam novum, terrenam solum habitationem promittens, & temporaneam; novum, cœlestem, & æternam, ad quam consequendam, atque promissiones adipiscendas, virtutem, & efficaciam Spiritus S. tribuit, facitque, ut revera participes fiamus bonorum promissorum.

6. Si enim prius Testamentum in omnibus effectum suum consecutum fuisset, atque homines ad eam sanctitatem, & perfectionem perduxisset, ut pro hominis statu etiam immortalis, & æterno nihil ultra requireretur, frustra secundo locus quæreretur.

8. Quia

secundum exemplar, quod tibi ostensum est in monte:

6. Nunc autem melius fortitus est ministerium, quanto & melioris Testamenti mediator est, quod in melioribus repromissionibus sancitum est.

7. Nam si illud prius culpa vacasset: non utique secundi locus inquireretur.

8.

8. Quia etiam culpa eorum, ad quos Testamenti illius promissio, ac pactio facta est, non fuit irreprehensibile, hinc DEUS veluti arguens, & vituperans eos, quod in pacto suo non steterint, cum Testamento suo reiiciendos iam olim per Prophetas prænunciavit: Ecce dies venient: dicit Dominus: & consummabo, atque ad finem perducam vetus Testamentum, quod cum domo ISRAEL, & IUDÆA pepigi, novumque instituam.

9. Non amplius tale Testamentum, quale in deserto cum Patribus percussi eo tempore, quo in brachio virtutis meæ eos veluti apprehensos eduxi de terra Ægypti: quoniam enim ipsi infideles fuerunt in iis rebus, quibus se obstrinxerunt, nec servaverunt pactum meum: idcirco dissipavi, & abrogavi fœdus illud, eosque propter infidelitatem abieci, neglexi, dereliqui. a)

10. Cum

8. Vituperans enim eos dicit: ecce dies venient, dicit Dominus, & consummabo super domum ISRAEL, & super Domum IUDÆA Testamentum novum,

9. Non secundum Testamentum, quod feci patribus eorum in die, qua apprehendi manum eorum, ut educerem illos de terra Ægypti: quoniam ipsi non permanserunt in Testamento meo, & ego neglexi eos.

10.

a) S. PAULUS hoc & superiore versu totum DEI consilium, & decretum circa Iudaicum populum explicat. Cum enim eos primo in populum sibi peculiarem constituisset, & fœdus cum eis iniisset, ipsi vero pacto, & promissis non starent, nec quidquam monitis, & hortationibus missorum ad ipsos nunciorum

10. Cum ergo illi sua culpa, & contumacia irritum fecerint fœdus: aliud fœdus in domo ISRAEL instituere incipiam, ipsis vero contemptibus ad gentes disponam, quod eiusmodi futurum erit, tantæque virtutis, & efficacæ, ut humanos omnes defectus, & contumaciam sit superatura; non enim tabulis lapideis leges, & mandata inscribam, sed menti eorum, ac cordi illustrando intellectum, & voluntatis affectum inflammando interiori gratiæ vi, ut ea velint, & faciant prono, ac lubenti animo: sicque ero eis in DEUM non solum per potentiam, qua eos voluntati meæ obsequentes reddam, verum etiam benevolentia, erga illos me beneficentissimum commonstrans, atque donis, & beneficiis accumulans: illi etiam erunt mihi

10. Quia hoc est Testamentum, quod disponam domui ISRAEL post dies illos, dicit Dominus: dando leges meas in mentem eorum, & in corde eorum superscribam eas: & ero eis in DEUM, & ipsi erunt mihi in populum:

II.

Prophetarum cederent: tandem DEUS Filium misit ad novum faciendum pactum, ac fœdus gratiæ, quod quia Iudæi non susceperunt, DEUS eos deseruit, & ad gentiles Evangelium convertit: quæ res in parabola de vinea, & alibi in Evangelio, est apertissime declarata: sistit autem in hac obstinatione, agnita veritatis abiectione, impœnitentia &c. peccatum eorum in Spiritum S., DEO eos deserente, hicque excisione, illic æterna damnatione peccatum puniente.

mihi in populum gratum,
obsequentemque. a)

11. Sic autem hæc omnia disponam, ut non in uno aliquo terræ angulo hæc lex doctrinæ, ac pacti cœlestis appareat, & cognoscatur: sed ut omnes sciant me Dominum & Patrem suum non solum doctrina exterius per fidei præcones adveniente, verum etiam Spiritu S. lumen affundente, & unctione cœlesti intus docente, cuius maior sit vis, quam ut ab homine suppeditari queat: qua luce maxime in æterna patria fruentur, ubi opus non erit mei notitiam aliunde quam a me haurire.

12. Quia propitius reditus eorum iniquitatibus, & peccatorum eorum nunquam amplius rememorans, eos gratia, & gloria dignabor, in quo novi fœderis est constituta ratio.

13. Quod

11. Et non docebit unusquisque proximum suum, & unusquisque fratrem suum dicens: cognosce Dominum: quoniam omnes scient me a minore ad maiorem eorum:

12. Quia propitius ero iniquitatibus eorum, & peccatorum eorum iam non memorabor.

13.

a) In hoc ergo novæ legis excellentiæ sita est, quod contineat promissionem gratiæ internæ, benedictionum spiritualium remissionis peccatorum, Spiritus S. & vitæ æternæ: cum conditione fidei, & obedientiæ, præsertim autem dilectionis: quæ omnia ipsa lex interiore gratiæ virtute præstat, efficitque iustos homines, & DEO acceptos.

13. Quod pactum novum & Testamentum dum constituitur, sequitur, antiquari, & aboleri prius, ac vetus, quod dum fit, patet non longe abesse illius interitum, cum iam sit antiquatum, & senuerit. a)

13. Dicendo autem novum, veteravit prius; quod autem antiquatur, & senescit, prope interitum est.

C A P U T IX.

Facta recensione rerum ad sacra veteris Testamenti pertinentium, functionumque sacerdotalium ad emundationem legalem, eoquod omnia

- a) Hic interitum omnem synagogæ, & veteris Testamenti, ac reiectionem Iudæorum, excisionemque, quæ non longo post tempore accidit, haud obscure Apostolus prædicit, ut Iudæos Christianos deterreat, ne iterum a fide deficiant, & ad synagogam revertantur: quo facto se illi pœnæ subiicerent, quam gens Iudaica tam in hoc, quam altero seculo erat expertura, in iustam peccati sui in Spiritum S. vindictam, quæ hic non solum abolitionem veteris pacti, verum etiam reiectionem a novo fœdere, eiusque ad gentes translationem operabatur. Non quod oblata non fuerit, sed quod recipere detrectarit Iudaica gens novi fœderis huius gratiam, sicuti constat ex Evangelii historia. Itaque patet, hoc fine ac scopo Apostolum tam copiose de abolitione veteris Testamenti, & sacerdotii, ac constitutione novi hic tractare, ut Iudæos status sui, peccati, & decreti divini commoneat, si gratiæ tempus præterlabi sinant: sicuti postea experta est tota gens, aliis obstinate in errore perseverantibus, aliis post agnitam veritatem iterum ad errorem revertentibus.

omnia ibi terrena, & caduca essent, quæ nihil ad veram sanctificationem conferre possent, deducit necessitatem melioris Testamenti, Christi sanguine firmati, cuius solum umbram vetus habuerit, per sanguinem quidem, sicuti ad veram Testamenti rationem requiritur, dedicatum, sed tantum animalium; cum Christus per proprium sanguinem semel in Sancta sanctorum introierit, nobis etiam facultate introeundi facta.

1. **M**inime autem prius Testamentum omni prærogativa, & religioso usu, ac ornatu spoliatum volo, habuit etiam illud suos ritus, & ceremonias ad cultum divinum hominisque quandam iustificationem, locum quoque ad hoc sanctificatum, quem homines religionis causa adirent, sed mundanis, corporalibus, & temporaneis tantum rebus instructum.

2. Ac primo quidem constructum est tabernaculum, in quo religiose servabantur candelabra, mensa, & septem illi panes in mensa expositi, *propositionis* dicti.

3. Tum

✠. **H**abuit quidem & prius iustificationes culturæ, & sanctum seculare,

2. Tabernaculum enim factum est primum, in quo erant candelabra, & mensa, & propositio panum, quæ dicitur Sancta.

3.

3. Tum erat altera tabernaculi sacratior pars, velo iterum a priore distincta: hæc vocabatur Sancta sanctorum, ob maiorem religionem, atque sanctiores res, quæ hic continebantur.

4. Thuribulum scilicet aureum ad suffitum semel quotannis ab ingrediente Pontifice adolendum; arca quoque Testamenti laminis aureis undique circumtectæ; ubi etiam urna aurea erat, manna olim e cœlo Israelitis in cibum datum, & virga AARON, quæ licet a stirpe resecta esset, tamen fronderat: inerant etiam tabulæ Testamenti, in quibus decalogus manu DEI descriptus.

5. Supra arcam spectabantur imagines Cherubim testes præsentia DEI, ubi scilicet in nube gloria Domini appareret, alis autem suis obumbrabant propitiatorium, de quibus omnibus, ut singulatim plura dicamus, nihil ad præsens institutum est opus, cum potius de Sacerdotibus sit agendum comparatione facta eorum, qui in priore hoc fœdere fuerunt, qui vero in fœdere Christi, novi

3. Post velamentum autem secundum, tabernaculum, quod dicitur Sancta sanctorum:

4. Aureum habens thuribulum, & arcam Testamenti circumtectam omni parte auro, in qua urna aurea habens manna, & virga AARON, quæ fronderat, & tabulæ Testamenti,

5. Superque eam erant Cherubim gloriæ obumbrantia propitiatorium: de quibus non est modo dicendum per singula.

novi Testamenti Sacerdotis.

6. Itaque in hunc modum partibus tabernaculi distributis, sacraque suppellectili composita: in anteriorem tabernaculi partem Sacerdotibus nullo non tempore accessus patebat; ingrediebantur, quoties sacris opera danda, ac sacrificiorum officia consummanda,

7. In alteram vero secretiorem tabernaculi partem solus Pontifex, & id quidem una tantum anni die, nec sine profuso sanguine vituli pro suis, & hirci pro populi peccatis in festo expiationis.

8. Quod autem soli Pontifici intra interius hoc velum in Sancta sanctorum penetrare licebat, significare voluit Spiritus S., quo auctore MOYSES hos ritus constituerat, necdum hominibus esse patefactum aditum ad vera Sancta sanctorum coelestia, quia nondum veram sanctitatem consecuti erant per sacrificium, & expiationem Christi.

6. His vero ita compositis: in priori quidem tabernaculo semper introibant Sacerdotes sacrificiorum officia consummantes;

7. In secundo autem semel in anno solus Pontifex, non sine sanguine, quem offert pro sua, & populi ignorantia,

8. Hoc significante SpirituS., nondum pro palatam esse Sanctorum viam, adhuc priore tabernaculo habente statum.

9. At-

Q

9.

9. Atqui hi ritus, & tabernaculi dispositio est typus, ac representatio eorum etiam quæ nunc adhuc apud vos fieri cernimus: cum enim munera, & hostiæ, quas Sacerdotes vestri offerunt, deprehensæ sint, non posse secundum interiorem hominem, & animam veram, & perfectam sanctitatem conferre, opus fuit novam religionis formam instituere, abolitis his ritibus infructuosis, ut qui in solo ciborum, & potus delectu,

9. Quæ parabola est, temporis instantis, iuxta quam munera, & hostiæ offeruntur; quæ non possunt iuxta conscientiam perfectum facere servientem, solummodo in cibis, & in potibus,

10. Variis ablutionibus, & purgationibus carnis, quæ virtute non pollebant interiorem animam, sed solum exterius corpus emundandi, & quandam legalem conferendi puritatem: quæ ceremoniæ eousque perdurare debebant, donec per Christum corrigerentur, cultusque DEI internus, & spiritalis ad veram interiorem emundationem institueretur. a)

10. Et variis baptismatibus, & iustitiis carnis, usque ad tempus correctionis impositis;

11. Ita-

11.

a) Prodit iam iterum se aperte finis, ac scopus Apostoli, ut Iudæos ostensa inutilitate veterum rituum ad firmiter adhaerendum legi gratiæ adduceret, a qua expectarent confidenter veram emundationem, per quam idonei redderentur ad Sancta illa Sanctorum cœlestia introire, & promissionibus non tem-

11. Itaque Christus advenit in hunc mundum, ut Pontificis munus nostri causa obiens compararet thesauros, quibus futuræ, & æternæ vitæ participes esse possemus, vera nos iustificatione, & sanctitate beans, ac gratiæ viribus instruens: introivit vero per tabernaculum assumptæ suæ humanæ naturæ mirabili opere ipsius Spiritus S. in utero Virginis efabricato, sicque consors, & congener noster nos etiam in structuram eiusdem assumpsit ex omni terra Ecclesiam in corporis, ac Spiritus unitatem coadunans.

12. Cum vero veteres Sacerdotes sanguinem solum hircorum, & vitulorum in sanctuarium inferrent semel quotannis, Christus ipse victima pro expiatione effectus per proprium sanguinem effusum semel in ara crucis introivit in Sancta cœlestia & æterna, adeptus ius, & potestatem conferendæ redemptionis

11. Christus autem assistens Pontifex futurorum bonorum, per amplius, & perfectius tabernaculum, non manufactum, id est, non huius creationis,

12. Neque per sanguinem hircorum, aut vitulorum, sed per proprium sanguinem semel in Sancta æterna redemptione inventa.

13.

poraneis, sed æternæ vitæ gaudere, quodsi negligent, tempus esse, ut ipsi cum sua lege, & ceremoniis pereant, quod factum iam templo & genti incumberet, abolito veteri suo fœdere, & novo instituto.

Q 2

nis iis omnibus, qui eodem cum eo sunt adunati corpore, & viva, sanctaque membra Ecclesiæ manent.

13. Si enim sanguis hircorum, & taurorum, cum in sacrificium offerretur, & aspersio aquæ, cui immixtus fuerat cinis, rufæ vitulæ immolatæ, & crematæ aliquid facere voluerit ad sordes, inquisitionesque legales abstergendas, eosque, qui exteriorem aliquam, ac carnalem immunditiam contraxerant, expiandos:

14. Quanto magis sanguis Christi, æterni Patris Filii, qui seipsum DEO Patri obtulit victimam immaculatam, opere Spiritus S., ad hoc beneficium bonitatis divinæ in nos conferendum, moventis, maximo, quo emundetur conscientia nostra a sordibus, & lepra spirituali, atque a reatu, & servitute peccati soluti, possimus digne DEO viventi servire, ac ipsius cultui vacare.

15. Hæc causa fuit, quare Christus mediator Testamentum novum institueret bona nobis spiritualia, ac cœlestia con-

13. Si enim sanguis hircorum, & taurorum, & cinis vitulæ aspersus, inquinatos sanctificat ad emundationem carnis,

14. Quanto magis sanguis Christi, qui per Spiritum Sanctum seipsum obtulit immaculatum DEO, emundabit conscientiam nostram ab operibus mortuis ad serviendum DEO viventi?

15. Et ideo novi Testamenti mediator est :
ut

consignans, delensque vetus chirographum peccati: ut autem vera Testamento ratio constaret, quo ceu hæredes horum omnium bonorum scriberemur, & redimeremur a debito earum prævaricationum, quæ sub priori Testamento aut manserant, aut etiam noviter accefferant, debuit mors Christi intercedere.

16. Ubi enim Testamento hæreditas legari debet, necesse est prius mortem operari testatorem, quam adiri hæreditas queat.

17. Testamentum enim robur, ac vigorem per obitum testatoris accipit, & quamdiu is in vivis degit, omni vi, ac auctoritate destituitur: sic ergo mors Christi præcedere debuit, antequam nos hæreditati cœlesti capiendæ apti essemus.

18. Id vel inde constare potest, quod nec prius Testamentum per MOYSEN cum populo Israelitico ad capefendam hæreditatem terræ Canaan solemniter dedicatum, & confectum sit sine sanguine, non ipsius quidem testa-

ut morte intercedente in redemptionem earum prævaricationum, quæ erant sub priori Testamento, repromissionem accipiant, qui vocati sunt, æternæ hæreditatis.

16. Ubi enim Testamentum est, mors necesse est, intercedat testatoris,

17. Testamentum enim in mortuis confirmatum est: alioquin nondum valet, dum vivit, qui testatus est.

18. Unde nec primum Testamentum sine sanguine dedicatum est.

Q 3 19.

testatoris, sed animalium eo iubente neci datorum.

19. Sic enim sacræ litteræ historiam huius confecti Testamenti referunt: MOYSEN perlecta omni lege coram universo populo, ceu tabulis Testamenti propositis accepisse sanguinem vitulorum, & hircorum unacum aqua, lana coccinea, & hyssopo, hisque librum ipsum, & totum populum in testimonium facti Testamenti resperxisse, eiusmodi verba pronuncians:

20. Hic est sanguis effusus, ut esset in confirmationem, & ratihabitionem Testamenti, quod per meum ministerium in gratiam vestri facit DEUS, ad consignandam vobis hæreditatem terræ Canaan.

21. Et non ita multo post, cum esset confectum tabernaculum, etiam illud, nec non omnia vasa, quæ in ministerium sacrum erant destinata, similiter sanguine conspersa initiavit.

22. Denique secundum legis præscriptum omnia pene, quæ

19. Lecto enim omni mandato legis a MOYSE universo populo, accipiens sanguinem vitulorum, & hircorum cum aqua, & lana coccinea, & hyssopo: ipsam quoque librum, & omnem populum aspersit, dicens:

20. Hic sanguis Testamenti, quod mandavit ad vos DEUS.

21. Etiam tabernaculum, & omnia vasa ministerii sanguine similiter conspersit.

22. Et omnia pene in sanguine secundum le-

quæ saltem maioris momenti sunt, emundationes, & purificationes legales, per sanguinem fiebant: neque noxæ, aut culpæ alicuius legalis remissio fiebat sine sanguinis effusione, quamvis alia immunditiarum genera, aliter nonnunquam purgarentur.

23. Atque vetus tabernaculum, & Testamentum, quæque eo pertinebant, factis fuit eiusmodi terrenis, & exigui pretii rebus, a brutis animalibus sumto sanguine, purificari, quia tantum sunt typus, ac figura cœlestium: ipsa autem cœlestia novi Testamenti pacta, & sacra, quæ habent æternæ hereditatis stipulationem, firmanda, & sacrandæ sunt aliis longe hostiis, quam sint istæ, ipso nimirum sanguine Iesu Christi.

24. In quæ enim Sancta sanctorum IESUS per proprium sanguinem introivit, ea non sunt opera humana, sicut tabernaculum MOYSES, facta; nec sunt solummodo in typum, & figuram veri sanctuarii constituta: sed hæc Sancta sunt ipsum
cœ-

legem emundantur, & sine sanguinis effusione non fit remissio.

23. Necessæ ergo exemplaria quidem cœlestium his mundari, ipsa autem cœlestia melioribus hostiis, quam istis,

24. Non enim in manufacta Sancta IESUS introivit, exemplaria verorum: sed in ipsum cœlum, ut appareat nunc vultui DEI pro nobis.

Q 4

25.

cœlum, quo Christus intra-
vit, ut Pontifex, & media-
tor pro nobis appareat vul-
tui DEI, & causam nostram
agat, introitum ad hæc Sancta
nobis etiam faciendo.

25. Non autem necesse
habet sapius sese cruentam
hostiam DEO offerre, & sic
introire in sancta: quemad-
modum veteris Testamenti
Pontifex singulis annis, alieno
sanguine animalium sumto se-
cum, introire debuit.

26. Nam si sapius foret
repetenda expiatio Christi,
sapius inde a mundi origine,
cum primum peccato infici
homines cœperunt, pati eum
necesse fuisset: nunc autem
postremo hoc tempore sei-
psum semel hostiam ad de-
struendum peccati regnum,
& nos DEO teconciliandos,
dignosque cœlesti hæreditate
reddendos, obtulit.

27. Et quemadmodum, ut
homines propter peccatum
primi parentis semel tantum
mortem fufferant, statutum
est, & post hanc mortem
statim divino iudicio sistun-
tur, ut semel tantum senten-
tia prolata in omnem æter-
nita-

25. Neque ut sæpe of-
ferat semetipsum, quem-
admodum Pontifex in-
trat in Sancta per sin-
gulos annos in sangui-
ne alieno :

26. Alioquin opor-
tebat eum frequenter
pati ab origine mundi:
nunc autem semel in
consummatione sæcu-
lorum, ad destitutio-
nem peccati per ho-
stiam suam apparuit.

27. Et quemadmo-
dum statutum est ho-
minibus semel mori,
post hoc autem iudi-
cium,

nitatem quorumcunque constitutur fors :

28. Ita Christus semel tantum oblatus est plusquam sufficiens pretium ad delenda, & exhaurienda peccata, cuius etiam fructum multi percipient. Altera quidem adhuc vice apparebit, non autem amplius pro nobis victima peccati factus, sed tanquam iudex, illis, qui in ipsum crediderint, fiduciamque collocarint, expectantes beatam spem, & iudicium futuræ felicitatis, salutem æternam collaturus.

28. Sic & Christus semel oblatus est ad multorum exhaurienda peccata; secundo sine peccato apparebit expectantibus se, in salutem.

CAPUT X.

Demonstrata ergo inutilitate sacrificiorum veterum, quæ nec placere DEO, nec placare eum potuerunt, commendat Filii DEI benignitatem, qua corpus humanum assumens hostia DEO grata, nos vere sanctificans, & aptos regno DEI reddens, fieri voluit. In hoc ergo sacrificio Christi plene nos confidere vult, nec aliunde quidquam subsidii ad nos salvandos sperare. Redit deinde ad pœnam, & vindictam, quam illi

Q 5

ex-

*experturi sint, qui gratiam oblatam neglexerint, eo modo, quo iam capite sexto de hac re disse-
ruerat: confirmans in spe, sed præsumtionem
damnans, si nimirum Spiritui gratiæ contu-
meliam fecerint, hortatur ad
patientiam ad tempus.*

1. **L**ex enim vetus um-
bram, ac rudem de-
lineationem complectebatur
eorum bonorum, quæ aut
deinceps in Ecclesia futura
erant, uti expiatio, sanctifi-
catio, & sacrificium vere
propitiatorium; aut etiam
aliquando in cœlis possiden-
da sunt, quorum veram ima-
ginem Ecclesia ostendit, &
præ gustum quendam cœle-
stium promissionum exhibet,
quas etiam certa nobis con-
ciliandi auxilia præbet, nos-
que debita ad ea adipiscenda
perfectione instruit: cum an-
tiquæ hostiæ eadem plane
per singulos annos, licet in-
definenter offerrentur, nun-
quam potuerint perfectos
reddere accedentes, ac offe-
rentes.

2. Alias, si hæc sacrificia
perfecte expiassent peccata,
deinceps offerri cessassent:
ut-

1. **U**mbram enim ha-
bens lex futuro-
rum bonorum, non
ipsam imaginem re-
rum: per singulos an-
nos eisdem ipsis ho-
stiis, quas offerunt in-
definenter, nunquam
potest accedentes per-
fectos facere:

2. Adeoque cessas-
sent offerri: ideo quod
nul-

utpote quod, conscientia peccati, & reatu homines amplius non stringente, post præscriptas victimas immolatas, non iterum opus foret aliis deinceps;

3. Cum tamen constet eorundem peccatorum expiatorum commemorationem per singulos annos fieri,

4. Non alia certe de causa, quam quod fieri non possit, ut in sanguine taurorum, & hircorum virtus resideat delendi, & auferendi culpam, ac labem peccatorum:

5. Idcirco cum primum Christus assumpta humana natura mundum esset ingressus, hoc modo Patrem suum cœlestem est affatus: quoniam eiusmodi hostiis, quales ante me in lege Mosaica offerebantur, non placaris, nec pro hominibus tibi reconciliandis acceptare vis: & iam corpore me induisti, ut illud per mortis meæ sacrificium tibi offerrem, essemque tibi placita hostia,

6. Eoquod gratum tibi, & acceptum non fuit, ut a me
tibi

nullam haberent ultra conscientiam peccati, cultores semel muniti;

3. Sed in ipsis commemoratio peccatorum per singulos annos fit,

4. Impossibile enim est, sanguine taurorum, & hircorum auferri peccata:

5. Ideo ingrediens mundum dicit: hostiam, & oblationem noluisti, corpus autem aptasti mihi.

6. Holocautomata
pro

tibi holocaustata, aut quidquam eorum, quæ lex postulat, offeratur.

7. Tunc dixi: ecce adsum in carne, sicut in volumine sacræ scripturæ, imo æternæ prædestinationis de me scriptum est, & destinatum, ut hanc tuam DEUS, impleam voluntatem, tibi que meipsum, factus obediens usque ad mortem, sacrificem, ad iustam pro peccatis satisfactionem.

8. Cumque prius dixisset a Patre suo nec hostias, nec oblationes, nec holocaustata pro peccatis postulari, aut acceptari pro reconciliatione, & satisfactione; nec placita sibi esse, quæcunque sacrificiorum genera secundum legem offerenda præscribuntur.

9. Postea subiungit, ac sese offert paratum ad satisfaciendum divinæ voluntati: Ecce venio, ut faciam voluntatem tuam: quo innuit, declaratque, hostias antiquas, & sacrificia in templo offerri solita DEUM nolle, atque unum IESU Christi sacrificium esse iuxta voluntatis suæ beneplacitum, ac decretum.

10. Ita-

pro peccato non tibi placuerunt.

7. Tunc dixi: ecce venio: in capite libri scriptum est de me: ut facerem, DEUS, voluntatem tuam.

8. Superius dicens: quia hostias, & oblationes, & holocaustata pro peccato nolui, nec placita sunt tibi, quæ secundum legem offeruntur.

9. Tunc dixi: ecce venio, ut faciam voluntatem tuam: aufert primum, ut sequens statuatur.

10.

10. Itaque, quoniam ad hanc DEI voluntatem implendam in terras venit, ac mortale corpus nostrum assumpsit Christus Iesus, per huius corporis oblationem semel in cruce factam, veram sumus consecuti sanctificationem nostram.

11. Licet vero quilibet veteris legis Sacerdos semper præsto sit, ad quotidie sacrum oblationis implendum ministerium, easdem etiam non cesset sæpius offerre hostias, nunquam tamen hæc tantæ virtutis sunt, ut ad peccata auferenda sufficiant.

12. Christus Iesus vero, postquam ad expianda peccata nostra semel tantum sese victimam obtulit, iam in cælos, nunquam in terram, ut immoletur reversurus, abiit, sedemque suam ad æterna tempora in dextera DEI tenet:

* 13. Id unice adhuc expectat ad extremum iudicii diem, ut inimici eius penitus domiti, sub scabellum pedum eius abiciantur.

14. Uni-

10. In qua voluntate sanctificati sumus per oblationem Corporis IESU Christi semel.

11. Et omnis quidem Sacerdos præsto est quotidie ministrans, & easdem sæpe offerens hostias, quæ nunquam possunt auferre peccata:

12. Hic autem unam pro peccatis offerens hostiam, in sempiternum sedet in dextera DEI,

13. De cetero expectans, donec ponantur inimici eius scabellum pedum eius.

14.

14. Unica autem corporis sui oblatione sic consummavit, atque perfectam reddidit sanctitatem electis suis, ut nunquam amplius resumere necessum sit alteram, pro expiandis mundi peccatis, hostiam.

15. Id quod ipse Spiritus S. apertis verbis in sacris scripturis nobis contestatur, & declarat. Postquam enim dixisset, & prænuntiasset

16. Testamentum, quod testari propositum haberet ad nos post effluxos prioris Testamenti dies, illoque veteri repudiato, id in hunc modum nobis describit: dando leges meas in cordibus eorum per virtutem, & internam gratiæ unctionem, eas ipsorum mentibus inscribam, intimeque infigam:

17. Sic autem per unicam hostiam huius Testamenti, mortem nimirum Christi omnium peccatorum, & iniquitatum recordationem a conspectu DEI auferam, ut nunquam amplius in ultricem memoriam redeant, ac nova hostia opus sit.

18. Post-

14. Una enim oblatione consummavit in sempiternum Sanctificatos.

15. Contestatur autem nos & Spiritus Sanctus. Postquam enim dixit:

16. Hoc autem Testamentum, quod testabor ad illos post dies, dicit Dominus: dando leges meas in cordibus eorum, & in mentibus eorum superscribam eas:

17. Et peccatorum, & iniquitatum eorum iam non recordabor:

18.

18. Postquam enim plena, & nunquam revocanda remissio peccatorum indulta est, non est amplius opus, ut ad delenda peccata oblatio altera, ac iterata fiat.

19. Cum igitur fratres per sacrificium sanguinis Christi pro nobis effusi libera facultas, certa spes, & fiducia data sit ingrediendi in sancta æterna, & cœlestia.

20. Viam enim vobis, ac aditum Christus patefecit per velamen carnis suæ, qua Divinitatem texit, & in victimam pro nobis obtulit, primus ipse ingressus nobis etiam cœli portas aperiens: nova utique via, ac viva, & efficaci, quæ semel aperta, deinceps non recluditur.

21. Quoniam Christus semper manet Sacerdos vere magnus, & omnipotens pro nobis, qui sumus domus, & Ecclesia eius, quam acquisivit sanguine suo, eique præfectus est,

22. Accedamus a) non ficto, & ancipiti corde, sed aper-

18. Ubi autem horum remissio: iam non est oblatio pro peccato.

19. Habentes itaque fratres fiduciam in introitu Sanctorum in sanguine Christi,

20. Quam initiavit nobis viam novam, & viventem per velamen, id est carnem suam:

21. Et Sacerdotem magnum super domum DEI.

22. Accedamus cum vero

a) Postquam Apostolus exposuisset, quid præ veteri ex novo Testamento eiusque sacrificio sperare nobis liceat, ut qui conse-

aperto, & sincero plena, & indubitata imbuti fidei persuasione, & confidentia, postquam a maculis conscientiae peccatorum per sanguinem Christi mundati fuerimus, per lavacrum baptismi primum sanctificati.

23. Constantes, ac firmi simus in ea, quam fecimus, professione, ut ne quid spem, ac fiduciam nostram concutiat, cum enim DEI nitatur promissis, qui fidelis, ac verax est, mentiri, & falli nescius, nihil est, quod hæsitemus.

24. Observemus alii aliorum præclaras virtutes, & dotes, easque æmulari studeamus exstimulantes, atque mutuis studiis acuentes ad charitatem, & opera bona.

25. Non

vero corde in plenitudine fidei, aspersi corda a conscientia mala, & abluti corpus aqua munda.

23. Teneamus spei nostræ confessionem indeclinabilem (fidelis enim est, qui repromittit.)

24. Et consideremus invicem in provocationem charitatis, & bonorum operum:

25.

cuti hinc simus remissionem peccatorum, adoptionem, regenerationem, salutem denique, atque ad hæc omnia meritis, gratia, & auxiliis uberrimis instructi, officii commonefacit: ut libertatem consecuti, & spem certam accedamus humili corde, ac supplici prece confidenter, participes effecti gratia Christi, & compotes virtute sacrificii illius per Sacramenta: & sic omni fiducia in Sacerdotem magnum collocata ab illo expectemus secure, impenseque efflagitemus, quidquid ad hæreditate capiendas divinas promissiones gratiæ, & meritorum Christi est necessarium.

25. Non subtrahatis vos a communione precum publica, congregationibusque fratrum, ac cœtu fidelium, quemadmodum consuetudinis est quibusdam aut metu, aut offensione quadam observationum, ac rituum: sed potius conventus celebrantes solatio invicem sitis, mutuisque vos adhortationibus excitetis, ac roboretis, præsertim cum iam variis indiciis deprehendatis, cernatisque, appropinquare diem vindictæ in gentem vestram, non procul ab excidio distantem. a)

26. Quodsi enim nos, qui iam DEO donante, & Spiritu S. afflante accepimus, & tenemus notitiam, & convictionem veritatis evangelicæ, promissionesque præstolamur, & gratiæ virtutem

25. Non deferentes collectionem nostram, sicut consuetudinis est, quibusdam, sed consolantes, & tanto magis, quanto videritis appropinquantem diem.

26. Voluntarie enim peccantibus nobis post acceptam notitiam veritatis iam non relin-

qui-

a) Hortatur hic Apostolus, ut mutua æmulatione pergant in pietatis ac fidei professione, eosque terret proposita expectatione plenæ reiectionis gentis Iudaicæ, & excisionis ipsius urbis ac templi, abolito prorsus, & rescisso pacto, & Testamento: DEO iustam vindictam sumente, quod nec in veteri Testamento fideles steterint, nec novum suscipere voluerint, quantis etiam signis & virtutibus Spiritus S. ad hoc provocati fuerint. Hinc peccatum, & pœna peccati in Spiritum S.

R

tem experimur, destinata opera, & voluntate præcipientes in peccata ruerimus, præsertim si nos in peccatum infidelitatis rursus projecerimus, non est quod ullam exspectemus aliam pro peccatorum expiatione hostiam, si ipsam, quæ a Patre nobis data est, sic abiecerimus. a)

quitur pro peccatis hostia.

27. Nihil superest iis, qui tales se adversarios, & iuratos hostes veritatis, ac legis evangelicæ præbent, quam ut sustineant appropinquantem diem terribilis DEI iudicii, ac sententiæ ultricis, vindicisque iustitiæ divinæ, zeli denique, ac furoris Domini, igne devorandos, consum-

27. Terribilis autem quædam expectatio iudicii, & ignis æmulationis, quæ consumptura est adversarios.

28.

a) Non est hic versiculus a superiore separandus, in quo Apostolus propinquum ruinæ & desertionis Iudæorum diem esse dicit, cum particula causalis utraque hic connectenda innuat commata: vult ergo Apostolus Iudæos ad Christum conversos exemplo Iudæorum perversorum, & in errore suo obstinatorum terrere, ne agnita iam veritate christiana, ab ea deficientes, aut ne virtutem gratiæ evangelicæ experti, peccata accumulantes, in eam gentilium suorum sortem prolabantur, frustra expectata alia expiandi peccata hostia præter eam, quam contemnunt, atque indignos se reddunt, ut illius beneficio fruantur, DEO tandem deferente iusto iudicio, ut magis magisque impingant, ac ruant tandem in præcipitium, detineanturque efficacia erroris, ut videntes non videant &c. sicut accidit Iudæis cæteris.

sumendosque tradentis eiusmodi gratiæ DEI inimicos, & in Spiritum S. iniurios.

28. Neque miretur quis hunc iustitiæ rigorem; nam si quis legem MOYSIS in quopiam capitali articulo irritam facit, ac transgreditur, absque ulla miseratione, & indulgentia morte plectitur, si duobus, aut tribus testibus fuerit sceleris convictus.

29. Quanto existimatis maiori, & acerbiori, sine omni misericordia, supplicio afficiendum esse, qui ipsum Filium DEI, eiusque legem contemserit, & turpiter conculcaverit flagitiis, sceleribus, aut perfidia, qui sanguinem Christi, quo ipsius, nostri gratia factum Testamentum est firmatum, velut rem fordidam abiecerit, abiecta spe, & fiducia in illius virtutem, & efficaciam peccata expiandi, nosque sanctifican-

28. Irritam quis faciens legem MOYSI, sine ulla miseratione quobus vel tribus testibus moritur.

29. Quanto magis putatis deteriora mereri supplicia, qui Filium DEI conculcaverit, & sanguinem Testamenti pollutum duxerit, in quo sanctificatus est, & Spiritui a) gratiæ contumeliam fecerit.

30.

a) Quis hic non agnoscat de eo peccato agi, quod apud MATTHÆUM, aliosque Evangelistas peccatum in Spiritum S. dicitur? quibus enim clarioribus verbis tum ipsum sceleris genus, tum eius naturam describere potuisset?

R 2

ficandi (cum tamen iam ex hoc sanguine antea sanctificationem, iustificationemque perceperis) atque Spiritum S., per quem omnis gratiæ abundantia liberalissime in cordibus nostris diffunditur, postquam etiam eius afflatum quis accepit, & virtutem expertus fuit, contumelia affecerit, eius moliminibus resistendo, & dona spernendo. a)

30. Novimus, quid de se ipso, atque iustæ iræ severitate in lege vestra dixerit: *Mibi vindicta*, & ego retribuam, nimirum contemnentes me contemnam, gratiam abiicientes abiiciam, ac repellam. Et iterum de Domino DEO dicitur, eum iudicaturum populum suum.

31. Quam

30. Scimus enim, qui dixit: mihi vindicta, & ego retribuam. Et iterum: quia iudicabit Dominus populum suum.

31.

- a) Nemo non intelligit peccatum in Spiritum S. designari, cuius funestos effectus iam superioribus versibus descripserat, atque eandem illius definitionem tum hic, tum c. VI. 4. 5. 6. nobis tradit, qualis apud Matth. XII. 31. habetur, passimque apud Evangelistas extat, dum, modo aperte, modo obscurius, & plerumque per parabolas, Iudaica gens illius rea agitur: quod clarissime in hac epistola Apostolus facit, propius iam accedente die ultionis, & pœnæ tum in hoc, tum altero seculo expectandæ; cuius terrore Iudæos in Christum iam credentes vult hac epistola in fidei constantia, & fiducia in merita, ac satisfactionem Christi stabilire, & corroborare.

31. Quam vero horrendum est experiri iudicium strictum Domini, & incidere in manus ultricis vindictæ DEI viventis in perpetuum, & immutabilis?

32. Revocate in memoriam (ut non incidatis in simile infidelitatis, & perfidiæ exemplum) quid pristinis diebus gratia fidei, qua estis donati, in vobis operata sit, ut ea corroborati, non formidaretis magnum certamen variarum passionum, & persecutionum sustinere pro fide.

33. Partim quidem ipsimet opprobriis, & contumeliis affecti spectaculum fuistis hominibus: partim vero eorum, qui talia experti sunt, focii, ob eandem causam non deseruistis eorum consortium, & patienter eis condoluistis.

34. Nam & vinctis misericordia moti, & pio affectu eorum necessitatibus pro facultate succurristis, ac ipsi direptionem facultatum, bonorumque vestrorum cum gaudio interno Spiritus sustinuistis propter spem futuræ melioris, & æternæ sub-

stan-

31. Horrendum est incidere in manus DEI viventis.

32. Rememoramini autem pristinos dies, in quibus illuminati magnum certamen sustinuitis passionum.

33. Et in altero quidem opprobriis, & tribulationibus spectaculum facti: in altero autem focii taliter conversantium effecti.

34. Nam & vinctis compassi estis, & rapinam bonorum vestrorum cum gaudio suscepistis, cognoscentes vos habere meliorem,

R 3 &

stantiæ promissæ in cœlis talia pro Christo sustinentibus in terra.

& manentem substantiam.

35. Nolite ergo nunc deum post tot insignia fidei specimina confidentiam vestram in Christum abiicere, ne forte eam excidatis, perdatisque spem obtinendæ magnæ remunerationis.

35. Nolite itaque amittere confidentiam vestram, quæ magnam habet remunerationem:

36. Adhuc enim patientia vobis in his persecutionibus opus est, ut voluntatem DEI sic constanter implentes, recipiatis promissam vitæ æternæ hæreditatem.

36. Patientia enim vobis est necessaria, ut voluntatem DEI facientes, reportetis promissionem,

37. Adhuc enim modicum restat temporis, & veniet ad iudicium Christus, præmia perseverantibus, pœnas deficientibus redditurus:

37. Adhuc enim modicum aliquantulum, qui venturus est, veniet, & non tardabit:

38. Ipsi enim divini Spiritus per Prophetam effatum est, iustos, & electos DEI per fidem habere Spiritus vitam; quod si hanc amiserint, & abiecerint, non amplius eos placere posse DEO.

38. Iustus autem meus ex fide vivit: quod si subtraxerit se, non placebit animæ meæ.

39. Nos autem, qui fidem evangelicam amplexi sumus,
non

39. Nos autem non
fu-

non sumus ex numero eorum, qui se subtraxerunt, & relictī sunt in perditionem, sed sumus fideles in fide, ut animas nostras lucremur, æternamque felicitatem acquiramus.

sumus subtractionis filii in perditionem, sed fidei in acquisitionem animæ.

CAPUT XI.

Fidei naturam, & insignes effectus exponit Apostolus; inde ab origine mundi exempla producit, quid pii quique, ac Sancti vi, ac virtute fidei præstiterint, quamvis ante nos ad possessionem promissionum divinarum pertingere non potuerint: hæc autem omnia cum in finem ab Apostolo in medium producuntur, ut Hebræos exemplo Patrum in Christi fide, officiis pietatis, & charitatis, ac patientia ob spem promissionum roboret.

I. **U**t autem, quid præclarum de fide sentire debeatis, vobis innotescat, noveritis eam ipsam esse, quæ nobis res sperandas aliquando, veluti præsentēs, ac iam possessas sistit, certa earum potiendarum persuasione DEI infalli-

bili

II. **E**st autem fides sperandarum substantiantia rerum, argumentum non apparentium.

R 4 2.

bili promissioni innitente:
atque indubitatam quoque
demonstrationem, convictio-
nem, & probationem in-
victam præstat intellectui eo-
rum, quæ nec videt, nec
naturali habilitate capit.

2. Ab hac fide insigniter
commendari meruerunt, qui
antiquis temporibus vixerunt
maiores nostri.

3. Per fidem nobis inno-
tescit, quod solo verbo DEI,
nulla præexistente materia,
omnia creata, & ordinata se-
rie ita disposita sint, DEO
exterior exerente, quod in
ideis æternis invisibiliter, &
spiritualiter continebat.

4. Fidei ardor effecit in
ABEL, ut de optimis suis
potiorem quam CAIN hostiam
offerret: unde etiam testi-
monium promeruit iustitiæ
DEO per ignem cœlitus de-
lapsum, ad sacrificium con-
sumendum, signum, ac te-
stimonium prodente, placi-
tas esse oblationes suas, &
munera. Per eandem etiam
fidem post mortem adhuc
suam sanguis eius clamare
dicitur ad DEUM, pro ultione
innocentis sanguinis effusi
propte,

2. In hac enim te-
stimonium consecuti
sunt fenes.

3. Fide intelligimus,
aptata esse sæcula verbo
DEI, ut ex invisibili-
bus visibilia fierent.

4. Fide plurimam
hostiam ABEL quam
CAIN, obtulit DEO,
per quam testimonium
consecutus est esse iu-
stus, testimonium per-
hibente muneribus eius
DEO, & per illam de-
functus adhuc loquitur.

propterea, quod victimæ suæ præ fratris sui essent acceptæ.

5. Propter vivam fidem DEUS ENOCH hanc gratiam concessit, ut non sentiens mortem ex hoc mundo auferetur, subito disparens ex oculis humanis, non amplius visus, aut repertus, utpote idcirco ablatum, quod iam antea testimonium habuerit, fide sua placuisse DEO.

6. Namque sine fide nullus potest placere, ac acceptus esse DEO: quilibet enim, qui se serio cultui, & servitio DEI mancipare, & aliquando vultui eius appropinquare in æterna felicitate petit, credat oportet, non solum esse DEUM, sed esse eum etiam remuneratorem inquirentibus se, ac pio cultu prosequentibus.

7. Fidei simplicitate indutus NOË divina revelatione monitus de futuro diluvio orbis, DEI verbum reveritus, arcam fabricavit, qua sua fide sibi, familiæque suæ consuluit ab interitu: & mundus (qui neque NOË di-

cen-

5. Fide ENOCH translatus est, ne videret mortem, & non inveniebatur, quia transtulit illum DEUS, ante translationem enim testimonium habuit placuisse DEO.

6. Sine fide autem impossibile est placere DEO: credere enim oportet accedentem ad DEUM, quia est, & inquirentibus se remunerator sit.

7. Fide NOË responso accepto de iis, quæ adhuc non videbantur, metuens aptavit arcam in salutem domus suæ,

R. 5 per

centi, peritura omnia diluvio, credidit, neque corrigi voluit, ad effugiendum intentatum exitum) incredulitatis pœnas dedit: ipse vero hæres mansit iustitiæ, quæ ex fide tanquam radice pullulat, & largissimos beneficiorum divinorum fructus per Christum ex eius posteritate nasciturum pollicebatur.

8. Fide cæca Patriarcha vester ABRAHAM, cuius nomen DEUS auxit cum omine, obediens e patria sua exivit, & in terram peregrinam Chanaan secessit, quam accepturi erant eius posterii in hæreditatem longo post tempore; sic autem patria egresus est, ut ignoraret, quo esset ei commigrandum.

9. Eiusdem fidei intuitu in ipsa terra, quam posteris suis in possessionem datum iri, promissionem acceperat, commoratus est, haud aliter ac in terra, quæ nihil ad ipsum pertineret, utpote in casulis, & tentoriis solum consistens, quo paratus semper esset ad locum mutandum, & hoc modo tum ipse, tum ISAAC Filius, & IACOB nepos, qui erant hæredes eius-

per quam damnavit mundum: & iustitiæ, quæ per fidem est, hæres est institutus.

8. Fide qui vocatur ABRAHAM obedivit in locum exire, quem accepturus erat in hæreditatem: & exiit nesciens quo iret.

9. Fide demoratus est in terra repromissionis tanquam in aliena; in casulis habitando cum ISAAC, & IACOB cohæredibus repromissionis eiusdem:

eiusdem sibi promissæ terræ,
degebant.

10. Non enim spem suam huic terrenæ habitationi infixam habebat, sed expectabat civitatem, solidum, immobile, ac æternum fundamentum habentem, cuius artifex, & conditor ipse DEUS sit, secus ac casulæ, & alia habitacula terrestria, quæ ab homine construi solent.

11. SARA UXOR ABRAHÆ licet non crederet, antequam sibi persuaserat, DEI esse oraculum, ut filium vetula gigneret, posteaquam tamen promissionem divinam agnoverat, eidem firmissimam fidem adhibuit, nihil ambigens de fidelitate divina: sicque confisa DEI promissioni virtutem, ad concipiendum semen accepit, cum nec ætas amplius, nec naturæ alias sterilis conditio id ferret.

12. Sic ergo evenit, ut ab uno, hocque quoad generandi vim emortuo, orta esset tanta hominum multitudo, quæ cum syderibus cœli in comparisonem venire

10. Expectabat enim fundamenta habentem civitatem: cuius artifex, & conditor DEUS.

11. Fide & ipsa SARA sterilis virtutem in conceptionem seminis accepit, etiam præter tempus ætatis: quoniam fidelem credidit esse eum, qui repro-miserat.

12. Propter quod & ab uno orti sunt (& hoc emortuo) tanquam sydera cœli in multi-

nire posset, & haud minus quam arena ad oram maris, esset innumerabilis,

multitudinem, & sicut arena, quæ est ad oram maris, innumerabilis.

13. Cum præter datam fidem nihil essent consecuti isti omnes de cunctis, quas acceperant, repromissionibus, eam tamen constantissime retinuerunt usque ad mortem: a longe, nautarum instar, patriam suam hæreditariam aspexerunt, salutaruntque, professi (quemadmodum habemus in Genesi Patriarchæ IACOB apertam confessionem) se peregrinos, & hospites esse super terram.

13. Iuxta fidem defuncti sunt omnes isti, non acceptis repromissionibus, sed a longe eas aspicientes, & salutantes, & confitentes, quia peregrini, & hospites sunt super terram.

14. Qua professione sua manifeste produnt, ac significant, se patriam non in hac terra, sed in altera vita inquirere.

14. Qui enim hæc dicunt, significant, se patriam inquirere.

15. Quod si vero eius terræ, unde exierunt, rationem habuissent, atque pro vera sua agnovissent patriam, poterant utique per tempus vitæ, quod eis suppetebat, iterum reverti, & potiri patrio solo.

15. Et si quidem ipsius meminissent, de qua exierunt, habebant utique tempus revertendi.

16. Quod dum non fecerunt, ostendunt se ad meliorem,

16. Nunc autem melio-

rem, quam quæ in terris haberi possit, aspirasse habitationem, cœlestem nimirum DEI promissis fidentes. Ob quam fidem nec DEUS probro sibi duxit vocari peculiariter DEUS ABRAHAM, DEUS ISAAC, & DEUS IACOB (haud secus ac Rex regni sui nomen usurpat) sic ab illis vocabulum sumens, quibus patriam, civitatem, & regnum suum paravit.

17. Vultis adhuc plura de præstanti patrum vestrorum fide nosse, quid insignius ABRAHÆ fide, qua sacrificare paratus fuit ISAAC, sicut præceperat ei DEUS, ad tentandam eius fidem: offerre ergo unigenitum Filium in præcinctu erat, cuius tamen promissionem divinam, de multiplicando semine, & stirpe propaganda, acceperat.

18. Hoc enim ipso ex ore divino verbum acceperat: semen quod ex ISAAC, nullo alio tuorum filiorum, prodibit, in eo mea promissa implebuntur.

19. Pro certo tenens, quod & a mortuis resuscitare po-

liorem appetunt, id est, cœlestem. Ideo non confunditur DEUS vocari DEUS eorum: paravit enim illis civitatem.

17. Fide obtulit ABRAHAM ISAAC, cum tentaretur, & unigenitum offerrebat, qui susceperat repromissionem;

18. Ad quem dictum est: quia in ISAAC vocabitur tibi semen:

19. Arbitrans, quia
&

potens sit DEUS: quare etiam ISAAC typus factus fuit Christi, eumque e monte reduxit ABRAHAM ferentem similitudinem Filii DEI, qui oblatus est pro nobis, sed resurrexit, nec a morte detineri potuit.

20. Hic autem ipse ISAAC de longe post futuris rebus DEO credens, secundum hanc fidem benedictionem filiis suis IACOB, & ESAU impertiit, prædixitque, quæ nondum videbat, haud dubitans fore implenda, quæ ei DEUS revelaverat.

21. Paris fidei opus fuit, ut IACOB moriturus utrique filio IOSEPH benediceret, haud secus ac propriis: fastigium etiam sceptri IOSEPH veneratus, tanquam figuram regni Messiae aliquando futuri.

22. Ipse IOSEPH moriens certa fide persuasus de exitu Israelitarum ex Ægypto, licet longe post futuro, mandavit, ut dum proficiscerentur, ossa sua secum deferrent ad promissam terram.

23. Pa-

& a mortuis suscitare potens est DEUS: unde eum & in parabolam accepit.

20. Fide, & de futuris benedixit ISAAC, IACOB, & ESAU.

21. Fide IACOB moriens singulos filiorum IOSEPH benedixit: & adoravit fastigium virgæ eius.

22. Fide IOSEPH moriens de professione filiorum ISRAEL memoratus est, & de ossibus suis mandavit.

23.

23. Parentes MOYSES cum scirent, ac firmiter crederent in divinas promissiones de occupanda terra Canaan, non timuerunt Regis edictum de occidendis masculis, sed natum MOYSEN tribus mensibus occultarunt, servaruntque, ex specie eius eximia indicium fumentes, velle eum servari DEUM.

24. Ut vero MOYSES ætate profectior fuit factus, consimili de DEI promissionibus fide animatus, noluit haberi filius natæ PHARAO-NIS:

25. Magis eligens affligi cum populo DEI, quam temporalibus deliciis, & voluptatibus indulgere, quibus sine peccato, & grandi relictæ fœderis divini scelere uti non potuisset.

26. Pro maioribus enim divitiis, quam essent omnes thesauri Ægyptiorum, opprobria, & fata perferenda duxit, quæ ipse Christus Filius DEI aliquando erat perlaturus, ut sic intraret in regnum suum: secum reputabat ergo MOYSES, si remunerationem hæreditatis cœlestis accipere vel.

23. Fide MOYSES natus occultatus est mensibus tribus a parentibus suis, eoquod vidissent elegantem infantem, & non timuerunt Regis edictum.

24. Fide MOYSES grandis factus negavit, se esse filium filiæ PHARAO-NIS.

25. Magis eligens affligi cum populo DEI, quam temporalis peccati habere iucunditatem.

26. Maiores divitias æstimans thesauro Ægyptiorum improperium Christi: aspicebat enim in remunerationem.

vellet, etiam improprium eius ferre se debere, cuius typum gerebat.

27. Credens divinis promissis idem eduxit populum Israeliticum ex Ægypto, nihil veritus animositatem, & pertinaciam Regis PHARAONIS sapius sibi exploratam, DEUM enim adiutorem mente ceu oculis cernebat, & omnia eius causa libenter perferebat.

28. Eadem quoque fidei in DEUM sinceritate celebravit pascha, effuso agni sanguine postes ædium Hebræorum liniens, ne Angelus vastator Israelitarum pariter ut Ægyptiorum primogenita tangeret, & occideret.

29. Fide postmodum Israelitas universos traduxit per mare rubrum, tanquam per aridam terram: quod dum experiri etiam tentarent Ægyptii, maris undis obruti perierunt.

30. Fidei effectus fuit, ut muri Iericho sine omni humana manu admota corruerent, postquam diebus septem cum tubis & clamore
cir.

27. Fide reliquit Ægyptum, non veritus animositatem Regis: invisibilem enim tanquam videns sustinuit.

28. Fide celebravit pascha, & sanguinis effusionem: ne qui vastabat primitiva, tangeret eos.

29. Fide transferunt mare rubrum tanquam per aridam terram: quod experti Ægyptii, devorati sunt.

30. Fide muri Iericho corruerunt, circuitu dierum septem.

circuissent Sacerdotes Domini,

31. Fidei in acceptis referre debet RACHAB meretrix, quod cum ceteris infidelibus non perierit in direptione urbis, quoniam excepit exploratores Israeliticos, & credens verbis Domini eosdem occulte dimisit, nec prodidit optimatibus urbis quærentibus.

32. Et quid plura opus est accumulare exempla? tempus enim me deficeret, si saltem enarrare vellem, quænam præclara ope fidei gesserint GEDEON, BARAC, SAMSON, IEPHTE, DAVID, SAMUEL, ac magnus ille Prophetarum numerus.

33. Qui per fidem vicerunt Reges, & regna eorum instigante Numine, aut favente suscepti bellis, eiusque virtute perfectis: operati sunt iustitiam tum privatim, tum publice ut iudices, Duces, ac Reges ius & iustitiam administrantes: quare etiam varias, ac peculiare sibi a DEO factas promissiones, ad fortunam sui, ac commissi sibi populi spectan-

31. Fide RACHAB meretrix non periit cum incredulis, excipiens exploratores cum pace.

32. Et quid adhuc dicam? deficiet enim me tempus enarrantem de GEDEON, BARAC, SAMSON, IEPHTE, DAVID, SAMUEL, & Prophetis,

33. Qui per fidem vicerunt regna, operati sunt iustitiam, adepti sunt repromissiones, obturaverunt ora leonum.

spectantes, sunt adepti, per eandem fidem, per quam & quidam eorum etiam leonum ora obturaverunt, ut nihil nocere possent:

34. Sunt quos eadem fidei constantia salvos fecit, ut ardor, & flamma ignis, in quem fuerunt iniecti, non noceret eis: alii evaserunt per divinum auxilium aciem hostilis gladii, in eos irruentis: alii convaluerunt insigni miraculo præter omnem expectationem, & naturæ cursum ab infirmitate: præclara, & humanam virtutem excedentia præstiterunt in bellis fortitudinis specimina: alienigenarum gentium castra, & exercitus præter humanam opem profligarunt.

35. Mulieres etiam fidei ope filios iam mortuos vivos iterum de resurrectione receperunt Prophetis fuscitantibus. Non defuerunt, qui pro fidei magnitudine equalis variisque tormentis distendi sua corpora passi sunt, nolentes redimi ab illa pœna, cum liceret eos esse incolumes, si cessissent impiorum consilio: atque hoc

34. Extinxerunt impetum ignis, effugaverunt aciem gladii, convaluerunt de infirmitate, fortes facti sunt in bello, castra verterunt exterorum.

35. Acceperunt mulieres de resurrectione mortuos suos: alii autem distenti sunt non fuscipientes redemptionem, ut meliorem invenirent resurrectionem.

36.

hoc fecerunt ob fidem, ac spem resurrectionis longe melioris, quam esset exigua vitæ usura.

36. Alii eadem fidei firmitate libenter sustinuerunt ludibria, ac verbera; insuper in vincula sunt coniecti, & squalorem carcerum experti.

37. Alii lapidati sunt, disseci, ac membris truncati, ac aliis innumeris modis tentati, gladio etiam perempti: usi sunt pro vestimentis ovina, aut caprina pelle, vestium genere pauperrimo: omnibus rebus, omnique vitæ subsidio egentes, summa in angustia constituti, atque cum omni malorum genere conflictantes.

38. Hoc modo abiecti a mundo, & male tractati, multi eorum ab hominum societate abscefferunt, cum mundus illis non esset dignus: hinc aufugientes in solitudinibus errarunt, in montes, speluncas, cavernas sese recondiderunt.

39. Et hi quidem omnes, quorum exempla recitavimus,

36. Alii vero ludibria, & verbera experti, insuper & vincula, & carceres,

37. Lapidati sunt, secti sunt, tentati sunt, in occisione gladii mortui sunt: circuierunt in melotis, in pellibus caprinis, egentes, angustiiati, afflictii:

38. Quibus dignus non erat mundus, in solitudinibus errantes, in montibus, in speluncis, & in cavernis terræ.

39. Et hi omnes testi-

S 2 sti-

mus, probati sunt per fidem DEO placuisse: & tam præclara spectacula præbuerunt, dum nondum promissa iustis præmia darentur. Quid igitur vos doletis, & impatienter fertis agonem, ita ut deficere videamini?

40. Cum DEUS sua providentia pro nobis novæ legis fidelibus sectatoribus melius longe prospexerit, ac tanto potius voluerit esse nostram conditionem, adeo ut non ante nos priores illi patres ad perfectam promissionem, adeptionem, fruitionemque pervenissent. a)

testimonio fidei probati non acceperunt, repositionem,

40. DEO pro nobis melius aliquid providente, ut non sine nobis consummarentur.

CA-

a) Tentationum, persecutionumque acerbitas Hebræos conversos labefactabat: erigit ergo eos Apostolus spe promissionum, quarum expectatione iusti quique inde ab origine mundi egregia, & insignia omnia operati sunt, ac dira quæcunque perpeffi, quamvis statim promissis potiri non potuerint, & longe diuturnius sola spe nutrire se debuerint, ante nos ac novam legem non gavisi desideratis. *Anima*, inquit S. CHRYSOST. T. XII. p. 4. B. Præfat. in hanc epistolam, ipsorum crebris quassata tentationibus dimovebatur a soliditate fidei, ideo confirmat eos talibus adhortationibus, ne sint corde incredulo, atque hæc est causa, cur in hac potissimum epistola multa de fide differat, ubi multis allatis exemplis circa finem ostendit, Patribus quoque non representata, quæ promissa sunt. Ad hæc ne se putarent derelictos in adversitatibus, duobus modis eos instruit: primo quæcunque acciderint iubens ferre fortiter: deinde sperare certum præmium. Deum enim non neglecturum inhonoratum Abelem, & reliquam deinceps iustorum seriem.

CAPUT XII.

Allatis insistsens superiori capite exemplis Patrum, qui fide, ac spe promissionum divinarum insignia facinora ediderunt, & mira quævis patrarunt, ac novo etiam proposito Christi exemplo urget Hebræos, ad eandem fidei constantiam, tolerantiam adversorum quorumvis, ac persecutionum: quæ omnia a manu DEI tanquam correptionem pii parentis libenter accipere, ac sufferre debeant. Et quoniam iam succumbere incipiebant, ac vacillare, monet ut se erigant, antequam penitus concidant: hortatur ad charitatem, & sanctitatem sectandam, neve gratiæ DEI desint; terret exemplo Esau, ne, cœlestia ob terrena relinquentes, excidant promissionibus Novi Testamenti, cum DEUS sit vindex terribilis spreтарum gratiarum, & non servati pacti.

I. Cum igitur tanta suppetat multitudo, & ceu nubes nos undique sepiat copia testium, nobis in exemplum propositorum, ut cum fide, & patientia superemus omnes difficultates, quæ cursum

✠. Ideoque & nos tantam habentes impositam nubem testium, deponentes omne pondus, & circumstans nos
S 3 pec-

sum semel cœptum ad vitam beatam remorari possent, abiiciamus pondus omne, & sarcinam earum rerum, quæ animum deprimere, & inertem reddere valent, quæque nos undique infestat, & circumcingit peccandi prurigo, libidoque: satagamus omni animi contentione, & infesso labore certamen nobis oblatum fortiter sustinere, ac pugnare,

2. Mentis nostræ oculos coniicientes, atque acuentes studium nostrum exemplo Christi Domini: is quidem auctor, & consummator, principium, & finis fidei nostræ, non solum præses agonis, verum etiam largus dispensator virium, & gratiarum ad eum absolvendum, cum æternis gaudiis frueretur, liceretque ei tam procul abesse ab omni cruciatu, quamvis expers erat peccati, elegit tamen acerbam in cruce mortem sustinere, non attento probro, & ignominia, sicque ad dexteram throni divini evectus est.

3. Hunc respicite, & apud vosmetipsos recogitate, quantopere ipsi peccatores adversati,

peccatum, per patientiam curramus ad propositum nobis certamen.

2. Aspicientes in auctorem fidei, & consummatorem IESUM, qui proposito sibi gaudio sustinuit crucem, confusione contenta, atque in dextra sedis DEI sedet;

3. Recogitate enim eum, qui talem sustinuit

fati, eumque ad mortem usque persecuti sint, contrarii semper studiis eius, ad eorum salutem unice collimantibus, quæ tamen omnia patienter tulit: hæc attendite quæso, ut istis animati, non defatigemini in laboribus, & persecutionibus: atque animum despondentes deficiatis tanquam derelicti, & destituti ab ipso. a)

nuit a peccatoribus adversum semetipsum contradictionem: ut ne fatigemini animis vestris deficientes.

4. Ipse quidem ad sanguinem, & mortem usque afflictus est, vos autem nondum eousque repugnando moribus interius, exteriusque ad peccatum vos impellentibus restitistis: non enim tam graviter tentati estis ad varia in DEUM scelera committenda, præsertim infidelitatis, ac desertionis.

4. Nondum enim ad sanguinem restitistis adversus peccatum repugnantes.

5. An vero, dum adversus vos mala insurgunt, & ad

5. Et obliti estis consolationa-

a) Nihil acrius, vehementiusque esse possit hac incitantis Apostoli oratione ad fortiter in stadio currendum, & inceptum certamen prosequendum: non solum allatis exemplis veterum, verum etiam ipsius Christi Domini, qui tum suis factis nos stimulet, tum etiam, ac potissimum parta nobis gratia animet, & roboret, nec nos deferat, nisi deferatur a nobis sub onere succumbentibus, & deficientibus.

ad defectionem provocant, non recordamini illorum, quæ Spiritus S. dicit, varie afflictos tanquam filios alloquens verbis consolationis plenius: Fili mi noli negligere fructum, quem potes percipere, si patienter, & fortiter suffers castigationem a Domino tibi oblatam, nec fatigeris, ac concidas, dum ab eo argueris per flagella, & tribulationes exerceas, ac veluti calcaribus ad proficiendum instigaris.

6. Quem enim vero amore prosequitur DEUS, hunc castigat, ut exerceat in virtutibus, & ad remunerationem dignum reddat: & quem in sinum gratiæ, alienatum prius peccatis, iterum recipit, hunc acerbis etiam flagellis excipit, interim reiectitios, favore indignos, a gratia repulso, atque desperatos corruptis moribus, & desideriis relinquit.

7. Quare cum patientia, & perseverantia usque ad finem correptiones Domini, quibus vos paterno affectu ad profectum vestrum afficere solet, sustinete; ut pius quilibet, & de salute filii sollicitus

pa-

solationis, quæ vobis tanquam filiis loquitur dicens: fili mi noli negligere disciplinam Domini: neque fatigeris, dum ab eo argueris.

6. Quem enim diligit Dominus, castigat: flagellat autem omnem filium, quem recipit.

7. In disciplina perseverate: tanquam filiis vobis offert se DEUS: quis enim filius, quem non corripit pater?

8.

pater is habetur, qui verbis,
& verberibus filium corripi-
endo, in officio continere,
ac erudire consuevit.

8. Quodsi vero eas casti-
gationes, quas omnes subire
debuerunt, qui unquam veri
filii fuerunt habiti, non ex-
perimini, nec toleratis: scia-
tis vos spurios, ac adulte-
rinos potius esse, & a sorte
filiorum extorres.

9. Deinde si parentes car-
nales, a quibus solum cor-
pus accepimus, erudire nos,
& corripere patienter tuli-
mus, & reverenter suscepi-
mus, quidquid adversum nos
egerint: an non multo magis
feremus DEUM auctorem,
& conditorem animarum no-
strarum, eiusque ductum se-
quemur, qui castigando, &
erudiendo ad vitam peren-
nem nos ducit?

10. Præterea parentes cor-
porales ad breve tempus nos
filios suos erudiunt, atque
pro suo arbitratu, quo non
semper assequuntur id, quod
imprimis utile foret, ac pro-
ficuum: at hic perpetuo no-
stris commodis invigilat,
eruditionem præstando, &
cor-

8. Quodsi extra di-
sciplinam estis, cuius
participes facti sunt om-
nes: ergo adulteri,
& non filii estis.

9. Deinde patres qui-
dem carnis nostræ eru-
ditores habuimus, &
reverebamur eos: non
multo magis obtempe-
rabimus Patri Spiri-
tuum, & vivemus?

10. Et illi quidem
in tempore paucorum
dierum, secundum vo-
luntatem erudiebant
nos: hic autem ad id
quod utile est in reci-
S 5 pien-

correctionem; non terrenam, & fluxam utilitatem nobis procurans, sed perenniter salutarem nobis impertiendo sanctificationem eam, quam adeptus est, acerbissimas in se expertus animadversiones, usque ad profusum sanguinem, & mortem lytrum redemptionis nostræ, & pretium salutis æternæ.

II. Omnis quidem castigatio, dum infligitur ad correctionem sive a terrenis, sive a cœlesti Patre, dolorem, & mœsticiam affert; alii successu temporis iam hic in terris exercitatis conciliat fructum suavem iustitiæ, & sanctitatis: in altera autem vita pacem, & quietem sempiternam, cum perfecta iustitia nobis promittit, & ostendat.

12. His igitur stimulis excitati tum oblatae per Christum gratiæ, tum etiam promissæ æternæ vitæ, manus vestras, quæ iam remissæ videntur per inertiam, & genua dissoluta, atque sub onere laborum, & tribulationum labascere, ac corruere incipientia iterum erigite, & confortamini per præsens gra-

piendo sanctificationem eius.

II. Omnis autem disciplina in præsentem quidem videtur non esse gaudii, sed mœroris: postea autem fructum pacatissimum exercitatis per eam reddet iustitiæ.

12. Propter quod remissas manus, & soluta genua erigite.

gratiæ subsidium in Christo præparatum, speque æternæ remunerationis pro momentaneo labore. a)

13. Gressus rectos in via vera christianæ fidei, ac vitæ facite, ut pedibus vestris neque in dexteram, aut sinistram declinetis: aut etiam quis in officiis suis, & tolerantia vacillans, nec bene in via Domini incedens, errando pereat: sed ut potius, cui iam pes læsus, ac gressus perversus, sanetur, & convalescat resumto Spiritu per hæc proposita exempla, præsentemque exhortationem, tum verbis, tum factis, tum etiam correptionibus ad sanitatem pristinam opitulante divina gratia redeat.

14. Pacis quidem, & amicitiae sitis studiosi cum omni-

13. Et gressus rectos facite pedibus vestris: ut non claudicans quis erret, magis autem sanetur.

14. Pacem sequimini-

a) Superius similitudine aquæ defluentis, nunc schemate remissarum manuum, & solutorum genuum utitur: illic terret incusso timore postremæ ruinæ: hic hortatur, & excitat ob oculos ponendo pronum eorum statum ad lapsum & ruinam, nisi remissam operam, & flaccida, labascentiaque studia fidei, & sanctitatis ad pristinum vigorem per virtutem gratiæ restituant. Hactenus nihil omisit, ut eos ad sanitatem quærendam incitet, exemplis, ipsaque ope, qua sanari possent, proposita, ne claudicare pergentes penitus tandem aberrent, & pereant.

mnibus hominibus confer-
vandæ, quatenus fides, re-
ligio, & DEI voluntas per-
mittit, quærentes quidquid
ad eam facere possit: modo
nihil sanctitatis studio offi-
ciat, quæ est omnibus con-
fectanda, & in omnibus
nutrienda, cum sine hac nul-
lus ad DEUM videndum, eo-
que fruendum pertingere
queat.

15. Cavete ergo tum vo-
bis ipsis, tum aliis per mo-
nita, & exempla, ne quis
destituatur gloria, quæ nobis
est præparata, & excidat
promissionibus factis, non
satis respondens gratiæ moli-
minibus, nec bene talen-
tum datum collocans. a)
Ne qua radix amara falsæ
doctrinæ, aut pravi exempli
inter vos germinans, messem
impediat, plures etiam in-
qui-

ni cum omnibus, &
sanctimoniam, sine qua
nemo videbit DEUM.

15. Contemplantur
ne quis desit gratiæ
DEI: ne qua radix a-
maritudinis sursum ger-
minans impediat, &
per illam inquinentur
multi.

16.

a) Monet hic Apostolus, ut solliciti sint, ne gratias oblatas
disperdant, & dum aspirant, negligentur, non respondendo
vocationi divinæ: non tantum hoc in se quemque attendere,
& curare vult, verum etiam in aliis, hortationibus, ac exem-
plis effici: cum contra fieri possit, ut unius pravitas plu-
res corrumpat. Aptissima autem hæc sunt non solum supe-
rioribus adhortationibus ab exemplis, verum etiam proxime
datæ monitioni de remissis manibus, & solutis genibus eri-
gendis.

quinando, & fructu sperato
fraudando.

16. Considerantes, ne quis sit in vobis fornicator a) aut profanus res sacras contemnens, ac nihili faciens, sicut ESAU, qui ius primogenituræ pro vili esca vendidit, quod non solum temporalem prosperitatem, verum etiam spiritualia bona, & promissa per Christum nobis præstanda complectebatur: cuius ESAU exemplum alii sectantes æternas pollicitationes pro terrenis rebus, escis, voluptatibus commutant.

17. Noveritis enim, & ad salutarem vestrum terrorem notetis, quod quamvis postmodum cuperet venditum primogenituræ ius benedictione paterna recuperare, id tamen consequi non potuit, sed reiectus est, tam a parente benedictionem impertiente, quam a DEO eius effectum præstante: neque pro-

16. Ne quis fornicator, aut profanus ut ESAU, qui propter unam escam vendidit primitiva sua.

17. Scitote enim, quoniam & postea cupiens hæreditare benedictionem, reprobatus est: non enim invenit locum pœnitentiæ, quamvis cum lacrymis inquisisset eam.

18.

a) *Mihi videtur*, sunt verba S. CHRYSOSTOMI in hunc locum, *subindicare quosdam in eis fornicatores*. Ex quo erui potest alia etiam scelera, quam sola defectio, ad lamentabilem casum, de quo hic S. Apostolus, exemplo ESAU producto inducere posse.

profuit illi sero pœnituisse, tamen si multis lacrymis contestaretur, quantum de iactura hac doleret; non enim ad talem pœnitentiam pervenire potuit, aut etiam parentem inducere, ut amissam primogenituram reciperet. a)

18. Non ergo cum ESAU, qui est typus veteris vestri Testamenti, ad benedictionem,

18. Non enim accessistis ad tractabilem mon-

a) Non est dubium, quin ESAU veram pœnitentiam non egerit; quia temporaneum damnum tantum flevit, & infensum animum in fratrem gessit. *Quoniam*, inquit in hunc locum S. CHRYSOSTOMUS, *non quomodo oportuit, egit pœnitentiam*. Qui idem S. Pater applicationem historiæ ESAVI ad præsentem Iudæorum statum, quando eos alloquebatur Apostolus, optime declarat ad nostrum prorsus explicandi modum, quo in hac epistola omnia nexa esse putamus, atque ad hunc unum scopum collimantia, ut Iudæos christianum nomen iam adeptos, & vacillare incipientes iterum erigat, ne rursus relapsi cum reliqua gente ruinam imminentem incurrant, ablata sibi benedictione, & gentilibus impertita ad hæreditatem cœlestem: huius enim rei figuram fuisse IACOBI, & ESAVI historiam ambigere non licet. Quod ut melius explicaret S. Doctor, cui præprimis mens Apostoli perspecta esse potest, superiores adhortationes de erigendis manibus remissis, & genibus solutis huc reducit: unde pateat adhuc non esse effluxum tempus, nec præsentem ruinam, & excidium, dummodo vere pœniterent, non sicut ESAU, non sicut reliqua gens Iudaica, cuius iam interitus immineret. Iudæi, ad quos Apostolo sermo erat, iam se a sorte ESAU, id est Iudæorum separaverant, & ad IACOB converterant, sed claudicare incipiebant, & redituri videbantur, quo ipso casui, & execrationi cum reliqua gente appropinquabant, nondum penitus ad-

nem, & hæreditatem promissionum rursus accedere debetis, quam iam præripuit ei IACOB, Christi Ecclesia ex gentilibus aggregata, alias iure filiorum DEI excidetis: nec poterit vobis synagoga dignas pœnitentiæ lacrymas præbere, ut hæreditariam benedictionem capiat cum gente vestra, quæ ob vilem escam temporarium voluptatum, & prosperitatum vendidit ius primogeniti: IACOBO ergo cum vos iam sociaveritis, Christi fidem amplexi, constanter ei adhæreatis oportet, ut reportetis repromissiones, & benedictionem hæreditatis æter-

montem, & accensibilem ignem, & turbinem, & caliginem, & procellam,

19.

dicti, quia adhuc & tempus, & locus pœnitentiæ per Christum residuus. *Alioqui*, inquit S. CHRYSOSTOMUS, *quomodo hæc diceret? quomodo cum segnes & pigri evasisent, eos rursus adhortaretur? quomodo cum claudi facti essent? quomodo cum essent remissi, & soluti? Hoc enim est initium lapsus. . . .* Non invenit, inquit, pœnitentiæ locum, non invenit pœnitentiam, an quod peccavit maiora, quam ut eorum agi possit pœnitentia? an quod dignam pœnitentiam non fecerit? sunt ergo peccata aliqua maiora, quam ut eorum agi possit pœnitentia: hoc est ergo quod dicit: **NE CADAMUS CASU INCURABILI.** Donec fuerit solum claudicatio, facile est rectum fieri: sin autem fuerimus penitus eversi, quid de cetero restabit? Cum iis enim, qui nondum ceciderunt, sic loquitur, metu eos concutiens, & dicit fieri non posse, ut qui ceciderit, unquam assequatur consolationem: iis autem, qui ceciderunt, ne incidant in desperationem contrariam, sic dicit: Filioli mei, quos iterum parturio,

ternæ, non tantum fluxæ, & terrenæ, qualem ESAU adhuc obtinuit, id est synagoga, sed quæ in compactionem non veniat cum benedictione IACOB, seu Christiani populi, cui vos iam iunxistis: atque hinc non accessistis ut olim legem accepturi, & promissionum Testamentum ad montem contrectabilem manibus, terrenumque (qui elementari igne accensus ardebat) turbinem, caliginem, & procellam.

19. Tubæ sonitum, & vocem verborum, quam qui audierunt expavescerent, horroreque concussi rogarunt, ne ad eos DEUS pergeret ipse verba facere.

20. Ita

19. Et tubæ sonum, & vocem verborum, quam qui audierunt, excusaverunt se, ne eis fieret verbum.

20.

donec formetur in vobis Christus. *Et rursus:* Qui in lege iustificamini, a gratia cecidistis. *Ecce testatur eos excidisse.* Secundum S. Patrem ergo ad Iudæos conversos loquitur terrenda a lapsu: Iudæos necdum conversos ad resurgendum animat, ut quamdiu est locus pœnitentiæ, & tempus resurgendi, illud ne præterire finerent. Causa ergo ruinæ semper in nobis, si lapsi non resurgimus, nec pœnitentiam agimus: sed agere pœnitentiam, ut oportet, gratia est, cuius participes non sunt, qui eam aliunde quam a Christo, a lege gratiæ flagitant cum lacrymis.

20. Ita terribilis erat vox illa, ut humanæ aures ferre non possent: unde nec propius ad montem accedere eis permissum: atque bestia etiam, si tetigisset montem, lapidibus obruenda erat.

21. Sic ad terrendum omnia composuit DEUS, atque eiusmodi horribilis erat rerum facies, ut ipse MOYSES exterritum se, & tremebundum confessus sit.

22. Non vos ad talem accessistis montem initiati fide, ac fœdere Christi, qualis fuit mons Horeb in legislatione fœderis Mosaici, sed montem sanctum Sion, ubi est regia, & civitas DEI viventis, nimirum cœlestis Ierusalem, in innumerabilem Angelorum cœtu, ac frequentia.

23. In Ecclesia, ac societate eorum, qui cum IACOB ius primogeniti ESAYO præripuerunt, benedictionis paternæ hæredes scripti, ad cœlestem in cœlis hæreditatem percipiendam. Non per MOYSEN accepta promissione, sed ipso DEO, qui est
iu.

20. Non enim portabant quod dicebatur: & si bestia tetigerit montem, lapidabitur.

21. Et ita terribile erat, quod videbatur, MOYSES dixit: exterritus sum, & tremebundus.

22. Sed accessistis ad Sion montem, & civitatem DEI viventis, Ierusalem cœlestem, & multorum millium Angelorum frequentiam,

23. Et Ecclesiam primitivorum, qui conscripti sunt in cœlis, & iudicem omnium DEUM, & Spiritus iustorum perfectorum,

T 24.

iudex univerſorum, hoc ad-
iudicante animabus iuſtis,
perfectisque in hac vita per
fidem, & charitatem, in al-
tera per plenam ſanctitatem,
& gloriæ poſſeſſionem.

24. Quæ quidem omnia
conſequimur per IESUM Chri-
ſtum, qui eſt mediator, &
Pontifex novi Teſtamenti,
quo hæredes ſcribimur om-
nium horum bonorum, fir-
mato hoc Teſtamento, ut
ſolet fieri, effuſione ſanguinis
ipſius mediatoris, qui ſanguis
multo melius pro nobis lo-
quitur, quam ſanguis ABEL,
non vindictam clamans, ſed
miſericordiam, & propitia-
tionem impetrans pro iis, qui
eo conſperſi fuerint. a)

25. Ca-

24. Et Teſtamenti
novi mediatorem IESUM,
& ſanguinis aſ-
perſionem melius lo-
quentem quam ABEL.

25.

a) Poſtquam Iudæos Chriſtianos allato EſAVI exemplo terruit
Apoſtolus, rediit ad comparationem novi, & veteris Teſta-
menti, quam per integram epiſtolam urget: nunc vero demum
huius rei cauſa & conſilium Apoſtoli, & contextus epiſtolæ
totius ſe plane, ac perfecte prodit, in ESAU, ut diximus, ve-
teris Teſtamenti typus, & IACOB novi, in illo Iudæi, in hoc
gentiles. Hi Iudæis ius primogenituræ, & paternæ benediſtionis
præripuerunt, promiſſionum nimirum cœleſtium: his ſe iunxerunt
Iudæi, ad quos ſcripſit PAULUS: hortatur ergo, ne imitato-
res ESAVI eandem cum illo pœnam incurrant, quod ne con-
tingat, opus eſſe, relicto veteri fœdere in novum confidant,
quod benediſtione paterna æternarum promiſſionum, iureque pri-
mogenituræ gaudeat.

25. Cavete ergo, ne recusetis Evangelium benedictionum cœlestium per Christum ad nos allatum, illudque profanetis: si enim patres vestri Israelitæ, recusantes audire MOYSEN, vel Angelum, eiusque pactum, ac legem non servantes, qui super terram corporalibus tantum vocibus, ac signis loquebatur, vindictam, & pœnam non effugerunt: quid vobis metuentum non erit, si de cœlo loquentem per Filium cœli-tus demissum, & Spiritum S. in corda nostra illabentem, & per varia dona, ac charismata sua interius, exteriusque afflantem averfati fuerimus? a)

26. Cum autem vox DEI tunc, cum lex vetus ferretur, terram concussit tantum, per Prophetam de præfenti novi Testamenti tempore

25. Videte, ne recusetis loquentem. Si enim illi non effugerunt recusantes eum, qui super terram loquebatur, multo magis nos: qui de cœlis loquentem nobis avertimus,

26. Cuius vox movit terram tunc; nunc autem repromittit dicens:

a) Non ergo soli Iudæi sectatores veteris legis desertionis pœnam subierunt: sed illius longe adhuc gravius periculum iis imminet, qui gratiam novi Testamenti pessumdant, & conculcant: hi enim, quo melioribus promissionibus instructi, quo amplioribus auxiliis adiuti, quo præstantiorem mediatorem nacti &c. Eo graviores in se DEI vindictam provocant, si nihil his proficientibus a fœdcris conditionibus excidant, & tanta bona in cassum recipiant.

pore prædicitur : se nunc adhuc semel non solum terram, sed etiam cœlum commoturum, ad Iudæorum ferrea concutienda pectora : unde, sicut legimus de hoc tempore, terra tremuit in morte, & resurrectione : cœli aperti sunt non semel voce audita, misso Spiritu S. non sine cœlesti sonitu sequentibus effectibus in miraculis, aliisque donis cœlestibus exterius, interiusque aspirantibus, nosque moventibus.

27. Quod autem per AGGÆUM dicitur, adhuc semel commotionem secuturam : designat tempus futurum, quo sit instituenda translatio eorum, & immutatio, quæ per MOYSEN ante posita fuerant, ut deinceps manerent, & perseverent in novo Testamento, quæ sunt æterna, ac nulli mutationi obnoxia : DEO edicante semel adhuc futuram motionem, consequenter ea stabilia fore, quæ hac commotione constituenda sint : sicuti necessitas secundæ huius post primam illam motionem declarat prioris instabilitatem, mobilitatemque.

28. Ita-

cens : adhuc semel, & ego movebo non solum terram, sed & cœlum.

27. Quod autem adhuc semel dicit : declarat mobilium translationem tanquam factorum, ut manerent ea, quæ sunt immobilia.

28.

28. Itaque cives adscripti in regno Christi, quod æternum stat, atque suscepto novo fœdere immobili, summum sumus consecuti beneficium, ac gratiam, habemus cœlestia auxilia, ut per obsequium servitutis nostræ secundum legem a Christo latam, datumque Evangelium DEO grāti, & accepti esse possimus, si modo cum metu, & reverentia salutem nostram operati fuerimus, a) constanter adhærentes, ac servantes fœderis conditiones, quas Christi religionem amplexi iuravimus.

29. Alias experiemur DEUM non impune laturum contemtum, ac neglectum suarum gratiarum: est enim DEUS zelotes, cuius ira terribilis, in igne furoris sui consumens fœderis dissipatores,

28. Itaque regnum immobile suscipientes habemus gratiam, per quam serviamus placentes DEO, cum metu, & reverentia.

29. Etenim DEUS noster ignis consumens est.

CAP. XIII.

a) Cum metu ergo, & reverentia ad usum oblatæ gratiæ hortatur Iudæos conversos, ne securitatem sibi eo solum nomine polliceantur, quod adscripti sint Testamento, & fœderi tam insigni, quale hactenus esse novam legem præ veteri ostendit. Metuendum enim cavet, ne non perseverando constanter in pacto, & gratiam pessumdando DEUM ad iracundiam provocent, qui sicut est largus in donando, ita etiam severus in puniendo.

res, flammisque ultricibus
addicens.

C A P U T XIII.

Commendat Hebræis christianis Apostolus charitatem fraternam, hospitalitatem, misericordiam erga vinctos, & aliis modis afflictos. Legitimum coniugii usum deprædicat, fornicationem, & adulterium detestans: debortatur ab avaritia. Imitationem præpositorum inculcat, in perseverantia, ac constantia eiusdem semper doctrina retinendæ, reiectis novis, & peregrinis præsertim circa legalia, quorum usum damnat, gratia potius stabiliendum cor, quam escis: hostiam Eucharisticam extollit, quam extra Iudæorum communionem sumere debeamus, sicut Christus extra civitatem hoc sacrificium obtulit: hostiam etiam laudis, & confessionis, nec non beneficentiæ commendat; iubet ut obediant præpositis, & pro se orent: bene precatur, ac salutationibus claudit tandem epistolam.

I. **Q**uod si autem desideratis, ut vobis sit propitius DEUS, & pius, satagite ut charitas inter vos
tan-

✠. **C**haritas fraternitatis maneat in vobis.

tanquam inter fratres firma
semper consistat, ac perse-
veret.

2. Inter mutua autem cha-
ritatis officia hospitalitatem
præprimis colere ne unquam
intermittatis, quæ quantopere
sibi grata sit, & accepta, ali-
quando aperto indicio mani-
festavit DEUS, dum tecta
specie Angelos ad quosdam
hospites destinavit.

3. Eorum, qui pro Christi
nomine in vinculis detinen-
tur, tam sollicitam curam
gerite, ac si ipsi vos simul
cum illis vincti essetis: haud
minus erga eos, qui aliis mo-
dis laborant, affligunturque,
pietatis, & misericordiæ mu-
nera explete; memores vos
etiam mortali corpore esse
indutos, iisque & ipsi malis
obnoxios.

4. Nemo coniugium da-
mnet, res est sane prorsus ho-
norabilis, ac sacra in sua in-
stitutione, & legitimo usu,
nisi ei macula aspergatur per
illicitam thori usurpationem,
quod faciunt fornicatores,
qui extra connubium sibi co-
pulantur, & adulteri, qui
alienis commiscuntur, seve-
ram

2. Et hospitalitatem
nolite oblivisci, per
hanc enim placuerunt
quidam, Angelis hospi-
tio receptis.

3. Mementote vincto-
rum, tanquam simul
vincti: & laboran-
tium, tanquam & ipsi
in corpore morantes.

4. Honorabile con-
iugium in omnibus,
& thorus immacula-
tus. Fornicatores enim,
& adulteros iudicabit
DEUS.

ram divini iudicii sententiam accepturi.

5. Vitam, ac mores præbete alienos ab avaritiæ labe, ac bona quovis modo, & arte accumulandi anxio studio, contenti viventes iis, quæ concefferit DEUS: cum ex divino ore pollicitationem acceperimus his conceptam verbis: *Non ego te deferam, neque derelinquam.*

6. Quoniam itaque tam perspicue DEI habemus fidem obstrictam, licet nobis posita in eius adiutorium certa fiducia, verba Psaltis usurpare: *Dominus mihi adiutor, non timebo quid faciat mihi homo:* sive me persequatur, sive bonis meis inhiet, sive quascunque res, ac fortunas diripiat, DEUS est præsidium meum, spes mea, nihili facio iacturam rerum quarumvis, aut quidquid mali mihi ab homine accidat; DEUS mihi adiutor assistat modo, adsitque gratiæ suæ auxiliis, quibus ad æterna bona eniti queam.

7. Sæpius in memoriam revocate, & tacita animi cogitatione vobiscum repetite, qua-

5. Sint mores sine avaritia, contenti præsentibus: ipse enim dixit: non te deferam, neque derelinquam.

6. Ita confidenter dicamus: Dominus mihi adiutor est, non timebo quid faciat mihi homo.

7. Mementote præpositorum vestrorum, qui

quales fuerint præpositi vestri, Apostoli, & præcones fidei, qui vobis verbum DEI exposuerunt, Evangelii, novæque legis dogmata, & præcepta annunciarunt: quos dum cernitis constanter usque ad mortem in lege evangelica perseverasse, & pro ea etiam mortem subiisse, eos imitamini in hac fidei constantia, nihil dubitantes de sinceritate prædicati Evangelii, nihilque nutantes in accepta ab illis fidei doctrina: licet enim ipsi mortui sint,

8. Christus tamen Iesus ab initio fuit, qui modo est, & erit quoque idem semper in sæcula: quare eadem etiam illius fides, & Evangelium sit oportet.

9. Nullam ergo varietatem in doctrina evangelica admittite, illis firmiter adhærentes, quæ vobis primi fidei præcones a Christo emissi, tradiderunt: neque vobis obtudi patiamini nova, & peregrina, aliunde nimirum quam in schola Christi enata dogmata, quibus tum hæretici, tum Iudaizantes christiani vos a vera Christi doctrina, evangelicæque legis puritate

ab-

qui vobis locuti sunt verbum DEI, quorum intuentes exitum conversationis, imitamini fidem.

8. Iesus Christus heri, & hodie: ipse & in sæcula.

9. Doctrinis variis, & peregrinis nolite abduci: optimum est enim gratia stabiliri cor, non escis: quæ non profuerunt ambulanti in eis.

abducere gestiunt, quibusdam etiam in escis, ritu Mosaico, nescio quam sanctificandi animum vim repONENTES. Verum cor christianum non cibis, sed gratia DEI, charismatibus, ac donis Spiritus Sancti stabilitur, ac roboratur: hic est cibus longe optimus, ac solidissimus ad nutriendum interiorem hominem, atque sanctificandum exquisitissimus: neque enim delectus legalis ciborum ad hoc quidquam profuit illis, qui ei maxime anxie fuerunt addicti, & qui cibis sacris plurimum sunt usi, Sacerdotes scilicet, & Levitæ. a)

10. Abeant illi cum carnibus hostiarum: est nobis altare, ac cibus victimæ eucharisticæ, hostiæque piacularis ad alendos, expiandos, sanctificandos nos efficacissimus, in quo tamen nullæ sunt partes illis, qui sacerdotii

10. Habemus altare, de quo edere non habent potestatem, qui tabernaculo deserviunt.

II.

a) Nullam occasionem prætermittit PAULUS, ut declaret novis ex Iudaismo christianis gratiæ evangelicæ, quæ per Spiritum S. datur, virtutem & præstantiam, præ ritibus Mosaicis, ad robur spirituale, sanctitatemque homini præstandam: ut sic ad usum gratiarum faciendum, animum accendat, fiduciam a ritibus Mosaicis inutilibus, ad legem evangelicam efficacia gratiæ hominem instruentem revocet.

dotii ministerio in tabernaculo Mosaico funguntur.

11. Cuius rei typum ac figuram quidem vetus Testamentum habuit: ubi scimus corpora eorum animalium, quorum sanguinem Pontifex semel in die solemni expiationis in Sancta sanctorum pro peccato intulit, extra castra fuisse cremata.

12. Hoc quidem totum in figura fuit factum, ad illud nobis exhibendum, quod in Christo fuit expletum, dum extra portas urbis passus est, & se coelesti Patri suo victimam in cruce obtulit, ad sanctificandum per sanguinem suum populum.

13. Deferamus ergo synagogam, & inutiles legis ceremonias, relinquamus gentem Iudaicam obduratam, & in perversitate sua brevi excidendam: exeamus ad Christi Ecclesiam extra urbem Hierosolymitanam in toto orbe diffusam, neque nos pigeat ferre, sicut ipse opprobrium crucis, quod est Iudæis scandalum: quidquid eius nomine sufferendum nobis est, nihil tergiversemur.

14. Ne-

11. Quorum enim animalium infertur sanguis pro peccato in Sancta per Pontificem, horum corpora cremantur extra castra.

12. Propter quod & Iesus, ut sanctificaret per suum sanguinem populum, extra portam passus est.

13. Exeamus igitur ad eum extra castra, improperium eius portantes:

14.

14. Neque enim in castris, ac tentoriis præsentis vitæ stabile habemus domicilium, sed unica spes, ac intentio nostra ad inquirendam cœlestem futuræ vitæ civitatem spectat, quo properantes libenter Mosaica castra relinquimus, & spretis terrenis rebus omnibus Christum sequimur extra castra crucem portantem.

15. Per Christum ergo, & qui eius personam in altari repræsentant, ac sustinent, incessanter offeramus hostiam incruentam laudis, ac gratiarum actionis, Eucharistiam, locō cruentarum veteris Testamenti victimarum, confitentes in divinis laudibus, ac hymnis nos illi omnia debere, atque in acceptis referre, indeque precibus, ac obsecrationibus comparemus, quas nobis gratias, & merita per crucem, & passionem suam promeruit, purgans nos a peccatis, sanctitate exornans, Spiritum S. donans, ac vitam æternam promittens.

16. A benefaciendo proximis vestris, atque erga eos misericordiæ opera exercendo,

14. Non enim habemus hic manentem civitatem, sed futuram inquirimus.

15. Per ipsum ergo offeramus hostiam laudis semper DEO, id est fructum labiorum confitentium nomini eius.

16. Beneficiæ autem, & communionis no-

do, communionem illis bonorum, ac officiorum quorumvis faciendo ne unquam desistatis, obliti indigentiae eorum, quæ sunt hostiæ, non sicut veteres prioris Testamenti, quæ neque gratos, & acceptos DEO reddere valuerunt, nec nos DEO reconciliare, aut nobis sanctitatem conferre: sed hæ novi Testamenti hostiæ placent DEO, ei nos placitos reddunt, nobisque conciliant divina beneficia, ipsamque DEI in cœlis fruitionem. Misericordiam vult DEUS, non sacrificium, quam sicut nobis per sacrificium Christi præstat, ita a nobis præstari vult proximis. a)

nolite oblivisci: talibus enim hostiis promeretur DEUS.

17. Obedite præpositis vestris, & lubenti animo eis subiecti estote: quia ipsi multa cura, & sollicitudine nostri

17. Obedite præpositis vestris, & subiace-
eis:

a) Hactenus D. PAULUS exposuit, quasnam DEO hostias offerre debeamus loco animalium veteris Testamenti sacrificiorum, quæ nihil utilitatis contulerunt ad iustitiam, & sanctitatem: ad tria autem omnia revocat hostiarum genera: imprimis sacrificium crucis, & eius in Missa commemorationem: sacrificium precum, laudis DEI, ac orationis: tum sacrificium operum misericordiæ, & operum charitatis: hæ sunt placitæ DEO, & gratæ hostiæ, quibus nihil non impetrare possumus a DEO, quorumve iugem usum facere semper possumus, ut salutare eorum fructus nobis conciliemus ad nos sanctos, & felices reddendos.

stri causa vigilant, & aguntur, cum debeant rationem DEO reddere, si quid in salute animarum nostrarum neglexerint, neque nos monitis, & præceptis in lege DEI promoverint: quorum proindictis obedientiam promptam exhibere debetis, ut cum gaudio, & sine animi amaritudinē vobis mandata dare possint, nec sub onere regiminis ob vestram inobedientiam fatiscant, ac gemant.

18. Orate pro nobis, nostramque operam DEO commendate privatis, & publicis precibus: neque enim quidquam mihi timeo, sed bonator conscientia in omnibus, quæ aut facio, aut prædico, quæ cuncta esse secundum præscriptum veritatis evangelicæ confido, ut qui nihil, nisi quod rectum sit, in omni conversatione mea spectem.

19. Idcirco autem instantius istud pro me orandi officium a vobis precor, & rogo, quo celerius vobis liberatus iam e vinculis restituar, atque ad vos redux esse possim.

20.

eis: ipsi enim pervigilant quasi rationem pro animabus vestris reddaturi, ut cum gaudio hoc faciant, & non gementes: hoc enim non expedit vobis.

18. Orate pro nobis: confidimus enim, quia bonam conscientiam habemus in omnibus benevolentes conversari.

19. Amplius autem deprecor vos hoc facere quo celerius restituar vobis.

20.

20. DEUS autem, qui nobiscum pacis fœdus fecit, & nos in gratiam recepit, qui resuscitavit de mortuis Pastorem magnum illum ovilis per totum orbem dispersi, Dominum nostrum IESUM Christum, in cuius morte, & effuso sanguine firmatum est novum Testamentum, cuique vis, & robur æternum affuturum est,

21. Is reddat vos aptos, & idoneos ad omne opus bonum perficiendum, ut in omnibus compleatis eius sanctam voluntatem. Idem efficiat per operationem, & virtutem gratiæ suæ in vobis, quidquid gratum, & placitum est in exercitio virtutum christianarum, meritis Christi Iesu vobis applicatis: cui tanquam DEO vero debetur gloria, & adoratio in sæcula sæculorum. Amen. a)

22. Rogo autem vos fratres, ut æquis animis excipiat, quidquid ad vos consolan-

20. DEUS autem pacis, qui eduxit de mortuis pastorem magnum ovium, in sanguine Testamenti æterni Dominum nostrum IESUM Christum,

21. Aptet vos in omni bono, ut faciatis eius voluntatem, faciens in vobis quod placeat coram se per IESUM Christum: cui est gloria in sæcula sæculorum. Amen.

22. Rogo autem vos fratres, ut sufferatis verbum

a) Hic breviter Apostolus totam divinæ gratiæ œconomiam exhibet: hinc discimus: DEUM omnia in nobis operari per gratiam, ita ut nos inepti initium, & progressum actionis bonæ, & ad salutem proficue DEO debeamus, ob Christi merita DEO gratiæ munera tribuente.

solandos, hortandosque nunc scripsi: pauca enim sunt, & multo plura dicenda forent, ut integrum ex Evangelii promissis solatium perciperetis.

23. Notum vobis facio fratrem nostrum TIMOTHEUM iam solutum vinculis, atque e carcere dimissum: cum quo (si celerius ad me redierit) vos revisam.

24. Salutate meo nomine omnes præpositos vestros, Episcopos, & Presbyteros, omnesque Christianos fideles. Salutem per me vobis precantur Itali quicunque Christo nomen dederunt.

25. DEUS gratia sua omnes vos augeat, muniatque, ut per eam ei digne serviat, & perseverantes in fide, & charitate reportetis cœlestem felicitatem. Amen.

bum solatii. Etenim per paucis scripsi vobis.

23. Cognoscite fratrem nostrum TIMOTHEUM dimissum: cum quo (si celerius venerit) videbo eos.

24. Salutate omnes præpositos vestros, & omnes Sanctos. Salutant vos de Italia fratres.

25. Gratia cum omnibus vobis. Amen.

FINIS.

